

大正三年十二月二十五日發行

第三年

東方雜誌

第三十期



光緒三十三年十二月二十五日發行

售例

五月二十五日改正

丙午年東方雜誌售例

一本雜誌零售每册大洋三角預定全年十三册大洋叁圓丙午遇閏增報一册本埠外埠外國一律詳後二外埠郵費全年六角日本同外國郵費全年壹元五角如零售者郵政已通之處每册郵費伍分外國每册郵費壹角至未通郵政之處民局寄資閱者自給三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀三角計算寄足應得冊數為止四在總發行所定購者本埠按期派送不取酒資五凡一人定購五份寄送一處者照價九折拾份者八折六在總發行所定購者如遷徙他處務託安人代收一面知照總發行所改寄惟已寄原處之報不能複寄其在代售處定購者自向代售處商辦總發行所不能接寄七總發行所按期寄送以郵局民局回單為憑中途遺失閱者自理八凡在代售處購報者報價郵費與總發行所一律由代售處逐月函寄總發行所清理帳項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折惟郵費分文不扣

一本雜誌總發行所在上海棋盤街中市 商務印書館內 本埠寄售處 各書坊 外埠代售處 (京都) 商務印書分館 公慎書局 攝

(天津) 商務印書分館 官書局 紫氣 奉天) 商務印書分館 振泰報局 錦州 同益分館 報館 (廣東) 廣州 商務印書館 聖教書樓 英文書莊 嘉應 啟新書局 (福建) 堂 售報處 李茂林 孟晉協記

福州 商務印書分館 美 浦城 私塾改良 湖北) 武昌 中東書社 漢口 商務印書分館 江左漢記 (四川) 成都 商務印書分館 廣 益記書莊 會祝東孫 新報書局 懷慶 探派圖 (湖南) 長沙 集益書社 開智書局 (山東) 濟南 官書局 瀘州 開智 河南) 開封 商務印書分館 總派 歸德 迪新報社 井偉生 懷慶 報處 (山西) 太原 德 書業昌 書業 (江蘇) 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 (江西) 南昌 開智書局 源發報莊 蘇州 公益會社 南京 中西書局 揚州 華源 陝西) 西安 官書局 總派報處 陳漢卿 程小亭 容德堂 (山西) 太原 德 書業昌 書業 (甘肅) 蘭州 總派 東京 金港堂 來青閣 啟新書局 程小亭 容德堂 (保定) 直省官書局 萃英山房 萃英山房 (日本)

重慶 商務印書分館 廣 益記書莊 會祝東孫 新報書局 懷慶 探派圖 (湖南) 長沙 集益書社 開智書局 (山東) 濟南 官書局 瀘州 開智 河南) 開封 商務印書分館 總派 歸德 迪新報社 井偉生 懷慶 報處 (山西) 太原 德 書業昌 書業 (江蘇) 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 (江西) 南昌 開智書局 源發報莊

重慶 商務印書分館 廣 益記書莊 會祝東孫 新報書局 懷慶 探派圖 (湖南) 長沙 集益書社 開智書局 (山東) 濟南 官書局 瀘州 開智 河南) 開封 商務印書分館 總派 歸德 迪新報社 井偉生 懷慶 報處 (山西) 太原 德 書業昌 書業 (江蘇) 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 (江西) 南昌 開智書局 源發報莊

重慶 商務印書分館 廣 益記書莊 會祝東孫 新報書局 懷慶 探派圖 (湖南) 長沙 集益書社 開智書局 (山東) 濟南 官書局 瀘州 開智 河南) 開封 商務印書分館 總派 歸德 迪新報社 井偉生 懷慶 報處 (山西) 太原 德 書業昌 書業 (江蘇) 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 (江西) 南昌 開智書局 源發報莊

重慶 商務印書分館 廣 益記書莊 會祝東孫 新報書局 懷慶 探派圖 (湖南) 長沙 集益書社 開智書局 (山東) 濟南 官書局 瀘州 開智 河南) 開封 商務印書分館 總派 歸德 迪新報社 井偉生 懷慶 報處 (山西) 太原 德 書業昌 書業 (江蘇) 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 (江西) 南昌 開智書局 源發報莊

重慶 商務印書分館 廣 益記書莊 會祝東孫 新報書局 懷慶 探派圖 (湖南) 長沙 集益書社 開智書局 (山東) 濟南 官書局 瀘州 開智 河南) 開封 商務印書分館 總派 歸德 迪新報社 井偉生 懷慶 報處 (山西) 太原 德 書業昌 書業 (江蘇) 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 (江西) 南昌 開智書局 源發報莊

重慶 商務印書分館 廣 益記書莊 會祝東孫 新報書局 懷慶 探派圖 (湖南) 長沙 集益書社 開智書局 (山東) 濟南 官書局 瀘州 開智 河南) 開封 商務印書分館 總派 歸德 迪新報社 井偉生 懷慶 報處 (山西) 太原 德 書業昌 書業 (江蘇) 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 (江西) 南昌 開智書局 源發報莊

東方雜誌第十三期目錄

圖畫

德清俞蔭甫先生

侯官嚴幾道先生

山海關

崆峒峽

社說

選論附

興女學議 本社撰稿

勇立

論國人積蓄母財 本社撰稿

謹照

歷史上黃白二種之競爭 節錄丙午十月十六日嶺東日報

論尊古之心理 錄丙午十月二十六日南方報

論國人失其自覺心之危上 錄丙午十月二十八日時報

論國人失其自覺心之危下 錄丙午十月二十九日時報

諭旨

十一月全
補十月

目錄

內務

讀禁煙章程書後 錄丙午十月二十三日中外日報

會議政務處大臣奏籌擬禁煙章程摺

吏部奏酌定裁缺衙門司員筆帖式改用班次摺

吏部奏請以各項分部人員仍照向章分發學習摺

各省內務彙誌

京師

直隸

浙江

廣東

各國內務彙誌

俄

德

法

美

外交

論國民當略知外交 錄丙午第二十八期外交報

論治外法權與領事裁判權性質之區別 節錄丙午十月十二日北洋官報

中日委員會訂交收營口條款

中外交涉彙誌

各國

中日

中英

中俄

中德

目錄

中法 中義 中古 中美

各國交涉彙誌

日俄 日法 日屬 日美 英法

英希

萬國平和會議

國際公法新例

德相演說外交政策詳述

述美國干涉古巴內政

教育

論中國教育之弊 節錄丙午十月十八日申報

考察政治大臣今 兩江總督端 注部尙書戴奏教育關係至重謹就考察所及敬抒管見摺

民政部奏辦高等巡警學堂摺

學部定立京外各學堂收取學費章程

學部訂定優級師範選科簡章

學部新定京內外官紳出洋游歷簡章

學部新定京內外官紳出洋游歷簡章

各省教育彙誌

京師 直隸 奉天 河南

江蘇 浙江 湖北 四川

廣東 廣西 貴州 蒙古

各省游學彙誌

京師 直隸 奉天 山西

浙江 廣東

各省報界彙誌

京師 直隸 奉天 吉林

湖北 廣東

僑民興學彙誌

各國教育彙誌

日本

財政

論中國於實行立憲之前宜速行預算法 節錄丙午九月二十日南方報

財政處戶部奏續擬歸併各省銅幣局廠辦法摺

督辦稅務大臣唐會奏官運物料擬請一律徵稅摺

戶部奏議覆給事中左紹佐奏購買金鎊宜照倫敦市價片

光緒三十二年秋季各海關收稅總數表

日本食鹽專賣法

家屋稅判決書

各省財政彙誌

奉天

山東

江蘇

浙江

湖北

廣東

廣西

各國財政彙誌

日本

韓

英

西班牙

商務

論投機商業 錄丙午二十二期商務官報

前署兩江總督周奏開闢上海北市華界片

海關造冊處稅務司譯呈光緒三十一年通商各口華洋貿易情形

各省商務彙誌

目錄

小說

京師

直隸

奉天

山東

河南

江蘇

安徽

浙江

福建

湖北

新疆

四川

廣東

雲南

雜俎

空谷佳人

續前 已完

光緒三十二年十一月中國事紀

原书空白页

德清俞蔭甫先生




原书空白页

侯官嚴幾道先生



原书空白页

關 海 山



原书空白页

峽

哈

腔



原书空白页

社說

選論附

興女學議 本社撰稿

勇立

於。康。始。為。女。子。無。才。是。德。之。說。者。誰。歟。甚。乎。作。俑。者。也。誠。可。謂。不。仁。之。人。哉。吾。嘗。讀。歐。洲。女。豪。傑。傳。見。其。所。為。大。抵。震。古。鑠。今。驚。天。動。地。未。嘗。不。喟。然。歎。曰。此。非。有。才。能。如。是。乎。夫。人。之。才。能。非。生。而。已。具。也。教。育。為。之。也。西。國。教。育。不。偏。於。男。子。故。雖。弱。質。裙。釵。亦。多。讀。書。明。理。而。其。尤。者。乃。能。陶。鑄。人。心。破。壞。專。制。如。法。之。羅。蘭。夫。人。其。人。者。即。千。古。奇。男。罕。有。其。匹。我。國。教。育。雖。不。及。西。國。之。普。及。然。婦。學。見。於。周。官。師。氏。著。於。風。詩。以。女。子。為。不。必。學。者。古。無。有。焉。自。女。子。無。才。為。德。之。說。興。於。是。男。子。有。學。而。女。子。無。學。凡。所。以。待。其。女。子。者。不。過。充。服。役。供。玩。好。而。已。夫。以。女。子。與。男。子。較。聰。明。知。覺。固。未。嘗。稍。弱。也。日本成瀬仁藏氏謂男女腦質實無優劣而。顧。蓄。之。如。犬。馬。視。之。如。花。草。不。使。受。同。等。之。教。育。獨。何。心。歟。於。康。天。下。不。仁。之。事。豈。有。過。於。此。者。

夫。使。女。子。不。學。於。男。子。果。有。利。焉。則。為。女。子。無。才。是。德。之。說。者。雖。曰。不。仁。而。其。為。男。子。謀。則。善。矣。然。生。計。學。公。例。兩。利。為。利。獨。利。必。不。利。男。女。之。間。關。係。最。密。吾。未。見。利。於。女。者。不。利。於。男。也。亦。未。見。害。於。女。者。不。害。於。男。也。謂。余。不。信。請。申。論。之。

(一) 女子不學。則害男子之生計。生利者衆而分利者寡。則富。反是則貧。此生計學公理也。一國如是。一家亦然。故治家者。但使一家之中。皆能執業自養。而不仰食於人。則家道興矣。外國婦女。大率爲學校教師。商店會計。以及工程測量樂律收生諸事。卽家事旁午。子女衆多。無暇兼任外事。而治家有法。教子有方。使爲男子者得專營室外之事。不至紛心而減生利之效。以計學分功之理言之。可謂生利而不可謂分利。我國婦女。拘於紡織針黹。獲利微細。不足自養。而教子治家之事。又因未嘗學問。毫無方法。則所謂室內生利事業。吾未見其果有利也。夫不生利。則必分利。以一男子所生之利。爲一婦人所分。已不免於受累。而況其不止一人耶。古人謂婦人三從。吾則曰。婦人三累。三累者。何未嫁累其父。旣嫁累其夫。夫死累其子。是也。雖然。彼豈欲累人哉。無學無術。不得不倚賴於人也。世之有妻孥之累者。其亦嘗一念及此乎。

(二) 女子不學。則害男子之身體。男女居室。人之大倫。而古人以蛾眉爲伐性之斧。以洞房爲寒熱之媒。何其戒之深哉。夫女色之所以惑人者。以其妝飾華麗。形容妖艷耳。若情欲之感。無介於儀容。燕暱之私。不形於動靜。吾未見其爲蠱惑之媒也。是以古人所重。不僅婦德而已。卽婦容亦必謹之。孟德斯鳩謂婦人屏豪華捐虛飾。而一切傷教敗俗之端。未由得

入。吾謂豈特如此而已。卽強種之道亦在是矣。我國婦女妖嬈其容。纖小其足。凡所以博男子之歡心者。幾於無所不至。吾嘗爲人診疾。治虛勞之病矣。而房室傷最難。治黃瘰之病矣。而女勞瘵最難。治病後之勞復矣。而女勞復必死不治。此雖自作之孽。而爲其妻者亦不得辭其咎也。雖然。孰使女子狐媚如此。順從如此。夫非視爲無用而不使就學者之過乎。

(三) 女子不學。則害男子之道德。吾人之聽言也。其人最爲親愛。卽其言最易入耳。常人於五倫之中。最親愛者其夫婦矣。故每有聞父兄師長之言。恍若東風過耳。而牀頭絮語。則以爲親切有味者。由是而言。則其妻苟賢。雖強頑之徒。間或爲其感悟。其妻苟不賢。雖明理之人。亦或被其轉移。吾嘗曠覽當世流連史冊。見有兄弟怡怡。讓果同衾。及家室旣成。而友愛之情。有漸歸澌滅者矣。亦有激於大義。志在必死。及謀諸婦人。而涕泣之下。有頓易初衷者矣。且有素性淡泊。樂道安貧。及妻子交謫。則不恤枉道。求合曳裾於王侯之門矣。古人以聽婦言爲戒。誠閱歷有得之言哉。然閨房議論。最易動人。故古訓雖昭垂。而因此敗德者。終不絕於天壤也。雖然。雞鳴一詩。夫婦牀頭之語也。而孔子取之。何也。三代以前之女子。有學三代以後之女子。無學也。

夫以女子不學。爲無害於男子。則女學不興。猶可言也。知女子不學。而有害於男子。則女學

不興。不可言也。吾今推近日之時勢。酌社會之情勢。爲籌振興女學之法如左。

(一)重德育。教育之法。當以智德體三育並重。男子然。女子亦然。然天演之理。適宜者存。以吾國風俗人情論之。則三者之中。實宜以德育爲重。但所謂德者。非必世俗之以無才爲德也。內則所載。女誠所言。固不可以稍背。而國家思想。公共觀念。亦不可無。非欲其干預外事也。家庭教育。感化最大。若其母無國家之思想。公共之觀念。則其子出而任事。必無裨於國家。而有礙於公衆。我國通弊。大率在此。則使女子有國家思想。公共觀念。以爲異日陶鑄幼童之地者。固當今第一要務也。

(二)禁早婚。早婚非獨爲男子之害也。而亦爲女子之害。文明各國通例。女子二十以前。正爲修學年齡。此修學年齡中。一生之道德。智識。皆於是定焉。苟有所曠。有所廢。則其道德。智識。必無足觀也。我國下等社會。多以老夫而娶少妻。每有三十許之男子。而娶十二三之女子者。此誠女學之一大阻力也。福澤諭吉之論女學也。曰振興女學。宜注意於童年之女子。若結婚後之婦人。以治家養子爲事。斷不暇兼顧學問。早婚者。舉其修學年齡中最要之部分。銷磨於治家養子之事。雖有美質。亦終歸無用而已。況夫婚嫁之早晚。與身體之強弱。有密切關係。我國女子弱。不任事。其原因雖不一。而早婚亦尸其咎也。故今日而不興女學。

則已。今日而興女學。則早婚亦在所必禁。

論國人積蓄母財 本社撰稿

蕤 照

泰西計學家社會學家均謂太初之民。未有積蓄觀念。治化稍進。乃始有之。蓋積蓄觀念。爲人類財產之源。泉得此。乃生地著心。去游牧而入耕稼。宮室器用。由此益滋。文物聲明。浸關浸廣。故積蓄者。進化之大關鍵。降至今日。資賴彌甚。何則。物質文明。以今方古。其進步之比。例殆猶萬之與一。而今世界大通。工商之業。超邁乎農智巧。益萌則生事之資。待者愈衆。人力所成之物。難以徧供。世用則有汽力興而代之。分工合作之理。明集資之事。益多則母財益爲世所貴重。此固理之所相因。勢之所必至者也。吾國舊俗。本重節儉。詩著幽唐。序者謂其勤儉質樸。憂深思遠。有堯舜之遺風。則勤儉固至。優極美之德矣。自禮教衰亡。乃日流於放僻邪侈。然因以農立國。宗教之典。重祭祖先。示不忘本。故以無後爲大而主於蕃衍。子姓人口滋衍。非勤儉不能存立於天演。故儉樸之風。終未泯沫。顧厭故樂新。爲人類固有之性。不見可欲。心猶不動。交通漸盛。紛華可悅者。日月輪進。見者既惑其色。澤復歆其巧。便乃相率而趨用。更有學說新至。謂尙儉能致國貧。按此說本吾國固有。卽主此理。阻塞治化。惡少浮富。國穢之斥。墨卽主此理。薄便用之。以爲口給。以故比年以來。日著崇奢蹈華矣。尤有毒物一呼。噲間足以敗吾固有。

社說 論國人積蓄母財

美。德。者。則。為。鴉。片。使。中。之。者。勤。儉。皆。喪。斯。為。生。民。以。來。未。有。之。豐。災。巨。禍。也。頃。者。學。部。建。設。既。著。尚。實。為。五。宗。之。一。而。禁。煙。之。聲。亦。已。由。下。而。及。上。此。固。生。死。之。機。緘。榮。辱。之。符。券。爰。本。護。聞。抒。發。斯。論。世。之。君。子。取。而。覽。之。或。有。補。焉。

一。吾國今日為荒荒闕塞之大陸。凡有興作非母財不能為功。遂有依賴他人而以路礦相委者。使吾自有母財亦何致是。故願國人嗣後以積蓄母財留為有益工作之用為救國之第一義務。

二。凡用財時必重加審量。凡用於養生。起如飲食起居等益廣。化如書報及理者乃為不可節。若侈靡之費則必當節易。所謂節以制度是也。

夫此種勸勉勤儉之議論存於吾國先民集中。可引用以為鱗佩者。至如無紀神而明之存乎其人。無事雜引。今將英國人最近之言論事實附著於後。蓋有受於游學英國之郭君慎思。以下所言皆所譯寄。記者利而用之。以為國人進修之一助焉。

英國某學士語人云。凡人以纖微之財不經意而不蓄積之者實為大謬。嗜紙煙之人每日所棄之餘燼積之終身可成一數丈高之紀功塔也。

蘇格蘭某鄉塾之課本有云。凡童子自十歲後便當擔任國家大事。其擔任之法宜每日將

嬉戲所使之錢稍分其餘貯而藏之以購國債票。

美國去年統計其國中家財逾一千萬美金者凡四千五百餘人。距今一百年前美人家財踰一百萬者僅七人而已。此一百年間彼之富人能突生如是之多且十分之九皆由赤貧徒手起家。訊其何以致此。大率此種富人必具有三種吉德。一赴事勤敏。二節嗜欲。忍劬勞。三好積蓄。

德國某報平居議論於英人頗多微詞。近載一論推崇英人頗至。其略云。斯人於十年前頗張倨傲之氣。而監於世界大勢。近十年來頗有臻進之象。於何徵之。徵諸其民嗜酒之風日減。其俗漸尚節儉。多從事積蓄。以爲緩急之備。此可見其民植志遠大。終爲不可侮之民也。近年以來英國向日暢銷之酒類。如白蘭特。委斯克。雷謨。以及啤而各種。其銷路均大減削。其減也。年衰一年。決非偶然之事。卽以啤而論。一千八百九十九年其行銷總數爲三千六百八十四萬巴來。巴來名而一千九百零五年銷行總數則爲三千三百二十五萬巴來矣。且其人口則一千八百九十九年爲四千七十七萬二千人。至一千九百零五年則爲四千三百二十二萬一千人。論其人口則六年間增百分之六。而啤而一物之銷費則減百分之十。加而和之。卽舉此一事論英民之損於銷費而益於積蓄者。已得百分之十六。已推之他物。

尤可類見。然則英民者能忍當前之嗜欲。植志遠大之民也。不可侮而可欽也。烏虜某報可謂能規國矣。使吾國人能奮然將鴉片除去。移其三年鴉片之銷耗費。必能徧築全國幹線之鐵路。積十年鴉片之銷耗費。必能建立與歐洲頭等強國相比之海軍戰艦。吾國人奈何沈醉而不醒耶。

歷史上黃白二種之競爭 節錄丙午十月十六日嶺東日報

黃白二種同出於中央亞細亞。其初果出一源與否。已不可考。然自有史以來。則固已判而爲二。迥然如淄澠之不相合。其在近日。白人文化武力。萬非黃人所及。然優劣勝敗之終局。吾究未敢預決。姑卽歷史所載二族競爭之成績。條舉其事。以備考種族者之一證可乎。地球開化。首推埃及。哈米之種。實爲白人。先後並出。有迦勒底。迦勒底一名巴比倫亞喀德族。黃種之朔文化之盛。與埃及共美。塞米篡之。黃僵白代。此一事也。奈亨。奈亨一名特奈神武。出自伊蘭。或稱埃蘭中興黃族。大廓雄圖。亞述白人。復起爲梗。卒滅巴國。混一西亞。又一事也。歐洲之地。舊居黃人。斯巴白種轉徙。反主爲賓。芬蘭遺族。尙守海濱。思幾摩竄。北極爲鄰。又一事也。印度土著。實爲毗荼。考其形貌。亦黃族支。阿利安人。逐而代之。降爲奴隸。世胄凌夷。又一事也。凡此皆上古黃白競爭之事實也。歐印黃族。蓋不足數。後來居上。理之恆耳。獨惜亞喀德族。有開化之功。

廓特奈亨臺。有恢復之績。而一再見屈於塞米人也。豈真黃種劣而白種優乎。抑先者敗而後者勝也。自是以後。而西亞一隅。無復黃人之足跡矣。黃人自中國外。僻處於北方者。皆遊牧無化之民。然而中世戰功。往往出於是族。其與白人角逐。雖終歸失敗。然其初則固震盪一世。舉白人文野之族。不足以供其一齒也。且吾尤有不解者。則以勝白人之黃種。人大抵或為中國所逐。或為他黃族所迫。其初流離奔竄。側身無所。一入白人之區。則如疾風驟雨。凌厲無前者。何耶。請試得而論之。

夫黃人之戰勝白人。自蒙古為新勝之國外。其他如月氏。如匈奴。如柔然。如突厥。則皆殘敗之餘也。月氏見敗於匈奴。王死國亡。餘族西竄。竟逐大夏而代之。且敗安息。取罽賓。滅濮達。服屬西北兩印度。月氏為黃種。而大夏為希臘人所立之國。安息罽賓印度亦阿利安之族。則固白種也。匈奴為漢朝所破。竄伏秦海。案疑即已遂入歐洲。破峨特。入羅馬。峨特固羅馬所畏。匈奴乃駕而上之。則其勢可知。匈奴為黃種。而峨特羅馬則固白種也。突厥先滅於唐。後逐於元。乃崛起於黑海之間。屢破東羅馬。遂滅其國。遷都於其地。雄視歐亞。突厥為黃種。而東羅馬則固白種也。其中惟柔然。四裔年表譯為奧法近之勢。稍不及前二者。突厥然竄擾歐洲者。亦二百餘年。後始為法國沙爾曼所破。若夫蒙古。席戰勝之餘威。併俄羅斯。擾波

社說

歷史上黃白二種之競爭

二百四十九

丙午

蘭匈。牙。利。敗。德。意。志。至。今。西。人。談。及。猶。怵。然。於。黃。禍。之。可。畏。則。又。不。必。論。矣。由。上。觀。之。黃。人。之。天。然。武。力。實。勝。於。白。人。然。而。白。人。如。日。耳。曼。諸。族。戰。勝。羅。馬。建。設。諸。國。流。傳。至。今。勢。力。遂。瀾。漫。於。世。界。而。黃。人。之。勝。白。人。者。或。未。建。國。而。散。或。建。國。不。久。而。亡。至。今。之。在。歐。洲。者。惟。匈。牙。利。一。族。浸。染。歐。化。漸。進。文。明。土。耳。其。奉。穆。護。之。教。稍。具。規。模。然。今。已。奄。奄。不。振。其。在。亞。洲。者。亦。大。半。併。於。白。人。此。其。故。何。耶。孟。得。斯。鳩。嘗。論。之。矣。曰。歐。之。北。部。以。平。民。而。戰。勝。者。也。亞。之。北。部。以。奴。隸。而。戰。勝。者。也。亞。之。北。部。以。其。主。之。雄。心。驅。而。使。之。推。服。他。部。者。也。又。曰。韃。靼。者。亞。種。也。當。希。臘。跨。有。兩。洲。之。代。韃。靼。破。之。易。其。治。為。專。制。淪。其。民。於。奴。隸。峨。特。者。歐。種。也。當。羅。馬。跨。有。兩。洲。之。日。峨。特。毀。之。易。其。治。為。立。憲。予。其。民。以。自。由。嗟。夫。專。制。與。立。憲。奴。隸。與。自。由。即。歐。亞。二。族。之。所。以。分。黃。種。之。所。以。衰。替。而。白。種。之。所。以。盛。強。者。歟。夫。使。黃。種。而。進。以。立。憲。自。由。其。勢。力。豈。復。減。於。白。人。哉。近。日。日。俄。之。事。其。明。效。也。我。中。國。可。以。興。矣。

論尊古之心理 錄丙午十月二十六日南方報

人。類。有。普。通。之。心。理。曰。尊。古。田。夫。野。老。刺。刺。談。三。十。年。以。往。事。言。下。若。有。餘。慕。憂。時。之。老。成。見。人。心。日。偷。民。生。多。艱。動。曰。不。古。不。古。此。兩。者。一。屬。於。知。之。淺。一。屬。於。人。窮。反。本。之。極。思。然。尊。古。則。一。也。至。於。文。章。典。禮。制。作。凡。有。所。奉。行。稱。述。不。曰。故。事。即。曰。某。制。近。古。古。之。界。說。不。

必遠也。乾嘉咸同亦可謂古。不必今。以漢唐宋明爲古。卽夏商周古世亦必以前古爲古。蓋除初民狀態外皆可尊之。古或曰此迂儒之見也。然海通以來文學通人採摭西制盛述古以比附之矣。或曰此十年前之陋見也。然新學少年口西語手西籍出柄大政似可唾棄一切。然而經訓苟未嫻。國故苟未諳。則人必疑之。夫疑之誠非及究其措施恆什八九不能中事理。故今日盛譽所在約計大概仍在知今而兼富通古之鴻哲。或曰此中國人之敝習也。昔人游記嘗言中人尊古卑今。西人卑古尊今。今乃知不然。各國考古博物院館林立。埃及羅馬保存古物尤富。卽以風俗論。刑司理官所戴之假髮。國學生所戴之四方平定冠。以及質劑契約用羊皮而不用絮紙。蘇格蘭民賣田及山必飾載塊石以與新主示有土之意。其襲古而尊之也。何嘗不與吾國類。統此以觀。乃知治一國事苟順此跡行之。則下令如流水。故歷代聖王遞嬗必言法祖。苟或不然。則一人倡之。千萬人阻之。欲有興革必多抵抗。卽或其端已發。難中止矣。然阻者多數。勢必因仍遷就。變甲不變乙。甚至愈變而不及初。而政治之害乃不可言。記者竊願尋其原理以溝通之焉。案尊古心之原起實胎於祖先教。西國別有宗教出宗法社會。早雖同尊古於政治無大影響。中國以孝爲教。教字從孝。至今猶未出宗法社會。斯賓賽爾言斯民於率舊最篤之事莫嚴於致孝鬼神。中國禮經以祭禮爲詳。祖

先。教。實。中。國。宗。教。經。言。則。古。昔。稱。先。王。非。先。王。之。法。言。不。敢。言。非。先。王。之。法。行。不。敢。行。依。宗。法。求。之。王。聖。王。也。先。卽。祖。先。也。坐。是。之。故。蛻。故。入。新。乃。非。易。易。說。者。謂。指。南。針。爲。三。千。年。前。發。明。物。至。今。作。用。猶。昔。故。農。服。先。疇。工。用。舊。矩。卽。爲。美。德。至。於。歷。史。上。政。治。觀。念。如。商。鞅。如。趙。武。靈。王。如。王。荆。公。皆。不。爲。社。會。所。歡。迎。惟。近。自。丁。酉。戊。戌。間。論。者。乃。多。右。之。究。其。實。此。輩。乃。變。法。導。師。仍。尊。古。之。見。也。

今。者。憲。政。預。備。官。制。改。革。一。事。已。極。困。難。然。動。而。不。已。之。機。卽。已。在。此。惟。是。人。人。心。習。咸。有。三。千。年。來。不。成。文。法。典。牢。固。蟠。據。範。圍。陶。鑄。以。成。此。保。守。性。質。雖。至。創。深。痛。鉅。無。論。若。何。美。善。制。度。苟。事。經。創。見。常。若。昔。是。而。今。非。苟。害。未。切。庸。常。若。舊。得。而。新。失。任。事。者。欲。鑒。於。阻。力。而。仍。之。則。無。幸。欲。逆。施。而。強。爲。之。則。潰。決。因。應。兩。窮。故。昔。分。新。舊。兩。派。者。今。則。多。厭。世。派。吾。以。爲。欲。謀。下。手。之。方。宜。使。精。於。國。學。之。士。就。古。經。古。訓。發。揮。光。大。因。人。心。所。向。而。引。導。之。然。後。人。自。起。而。從。我。如。君。臣。之。分。至。嚴。也。歐。洲。各。國。於。君。主。皆。有。神。聖。不。可。犯。之。名。詞。然。朝。儀。則。無。如。中。國。之。嚴。者。今。已。值。憲。政。預。備。時。代。提。議。及。此。似。非。躁。妄。然。期。期。不。可。上。奏。以。爲。厲。禁。者。則。已。有。聞。日。本。風。俗。政。治。多。因。於。人。故。政。界。最。敏。活。明。治。之。初。大。久。保。利。通。疏。一。上。數。千。年。舊。儀。一。旦。盡。革。中。國。則。秦。漢。以。來。之。故。典。深。入。人。心。一。講。改。革。便。爲。非。常。異。義。其。實。吾。

國人所尊之古有蛻嬗無抉擇此所謂古不必符前古也前古之制天子猶一方之吏九重有並耕之說臣拜君起三公坐論經訓彰彰皆非嚮壁誠使方聞宿儒刺取經文著爲論議舉一切曲學阿世利祿經說概屏不道但使其事足徵則人自信其理近常則人自從改革之效必自易易歐洲近世紀各國政治之改革皆孟德斯鳩霍布士陸克伯倫知理倭老詩等諸學說爲之導也他若男女之防於女學最有關係至於不識廳屏待姆下堂則固人所盛道者然再博考之大饗有夫人之禮古也孔子有南子之見古也詩十五國風男女期會著於風俗左傳內小惡諱不諱男女之事似當時男女之防未致過嚴可知迨秦始統一表章貞女築懷清臺刻石泰山以妻逃嫁爲禁於是女子之從一與臣子之從一同爲一義嗣是變而加甚近人新說乃謂唐代男女制防稍寬其政治法律獨爲美備說雖近激然藉古以導今但求稍稍去其拘謹不使峭而易崩則女學必發達發達之後男女交通其有異於今之歐美與否非敢斷言而要可聽其自致者也以上兩端僅資發凡此外興革舉可準此蓋一國之人必有一國之特質英美之民活潑德之民精嚴法之民奮勇不能強同也中國人保守性質實爲祖先教所鎔鑄之特質其能自立以此其羣治不進亦以此故有一次變法卽有一次交關當此時機已熟事變方大官制之後續改之舉更僕難數使不明人人

心理所在有庖丁解牛手段因勢而利導之吾恐一興舉則扞隔一更張則阻撓禍變之來未有已也。

論國人失其自覺心之危上 錄丙午十月二十八日時報

今有恆言曰。知有己。不知有人。蓋以爲國人普通之根性。殆如是也。雖然。國之人。其果知有己哉。吾以爲國之人。於己之觀念。至淺。初不知己之對於天地萬物。處何地位。具何責任。有何關係。渾渾沌沌。擾擾營營。終其身爲被動者。而不自覺。蓋自他人視之。無以名之。則聊加以知有己之號而已。若自其人之心理言之。吾敢決其未嘗一念及吾身。今之爲何狀。在何處也。蓋萬物之象。以有對待而後明。無暑無以形寒。無白無以別黑。今之人。既未嘗游心廣大之域。一返觀己身之所處。則其於己之觀念。必不能明瞭。爲人者。不知人。與物殊之。故則不悉。所以盡其爲人。爲士者。不知士。與農工商殊之。故則不悉。所以盡其爲士。爲農工商者。又不知其各有所殊之故。則不悉。所以盡其爲農工商。其他百官技藝。無不皆然。情智。致萬事無由發達。此其所關非細故也。蓋人惟不知己之對於天地萬物。處何地位。具何責任。有何關係。故有權利而不知享有義務。而不知盡夫千聖百王言所以爲治之道者。不過求一國之人。各守其義務權利之界而已。今於應享者。不知享。應盡者。不知盡。是一國之人。

皆失其本位不復知所以自處之道。夫至一國之人皆不知所以自處之道。雖有聖哲豈能一一代爲謀哉。況於政教風俗之引緣。又有重滋其蔽者。安得不舉世而趨於大惑也。莊子曰：哀莫大於心死。今之人其類之矣。吾嘗考其致此之由。千差萬殊。其原本殆皆由於專制。蓋專制之治。最利民之冥然罔覺。其發號施令以迄用人。取士皆故詭其術。以示人以莫測。使天下之衆必舉其身以聽生殺賞罰於上。而憂喜於其生殺賞罰之不暇。不復能考所以然。蓋雖知其所以然。亦無用也。其生殺賞罰皆無端而至者。無所謂所以然之故。故專制國之人。其於禍福利害之所在。往往懵然而迷信鬼神方術也。特甚而所謂治人之人者。又皆以操縱由己之故。無所制裁己之觀念。無自而發生。其對於己上。其懵然無主。則又與人民同。故專制之國。其真能知己者。殆其君一人而已。然此惟開創非常之君能之。其他驚於功名。習於權勢。蔽於壅隔。昏於嗜欲。不知君之位爲何物者。比比而是。此真專制國之怪象也。惟此之故。故平日則人心偷玩。一切聽天行之。自然而人治不加之力。一旦有事。其大逆無道。皆可出於人之意外。而其禍無不反中己身。至於門戶大開。與列強處。其不能相勝益昭昭矣。然此惟學術足以藥之。故專制之治。必不使其民爲有用之學。而尤不欲教育之普及。今欲挽其弊。亦惟反其道而行之。必使人民皆有自知之明。然後可使各守當爲之道。爲人

則盡人之資格。爲國民則盡國民之資格。其餘職業莫不如是。庶幾通力合作。國有可爲也。否則國人尙不知自待之道。又安知待人之道。豈有幸哉。語云。知己知彼。知己固由知彼。而能見者。如不知世界之地形。則己國之疆域廣狹無由定。不知列國之軍備。則己國兵勢之強弱無由明。然無知己之智識。則又不足以知彼也。不察戶庭。何緣見千里。吾論今日多數之衆。尙未能了然於是。故不憚醜縷言之。此事大之治國。小之修身。均爲最初之第一術。非是則無所據以爲指歸。欲求進步益難。望我同胞深思而自得之。毋若前之拘督也。

論國人失其自覺心之危下 錄丙午十月二十九日時報

今外人之詈我國也。曰一盤散沙。曰病夫之國。曰長眠不醒。此何故也。以我國人不能自覺故也。志士之大聲疾呼以自振惕者。曰麻木不仁。曰不知痛癢。曰冥頑不靈。此何故也。亦以我國人不能自覺故也。外此凡夫風俗人心之頹靡。內政外交之失敗。窮原返本。殆莫不由茲。夫人而不知己身之爲何。尙安與言他務矣。國者人之積也。人民如此。國即可知。安恃而不危亂乎。此弊之由來。誠非朝夕。前論已闡其略。茲再就弊之所及。演繹言之。國人其或知警乎。

一不自覺者不能獨立。獨立者能自樹立。不倚賴之謂。今我國人。之。心。思。言。行。殆。皆。受。支。

配於他人故上者同流合污下者朋淫黨惡彼蓋不知我不必如是而自有可以自立之道也推之種為人滅國爲人夷利權爲人奪彼以倚賴之習慣亦必無所動於中蓋苟有居吾上者吾卽倚賴之而已此不自覺之有害者一

一不自覺者不知真自由自由始於志意表於行爲以不侵他人之自由爲界域者也此其間必先明己之本分然後能定其界域今之人任情而動率性而行以爲可以自由而初不悟其事於我宜行否我行之而有益並他人之能任我行之否勢必多所牴牾多所失敗並誘起他人之競爭故不知自覺者無真自由也皆越其軌者也此不知自覺之有害者二

一不自覺者不能守定業盡職分一國之中人各有所守之業多方求進其國之進步乃日增若人不知己身之應盡者爲何則必無所執持以冀達其目的其一生行業皆可隨緣敷衍上爲王公下爲乞丐朝爲大賈夕作鉅官彼初不知其身之所宜與境之所遇其間可自別擇而旣處一境則無論所執何業我皆有可以自見者存而不能盡其職者乃爲大辱蓋其不以身爲本位而以境遇爲本位故也凡此者其國人必無一職克舉無一事克辦無一業克進而其禍乃及於國家此不自覺之有害者三

一不自覺者不能合羣人之所以能合羣者以知其身爲衆人之一而對於衆人無在不有關係而又知衆人因此亦無在不與我有關係故必利用衆人以維一己之益而自利利他之道著焉不自覺者不知己之何存故不知羣之可慕一切敗羣之事無不可爲此不自

社說

論國人失其自覺心之危下

二百五十七

丙午

覺之有害者四。一不自覺者不知愛國。人之所以能愛國者以知其身為國家之一而對於國家無在不
 有關繫而又知國家因此亦無在不與我有關繫故必保愛國家以維一己之益而親上死
 長之義彰焉不自覺者初不知有身其身所託之國及與國之關繫益不能識將何所據以
 伸其愛斯所以坐視危覆屠割而莫之動也此不自覺之有害者五。
 此五者苟窮其所至未有不驚心動魄者也不自覺之國人其勢必至於此此外之弊更
 有數端曰不自覺之民能為惡而不能為善人必有所見於己身之宜為善而不宜為惡然
 後知所遷改他人之強聒無益也語云從善如登從惡如崩自古聖賢深明為己之學於此
 尚須兢兢自持今不自覺者隨波逐流漫無把握勢無不下達之理曰不自覺之民不易治
 而易亂君之治民非能人人而治之也使人人皆能自治而君總其維斯為善治矣今人民
 無自覺之性凡事殆不能自謀而君上之代謀者勢不能悉如其欲遇事盲動東之則亂縱
 之亦亂或至糜爛大局而初不知何為歷代之禍變何莫不因此也故天下無常治而隨在
 可召亂曰不自覺之民有退化而無進化人之行為本於志意志意由於感覺無感覺則無
 激勵無競爭無激勵無競爭則永無進步故一國之人不知天地之大事變之繁而但以飲
 食男女為事者其於飲食男女之事必且莫名其妙尚安望其思想行為之高乎斯所以
 有下等動物之誚也不自覺者其禍烈如此欲舉而振之其必自教育普及始而尤自政體
 改革始。

諭旨

補十月三十日
十一月全

上諭陸軍部奏各省應練新軍請飭認真籌辦一摺方今時局艱難非練兵無以立國迭經降旨飭令各省認真整頓修明武備現在專設陸軍部所有各省軍隊均歸該部統轄應即督飭切實辦理其各該省應練之兵應籌之餉如何擴張如何儲備以及裁汰綠營興立學堂皆不容緩著該將軍督撫等實力籌辦不得稍涉因循一俟新軍編練已有規模即由該部奏請簡派大員前往校閱用副朝廷諄諄申儆整軍經武之至意將此各諭令知之欽此 十月三十日

上諭御史趙炳麟奏請推廣農林一摺自來足民之道端在利用厚生農桑畜牧實爲富強之本我中國地大物博祇以農林要政未能切實講求乘利於地未免可惜著各直省督撫通飭各屬詳查所管地方官民各荒並氣候土宜限一年內無論遠近繪圖造冊悉數報部由農工商部詳定妥章奏明辦理務使國無曠土野無游民以厚風俗而固邦基欽此 十一月初一日

上諭郵傳部右侍郎胡燏棻由庶吉士改爲部曹外任道員升授臬司洊擢卿貳宜力有年歷辦北洋善後營務處及關內外鐵路事宜諸臻妥協本年由禮部侍郎調補郵傳部侍郎尙未到任因病賞假調理遽聞溘逝軫惜殊深加恩著照侍郎例賜恤任內一切處分悉予開復應得恤典該衙門查例具奏伊子胡翔林著以道員儘先補用欽此○上諭郵傳部右侍郎著吳重熹補授欽此○上諭河南布政使著袁大化補授欽此○上諭江西巡撫著瑞良補授迅赴新任欽此 初二日

上諭山東按察使著黃雲調補馮汝駮著補授甘肅按察使欽此○上諭安徽徽甯池太廣道員缺著文煥補授欽此○

上諭四川成都府知府員缺緊要著該督於通省知府內揀員調補所遺員缺著顧芳補授欽此

初三日

上諭貴州布政使著與祿補授松堦著補授貴州按察使欽此○旨應生特木罕著以文職用黃兆蕃著外用十月查辦前任江西饒州府知府丁憂回旗今在吏部員外郎上行走弼良著內用前任甘肅鞏昌府知府丁憂回旗今在理藩部員外郎上行走榮凱著內用內閣典籍著吳炯補授大理院司務著鄒文庸補授河南尉氏縣知縣著馬駿聲補授浙江常山縣知縣著王社松補授四川洪縣知縣著陳其訓補授貴州施秉縣知縣著王靈順補授湖北來鳳縣知縣著田應璣補授揀選舉人李夢花著以直隸州州同用張梯雲著以直隸州州同用李祖培著以鹽庫各大使用熊振楚著以直隸州州同用吳學祐著以直隸州州同用尤君颺著以鹽庫各大使用蔡鸞著以鹽庫各大使用楊國琛著以直隸州州同用周鴻文著以直隸州州同用鍾祖和著以直隸州州同用余式鵠著以鹽庫各大使用胡夢虞著以鹽庫各大使用李永太著以直隸州州同用董應榮著以直隸州州同用蘇玉賢著以鹽庫各大使用高茂樅著以直隸州州同用易孫永著以鹽庫各大使用諸晞沅著以直隸州州同用汪超著以鹽庫各大使用余鶴庚著以鹽庫各大使用葉鏡湜著以鹽庫各大使用龍旗光著以鹽庫各大使用內閣中書二缺著啟泰恩露補授擬補內閣中書張照熊育鑑俱著准其補授保送知府度支部員外郎宋淑信禮部員外郎巴杭額盛京裁缺戶部郎中啟泰俱著以知府分發省分補用改就直隸州知州度支部郎中熙煌著以直隸州知州分發省分補用保送分發捐指山西補用直隸州知州夢麟著照例發往保送直隸州知州盛京裁缺戶部主事托雲泰禮部主事斌瑄工部候補主事寶賢俱著交部記名以直隸州知州用保送知縣國子監裁缺筆帖式啟紳著交部記名以知縣用保舉福建補用知府張弧江蘇補用知州吳珽奉天補用知縣樊寶青湖南補用知縣查步衢廣東補用直隸州知州李毓葵截取內閣中書李崇鈺陸軍部司務王奎綬俱著照例用

捐復前江蘇候補知縣姚守彝前江蘇溧陽縣知縣盧葆楨著准其捐復原官照例用擬補兩浙蘆瀝場鹽大使李紹祖吏部郎中國銓吏部員外郎德泉吏部筆帖式有年俱著准其補授欽此 初四日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨慶親王奕劻加恩著在紫禁城內賞坐四人肩輿

欽此○上諭廣東潮州府知府員缺緊要著該督於通省知府內揀員調補所遺員缺著錫廉補授欽此 初六日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨端方陳夔龍廕昌等電奏本年蘇省水災以徐海

淮安三屬爲最重現在江甯揚州鎮江清江浦等處留養饑民人數甚衆等語覽奏實深憫念前已頒發帑銀十萬兩又

准撥給漕折銀三十萬兩並諭令度支部續籌接濟著再賞給帑銀十萬兩由度支部發給該督等務卽督飭各員妥爲

散放並將各處賑務盡心經理安集災黎毋任失所欽此 初八日

上諭林紹年奏舉劾屬員一摺廣西補用道沈贊清在任候補道前慶遠府知府王祖同署桂林府知府思恩府知府歐

陽中鵠署百色同知補用知縣田駿豐署容縣知縣准補天保縣知縣包坤中賓州知州吳永治均著傳旨嘉獎候補道

倪懋禮年已及耄鄧輔縣識見卑污試用知府李長祿躁率干求均著勒令回籍柳州府知府賀源清憚於去邪不堪表

率候補知府潘秦謙溺愛過深頗滋物議均著以通判降補開缺河池州知州李本誠輕佻浮蕩懷遠縣知縣徐冲霄約

束不嚴卸署來賓縣請補永福縣廖萱榮違例科罰按察使經歷陳紀秦帷薄不修卸署左江鎮中軍游擊陳新炳巧於

營私候補都司馬漢術工蒙蔽補用守備陳兆林收受賭規均著革職已革安平土州判范釗縱匪殃民著發往軍台効

力餘著照所議辦理該部知道欽此 初九日

上諭廣西慶遠府知府員缺著王毓芝補授欽此 十一日

諭旨

九十一

丙午

上諭廣西巡撫柯逢時著開缺賞給侍郎銜仍著督辦各省土藥統稅事宜候補四品京堂程儀洛著幫辦各省土藥統稅事宜欽此○上諭張鳴岐著補授廣西布政使署理廣西巡撫廣西布政使著余誠格署理王之祥著署理廣西按察使欽此○旨廕生張厚莖著外用翰林院撰文員缺著沈曾桐補授分發直隸試用道彭廣良江蘇試用道許鎬吳清鑑楊士驤周衍齡安徽試用道巢鳳儀山西試用道閻楨廣東試用道葉昭遠四川試用道袁用賓何國璋何作照直隸補用知府吳克讓安徽補用知府黃象權湖南補用知府周祚麟直隸試用知府李盛者盧懋功江蘇試用知府張華國陳炳華福建試用知府唐人寅湖南試用知府黃文珏四川試用知府黃明新直隸補用同知陳祖善廣西補用同知李光傑直隸試用同知林鴻誥尹之鏊江蘇試用同知曾承澤山東試用同知吳燾四川試用同知方煊江西補用直隸州知州文丙山東試用知州袁勵賢湖南試用通判陳坤吉林補用通判崔蓬山江蘇試用通判連祖福山東試用通判成積山西試用通判沈鏊豫河試用通判錢鏡蓉鈕承彬陝西試用通判顧頴浙江試用通判郁懋勳湖南試用通判張惟寅四川試用通判丁乃昌江蘇試用直隸州州同郝秀觀安徽試用直隸州州同楊昌謨任學文吳維馨黃竹修張德慶楊雨時施則行山東試用直隸州州同周汝坊文斗南陝西試用直隸州州同方永元甘肅試用直隸州州同謝璋湖北試用直隸州州同劉善涵王秉悌四川試用直隸州州同賓仕棟俱著照例發往保送分發知府翰林院編修關冕鈞著以知府分發省分補用截取知府工部郎中趙從蕃保舉福建補用知府鍾銘安徽補用知縣朱汝傑俱著照例用欽此十四日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨孔子至聖德配天地萬世師表允宜升爲大祀以昭隆重一切應行典禮著該衙門議奏欽此○上諭前據翰林院侍講學士周克寬奏參前湖南岳常澧道韓慶雲擅改

定章用心叵測各節當經諭令張之洞確查具奏茲據查明奏稱印委各員種種荒謬前湖南岳常澧道現任江蘇徐州道韓慶雲既昏且悍專任劣員初則壅水害城繼則強囿商埠不顧大局利害實屬糊塗乖謬韓慶雲著卽行革職永不敘用准補寶慶府經歷捐升知縣陳敷詩招搖索賄聲名狼藉著革職永不敘用候補知縣洪濬貪利害民草率欺罔著卽行革職桂陽縣典史陳兆蕃盜竄官地行同無賴著革職驅逐回籍前署武陵縣知縣捐升知府陳廷緒瞻徇私情不顧民害著以縣丞降補已革耒陽縣知縣胡楊口營謀要差擾民肆惡著俟京控案結後併案嚴加懲儆五品銜李國鏞從九銜徐鈞康假公濟私擅作威福著革去職銜追繳捐照交地方官嚴加管束其挾契遠颺之甯波人王松年著江蘇浙江等省查明蹤跡勒傳赴湘歸案究辦餘著照所議辦理該部知道欽此○上諭從來治國之道惟以保民爲先方今時局多艱民生重困本年兩廣兩湖安徽等省屢告偏災近日江蘇淮徐海一帶被災尤重迭經發帑諭令妥籌賑撫深宮倦懷民瘼無時不軫切痾瘼每念各直省情形率皆元氣凋傷生計窘蹙哀我黎民顛連窮困豈可勝言其不逞者或迫於飢寒流爲盜賊擾及鄉里貽害善良全在地方文武各員平日加意撫綏勤求疾苦興養立教禁暴詰奸庶閭閻可期安堵乃聞各省州縣往往習於朦蔽疲玩因循或吏胥苛虐而若罔聞知或寇賊橫行而不爲懲辦民轉以告匪爲懼匪更以劫民爲生愚民無知被其鼓惑散票入會結黨日多迨至釀成事端不得不派兵圍剿其甘心爲逆執迷不悟者固屬罪不容誅而脅從之避匿山村負隅抗拒難免波及無辜玉石俱焚言之亦殊可痛近來山東曹州匪徒肆掠尙未剿除淨盡江西萍鄉湖南醴陵瀏陽等縣匪黨披猖卽經江贛湘鄂各軍合力剿捕首要各犯均已拿獲正法漸就救平惟起事之初必非驟發若地方官緝捕嚴明防患未然早爲撲滅何至勢成燎原各省伏莽尙多皆當引爲前車之鑒著責成該將軍督撫等整飭吏治嚴定考成務令各該州縣及軍隊等官於平時必當周知民隱剴切撫循講求地利以厚

其生與辦巡警以除其害遇有匪徒竄擾立即查拿懲治並隨時認真防範豫遏亂萌倘文武互相推諉養癰貽害縱匪殃民卽行據實嚴參從重懲儆如或查察不嚴瞻徇情面不卽糾發一經查出決不寬恕將此通諭知之欽此○上諭楊士驤奏查明本年山東各屬秋禾被災情形懇恩分別蠲緩錢漕一摺山東青城等九十二州縣及收併衛所並鹽坊本年陽雨失時秋禾多被傷損暨沿河一帶被淹村莊若將應徵錢漕照常徵收民力實有未逮加恩著照所請所有水災最重之青城利津□城三縣永阜一場應徵本年錢糧漕米河銀灶課等項全行蠲免其餘成災輕重不等之處應徵錢漕等項按照單開各州縣村莊地畝分別蠲緩該撫卽刊刻謄黃徧行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道欽此 十五日

上諭袁世凱奏舉劾屬員一摺直隸南宮縣知縣呂調元長垣縣知縣趙惟慶大名縣知縣楊鴻儀署定興縣知縣候補知縣朱貞保均著傳旨嘉獎沙河縣知縣吳鴻祺習氣頗深取下寬縱南樂縣知縣李琢性情顛預聽斷糊塗平山縣知縣呂慶坡居心狡滑釀成巨案邯鄲縣知縣胡錫綸粗鄙任性操守平常曲周縣知縣周正範任意敷衍緝捕不力高邑縣知縣周嘉德丁役用事物議沸騰署豐潤縣知縣試用知縣高輝始勤終怠庶務廢弛署高陽縣知縣候補知縣陳培蘭信任差役不治輿情署甯晉縣知縣候補知縣劉本清縱役勒索擾累良民均著卽行革職盧龍縣知縣曹琳才具平常不勝煩劇葺城縣知縣王春藻性情委靡人地不宜完縣知縣吳兆毅才欠歷練不求實際新城縣知縣鄭輔性情柔懦治欠嚴明曲陽縣知縣温亮珠才欠開展聽斷糊塗均著開缺另補另片奏前帶練軍步隊副右營補用副將王吉林信任劣弁取下寡恩前帶淮軍後路馬隊補用游擊毛得成縱容兵丁不知約束均著卽行革職餘著照所議辦理該部知道欽此 十六日

上諭翰林院侍讀柯劭忞奏時事艱難敬陳管見一摺據稱講求教育整頓財政培養將才慎重名器各節所陳不爲無見學堂培養人才必當首重德育著學部堂官慎纂教科書善本於發明經傳有益身心之言彙爲一編以資教授倫常之道禮義之防尤於風俗人心大有關係學生品誼言行務當隨時考查分別獎懲各種科學固應講求經史國文尤爲根柢斷不宜有所偏廢以宏造就而底純全用財之道自宜撙節核實近來舉行新政所籌捐項無一非民脂民膏豈容承辦人員浮收濫費亟宜痛除積弊務使款不虛糜如敢藉端侵蝕任意開支應卽從嚴參辦內外大小臣工自當儉以養廉戒除奢靡庶幾挽回風氣藉阜民財至於選將練兵端貴有勇知方不可捨精神而尙形式各軍將弁惟當簡拔傑俊嚴杜夤緣其應酬尅扣之習務卽革除淨盡著陸軍部堂官認真整頓激揚忠義獎勵樸誠期於兵制日精將才輩出用備國家千城之寄內外大小臣工保舉人才其真知灼見者原不妨據實陳薦朝廷量能錄用自有權衡惟徇私律進之弊亦不可不防其漸嗣後各部院大臣暨各省將軍督撫均不得逾格濫保其各衙門丞參但准該堂官將試驗得力人員出具切實考語預行保薦俟奉旨記名後遇有缺出由軍機處開單請簡不許濫自擬定指名奏調以重名器總之時局多艱百端待理全在爾諸臣精白乃心力求實際破除情面任勞任怨庶無負朝廷孜孜求治之至意欽此○旨諭林院侍講著吳士鑑補授欽此 十七日

上諭本日召見之廣東補用道龔心湛著交軍機處存記欽此○上諭湖南岳常澧道員缺著何彥昇補授欽此○上諭聯魁奏特參貪劣不職各員請旨懲處一摺分省試用道和闐直隸州知州劉兆松倚勢妄爲苛暴之尤候補直隸州知州輪臺縣知縣易紹昌縱子殃民濫刑斃命伊子甘肅候補縣丞易次咸藉勢攬權閹受害署烏什直隸同知候補通判李振鑾縱容司丁苛斂有據候補知州梁楨庸有心串騙行同無賴候補府經歷許汝霖攬權舞弊遇事招搖候補知

縣羅俊傑昏庸妄行止有虧拜城縣知縣劉兆棟病軀戀棧授權友丁前署輪臺縣典史候補未入流甘銘鼎佔種民地惟利是圖前署皮山縣典史候補從九品余家驤擅理民詞索取規費奇臺縣典史龍式作擅受偏斷刑責平民拜城縣典史許惠元昏惰糊塗縱役擾民候補知縣呼圖壁縣丞武永清年老昏庸難期振作均著卽行革職候補直隸州知州署疏附縣知縣姚志坤署伽師縣知縣候補知縣李翰垣違章浮徵爲數甚鉅著先行革職再行查辦嚴追餘著照所議辦理該部知道欽此○旨廕生啟績著以旗員用內閣侍讀員缺著吳炯補授理藩部司務著清壽補授分發四川試用直隸州州同周泌直隸補用知縣周寶辰劉永圖山東補用知縣方奎王希賢徐世綱浙江補用知縣朱桐福建補用知縣李紹濂劉蔭榛江西補用知縣鄒寬黃毅廣東補用知縣吳俊年四川補用知縣熾昌直隸試用知縣袁樹滋羅綱領潘紹基蘇世昌朱蔚然孫毓藻沈觀平北河試用知縣丁宗英江蘇試用知縣洪長禔陳國磐何治沛胡鳴鶴童葆葵唐同聲周棧笙許寶綬高紹廉趙先景羅潤璋唐廷猷壽鵬飛安徽試用知縣志森文啟張文溶劉永慶杜翰焜山東試用知縣劉灝泉曹葆珊姚有則盧士葵俞慶瀾李德箴程保藩王拔萃山西試用知縣吳桐雷廷珖周建勳李恩泰河南試用知縣楊蔚雲陝西試用知縣楊楷王紀華文匡馬振波鄒人灝甘肅試用知縣焦振滄連賓瀛徐兆蕃浙江試用知縣周燧劉桂馨魏鴻疊徐樹瑜福建試用知縣俞鐘喬江西試用知縣吳家麟湯士珍曹恩祐吳嗣讓項發榮湖北試用知縣任符愷俱著照例發往保送撫民同知國子監裁缺助教榮林著交部記名以撫民同知用保送知縣盛京裁缺刑部筆帖式聯瑞著交部記名以知縣用保舉直隸補用知縣承德著照例用開復前知州銜補缺後以直隸州用河南候補知縣卽益厚著准其開復原銜升階仍發原省照例用欽此 十八日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨林紹年加恩著在紫禁城內並西苑門內騎馬欽

此 二 十 日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨湖北按察使梁鼎芬奏請建曲阜學堂各摺片孔子爲萬世師表曾經降旨陞爲大祀曲阜爲聖人之鄉自應建設學堂以拓宏規而啓後進著張之洞督同湖北提學使黃紹箕等悉心籌畫妥慎辦理所需經費卽著該督籌辦並頒發帑銀十萬兩由山東藩庫發給欽此 二十二日

上諭陳璧現在出差度支部右侍郎著寶熙署理欽此○旨分發兩淮試用鹽運判顧保恒四川試用直隸州州同鄒國柱山東補用知縣裘祖讓四川補用知縣李嘉章直隸試用知縣王文善江蘇試用知縣趙泰生湖北試用知縣劉廷楨彭慶楨朱美南陳景虞程宗藩彭希祖宋之炳馬鳳翔湖南試用知縣劉鳴泰劉棠英煦王榮曾廣東試用知縣王登琦陳兼善鄒兆夔廣西試用知縣謝崇光周宗瑞四川試用知縣李伯興沈炯章吳良桐張耀林常瑜顧士麟劉頤崔西庚王曰超王運璣雲南試用知縣秦恩迅江蘇試用布庫大使余本立尙慶輪廣西試用布庫大使李天楨直隸試用鹽大使莊學忠江蘇試用鹽大使陳星燭錢熊壩徐春官王宗元山東試用鹽大使熊繼本黃維謙山西試用鹽大使王壽慈張鴻璧浙江試用鹽大使謝雋彝胡加璧吳及時陳祖虞廣東試用鹽大使陳海瀾四川試用鹽大使蔣中雲南試用鹽大使李家熙王玉樑兩浙試用鹽大使成健兩淮試用鹽大使戴魁王建勳王丹都俞兩浙試用批驗所大使劉永康俱著照例發往擬補內閣中書廉榮趙英俱著准其補授保送知府翰林院編修李稷勳魯爾斌俱著以知府分發省分補用保送直隸州知州盛京裁缺戶部主事實麟著交部記名以直隸州知州用保送通判理藩部候補主事慶春著以通判分發省分補用奏留吏部學習主事袁祖光黃兆枚俱著准其留部京察一等景陵禮部郎中嵩志孝陵禮部員外郎慶壽昭西陵禮部讀祝官巴克唐阿孝陵禮部贊禮郎誠順慕陵禮部郎中存輝泰陵工部員外郎裕晉泰陵禮部贊禮

諭 旨

九 十 七

丙 午

郎兼防禦額勒亨額俱著准其一等加一級京察逾歲裕陵禮部員外郎斌英定陵禮部贊禮郎明祥俱著照舊供職欽此 二十三日

上諭本日召見之江蘇試用道俞明震着交軍機處存記欽此 二十四日

上諭馬蘭鎮總兵兼總管內務府大臣著承佑補授欽此○旨德麟著調補密雲副都統所遺廂黃旗漢軍副都統著豐陞阿補授欽此 二十六日

上諭軍機大臣會奏議覆都察院官制一摺科道職司糾察關係綦重前經諭令軍機大臣等將如何慎加遴選嚴定考成之處會同妥議具奏茲據奏稱保送章程及增減□□各節所擬尙屬周妥卽著依議行嗣後保送御史著各部院大臣於京員實缺五品以下至中書外官實缺四品以下至州縣各舉所知將該員志行事蹟臚陳切實保薦不得以籠統之詞漫爲推許如或徇情濫保將原保大臣一併從重議處該給事中御史等卽著照此次奏定章程統司糾察內外各衙門如有用人不當辦事不實均准奏參仍著該堂官等隨時查核不稱職者據實甄劾爾大小臣工務當精白乃心實事求是用副朝廷集思廣益之至意欽此○上諭端方等奏查明江北水災辦賑不力各員據實糾參一摺本年徐海灌安各屬被災極重該地方官吏竟於救荒要政漠不關心實堪痛恨江蘇淮安府知府張慶勛任用丁幕紳民交怨於所屬辦賑延誤置若罔聞署海州直隸州知州補用知府張景祐罔利營私民艱弗恤署泰州知州試用通判黃仁黼不顧災荒怨聲載路清河縣知縣李世由措置失宜屢遭物議署安東縣知縣大挑知縣褚煥辰玩視災荒折扣散放徐州賑委員試用知縣張珪查看秋災索賄收規均著卽行革職署桃源縣知縣試用知縣孫喬年查災不嚴任董贖蔽著以府經歷縣丞降補署沭陽縣知縣卽用知縣于銘訓辦賑顛預不知緩急惟文理尙優著以教職歸部銓選阜甯縣知縣

季逢辛履勘遲緩迹近諱災著開缺另補署銅山縣知縣候補知縣竇懋森催科峻急致招人言著撤任調省查看署贛
榆縣知縣補用同知愷齡分查戶口未能細心安東放賑委員補用知縣鄭承灝折放賑錢均著摘去頂戴該督等務當
嚴飭各員認真經理核實散放以期實惠均沾毋任一夫失所並隨時嚴加查核如或仍前玩誤著從嚴參辦倘有侵吞
賑款情事立置重典以肅吏治而重民命餘著照所議辦理該部知道欽此 二十七日

上諭方今時局艱難朝廷宵旰憂勞日求振作爾大小臣工應如何破除積習共矢公忠乃聞郵傳部尚書張百熙侍郎
唐紹儀到部以來時有意見任用人員亦不免瞻徇情面屢招物議殊負委任本應將該尚書侍郎均予罷斥轉得置身
事外姑從寬免張百熙唐紹儀著傳旨嚴行申飭該部丞參及所調司員著該尚書侍郎等認真甄擇分別去留一切應
辦事宜並責成同商酌妥籌經理倘再稍參私臆貽誤公事定惟該尚書侍郎等是問欽此 二十九日

東
方



一
百

十
二
月

內務

讀禁煙章程書後 錄丙午十月二十三日中外日報

限禁鴉片煙之舉。爲中國近日至善之政。亦爲中國至要之政。所望我國官長。我國士紳。我國人民。悉視爲無與比倫之要事。咸舉全力以赴之。萬不可視爲循例奉行之政令也。蓋外人自見八月初三日。著政務處妥議嚴禁吸食。並禁種鴉粟之諭旨。卽甚注意於此。以規我國政府。果有志於救民疾苦。實行此事之意否。並以規我國士民。果有志於排去煙毒。以爲富國強兵之基否。今若徒有章程。並無實事。將不免爲外人所譏笑。而此後卽欲提議禁煙之舉。亦必不爲外人所信。而將無效果之可言。是不可以不察也。

詳閱政務處所定章程。意在杜其將來。而不甚追究其既往。故以使未嘗吸煙之人。不再吸煙。爲第一義。以使自己已經吸煙之人。依限戒斷。爲第二義。此亦不得不然。或者以章程內有年逾六十。戒食與否。從寬免議之文。頗致不滿之意。不知凡人至六十以後。其煙癮已深者。其精力必甚衰。強以戒煙。勢必不行。則與其設不可行之科條。強人以遵從。或致別開趨避之途。轉使未及六十。實可戒煙者。亦相率觀望。致有良法美意而不能行。則誠不如明定界限。

之爲愈寬之於彼。正所以嚴之於此。此固自有深意。未可以厚非也。

章程第四條。爲禁止煙館以清淵藪。此法最爲扼要。蓋今人之吸煙。未有不始於煙館者也。故煙館最多之地。吸煙之人亦往往因之。而多年少子弟。家有父兄。雖欲吸煙。不惟不能。亦且不敢。鄰有煙館。即可潛往吸煙。無所顧忌。迨日深月久。煙癮已成。則父兄雖深惡痛嫉之。而已無如之何。故人自有生以後。未必卽與煙爲緣。而煙館實爲之媒介。吸煙爲人生之大害。而煙館實爲之傳染。所以禁止煙館。實爲禁煙之要策也。而其事又簡便而易行。煙館無論設於通衢。或在僻巷。要爲人所共見。不易隱諱。今姑以大縣論之。但使縣分數區。區各一人。任查察之責。不過三數日。即可畢事。於此而勒限停歇。逾限封禁。直一舉手之勞耳。縱官場積習。有瞞上不瞞下之弊。然使助以公正士紳。責以幫同查察。要可無慮其庇護也。蓋必禁止煙館。而後禁煙之舉。已十得三四。此其所以爲要政也。

章程第二條曰。分給牌照以杜新吸。此固爲下手第一義。然但云責令自行呈報。而呈報之舉。固非吸煙者所願。假如若輩並不呈報。或吸食者多。而呈報者少。則將如之何。查日本在臺灣施行鴉片令時。豫算全島之有癮者。約十八萬人。乃呈報吸食鴉片。請領特許鑑札者。不過五萬人。其後下級行政。漸次整備。警察力亦漸充實。而後呈報吸食之數。乃與當初預

算之數相合。是日人辦理此事。亦頗不易。蓋必先之以調查。次之以稽察。而後責令呈報之。舉乃實施之。而有效。今中國警察既未徧設。組織亦未完密。戶口多寡。尙未能知。則吸煙者之究有若干。呈報者之是否實在。又烏從而知之。縱有一經發覺。或被指告。分別懲罰之文。然此乃是虛聲之恐嚇。並無效果之可言。民間典賣田產。例須稅契。而隱匿不稅者。比比皆是。官府煌煌禁令。何嘗不曰一經發覺。即追田產半價入官。然其效亦可觀矣。故責令呈報之辦法。猶嫌其闕而不全也。補救之法
後文詳之

章程第五條曰。清查煙店以資稽察。竊謂此條頗有可商。就現在言之。吸煙之人。既居多數。則煙店自不能全禁。然今日售煙之店。正彌滿於大縣小鎮之中。斯於禁煙之前途。甚爲有礙。蓋政府誠欲實行禁煙之舉。則必使吸煙之人。艱於購買。方於禁令之行。少有裨益。今煙店既到處布設。斯售煙者即取攜甚便。以此而言禁煙。恐不其然。一也。又章程雖有以後須漸令收歇。不得再有新開之文。然商人頂替之弊。百出而不窮。雖非新開。而與新開者正等。安有收歇之可望。是禁令竟成虛設。二也。煙店既多。則稽察難周。章程雖有凡該店遇有往購土膏者。須驗明所持牌照。方准出售之文。然設肆者以多售爲利。官長又不能每店而稽察之。設使購者並無牌照。而該店竟公然售與。官長烏乎知之。又設使吸煙者數人或十餘

人公用一牌照。轉輾頂替。漫無底止。官長又何從而知之。故煙店過多。甚有礙於稽查。三也。竊謂鴉片官賣局之設。頭緒繁多。條理精密。一時既未能驟行。然於售煙之店。似宜嚴爲限制。每縣每鎮。酌設若干處。責令領帖納稅。名曰官店。餘則概令停歇。有私設者。一律封閉。如煙館例。如此則庶可漸爲收束。而稽察之方。亦有可施耳。稽察之法
後文詳之

查章程第七條云。准設戒煙會以宏善舉。第八條云。責成地方官。督率紳董。以期實行。竊謂此二條似宜并而爲一。今各處所設戒煙會。已屬不少。似可卽給以稽察之權。以爲官之輔助。凡境內有吸煙人若干。煙館若干。煙店若干。皆由會中人詳細調查。照章辦理。庶官不勞而事易集。是法也。有數善焉。假如一縣設一總會。又各分數區。區設一分會。轄境既小。則耳目易周。境內居民。孰爲吸煙之人。孰爲不吸煙之人。何處有開燈之煙館。何處有賣煙之店。可以瞞官而不可瞞會中人。則稽察易於爲力。一也。既知境內吸煙之人若干。則可以與縣中之名冊。互相比較。若呈報之數。與調查之數不符。卽知必有隱匿。自可按冊推究。姑免其懲辦。而當責其補報。違者有罰。如是則分給牌照之法。始能實行。二也。境內吸煙之人。既已有實數可據。而售煙之店。又嚴爲限止。不許多設。則卽可就吸煙之人數。以與售煙之數。互爲比例。按月核算。假如售煙之數。或過於預定之額。卽知必有隱匿不報之人。甚或有於禁

煙之後。違令新吸之人。自當重行查考。嚴密推求。假使售出之數。或不及預定之額。未必卽爲禁煙之明效大驗。亦應詳考其所以然。或售煙者開報不實。以多報少。未可知也。或吸煙者私向他處購入。以撓亂稽查之章程。亦未可知也。凡此諸端。皆當在討論之列。總之開辦之初。不必遽求其精。亦不必遽求其密。法當致力於大綱。而後徐及於細目。但使寓以精心。持以毅力。終有收效之一日耳。海內志士。方痛心於煙毒之流行。民種之衰弱。以爲國家之彫敝。實有所自致。一日得所假手。以實施其挽救之策。當亦不辭勞怨。投袂而起也。

至於正本清源之策。則更有在。查章程第九條云。嚴禁官員吸食。以端表率。竊謂章程十款中。此條尤爲重要。必當特爲提出。實力奉行。蓋準法行自近之意。則大小官員。皆有承流宣化之責。咸宜遵奉。朝廷法令。以督責庶民。安得明知故犯。自蹈吸煙之禁。今許以限時戒斷。已爲格外寬典。若猶陽奉陰違。則是撓亂朝廷之大法。導庶民以趨避。何可恕之一也。又民間自治之力。尙在萌芽。小民畏官法。尤甚於畏清議。故禁煙之舉。不能不責成於官長。今官長若不切實戒斷。則禁煙之人。卽是吸煙之人。非特赧於啟齒。且反爲人所挾制。身旣不正。奚能正人。二也。而尤有無形之效驗焉。中國除農工商三者外。類以做官爲目的。故自束髮受書。以致弱冠強仕。所作所爲。無非薪於做官而已。今朝廷若厲行官員吸煙之禁。

諸人知做官者必不許吸煙。吸煙者將不能做官。則自然相率警戒。不敢復有吸煙之事。則可以保全青年子弟。不使之戕削其身體。頹惰其志氣者。爲益已多。而士子又爲齊民之表率。士子既拍戒吸煙。則庶民亦自聞風知畏。三也。而其事又甚易辦。凡官員無不爲上司所接見。有缺有差之官。尤不能不與士民相見。吸煙與否。無可隱飾。朝廷誠有實行之意。則風聲所布。遐邇咸知。吸煙之人。咸懼上司之參劾。士民之告發。隱隨其後。則卽有因循不願戒者。而其數爲已少矣。抑非特官而已。凡幕友司事。與官爲緣者。亦責令不得吸煙。違則立予斥退。若官爲隱瞞。亦許人指告。至於衙署之書吏等。若官制改定後。須分別去留。則亦以吸煙與否爲斷。如是則吸煙者又可減少矣。蓋必官署之中。無一吸煙之人。禁煙之舉。乃可見諸實施。而無所阻撓。而且事舉於此。則效見於彼。官既不得吸煙。則希望爲官之士。自不敢復有違禁吸煙之事。此又決然而無疑者也。

會議政務處大臣奏籌擬禁煙章程摺

光緒三十二年八月初三日內閣奉 上諭自鴉片煙弛禁以來。流毒幾徧中國。吸食之人。廢時失業。病身敗家。數十年來。日形貧弱。實由於此言之。可爲痛恨。今朝廷銳意圖強。亟應申儆國人。咸知振拔。俾祛沈痼。而蹈康和。著定限十年以內。將洋土藥之害一律革除淨盡。

其應如何分別嚴禁吸食並禁種罌粟之處著政務處妥議章程具奏欽此臣等竊維時至今日鴉片之害盡人皆知徒以習俗移人濡染已久遂不憚宴安沈溺罔冀自新今我

皇太后 皇上軫念痼癮特降 諭旨申明禁止而又恐操之過蹙復定限以十年爲

期於力除舊染之中寓 曲體下情之意 恩威並示薄海同欽凡在吸食鴉片之人應無不感荷 綸音頓深改悔臣等仰體 聖意並參酌現時情形竊以爲禁止之方不外遏絕

來源限制銷路先勸導而後懲儆寬既往而嚴將來謹擬訂章程十條恭呈 御覽如蒙

俞允應請 旨嚴飭京外臣民一體欽遵力祛痼習以仰副 朝廷作新民氣銳意圖強之至意謹 奏奉 旨依議欽此

謹將籌擬禁煙辦法十條繕具清單恭呈 御覽 第一條限種罌粟以淨根株也罌粟妨

農爲害最烈中國如四川陝甘雲貴山西江淮等處皆爲產土最盛之區其餘諸省亦幾無地蔑有現定以十年禁絕吸食自當先限栽種庶吸食可期禁絕應由各督撫分飭州縣確查境內向種罌粟之地共若干畝造冊詳報凡向種罌粟之田地嗣後永遠不准再種其業經栽種者給予憑照令業戶遞年減種九成之一視其土性所宜一律改植他項糧食尤在州縣官不時周巡其憑照一年一換統限九年內盡絕根株違者即將原地充公如未滿十

年之限能將轄境內種煙地畝勒禁全行改種他糧查明屬實准將地方官分別奏獎 第二條分給牌照以杜新吸也鴉片流毒已久民間吸食幾於十居三四申明禁令宜寬既往而嚴將來應令各省在籍官紳舉貢生監先行戒斷以爲平民之倡凡業經吸煙者無論紳民及其眷屬婢女均須在本籍或寄寓處所各赴地方官公廨呈報如所居村落距衙署或巡警局稍遠者則由該處紳耆彙齊轉報先期由地方官出示曉諭發給格式令吸煙者將姓名年歲所住地方作何營業每日吸食若干逐一照式開報並量度地之遠近限明呈報截止日期報齊後造成清冊並另繕一分呈報上司衙門存案備查一面刊印牌照蓋用印信令吸煙者各領一紙其牌照分爲甲號乙號二種凡年在六十以外者給與甲號牌照年在六十以內者給與乙號牌照惟原領乙號牌照者不得於年屆六十時改領甲號牌照牌照內均註寫本人姓名年歲籍貫每日吸煙數目及發給之年月以爲吸煙購煙之據其不領牌照而私吸煙購煙者一經發覺或被指告分別懲罰自第一次查清後按冊稽查嗣後不准再有吸煙之人續請發給牌照以嚴限制 第三條勒限減癮以蘇痼疾也分給牌照以後除年逾六十精力漸衰者其戒食與否可從寬免議外凡年在六十以內領執乙號牌照之人其吸煙數目應限令每年遞減二三成幾年內一律戒斷戒斷者取具族鄰保結在

地方官署呈明覆驗屬實卽於冊內將姓名註銷原領牌照亦卽呈繳並按季申報上司衙門存案惟此次所定年分期限本寬倘限滿後仍未悔改是自甘暴棄不得不示之懲戒嗣後舊領乙號牌照之家如逾限有未戒斷繳銷者官員休致舉貢生監斥革平民均註名煙籍由該州縣分別各另立一冊仍申報上司衙門存案並將姓名年歲榜示通衢及此項吸戶人等所居之城鄉市鎮俾衆周知凡該處紳耆歲時會集暨一切名譽之事均不准與以示不齒於齊民之列 第四條禁止煙館以清淵藪也此時未屆禁絕年限則賣煙之店自難遽行禁止惟有一種開燈之煙館往往引誘少年子弟無業游民醫聚其間最爲蠹害應由地方官陸續禁止勒限六箇月內一律停歇改業逾限概行封禁又飯莊酒樓不准備煙供客亦不准來客攜帶煙具自吸違者重罰其有售賣煙槍煙斗煙燈煙具各店亦限六箇月停賣違者議罰至各處所收煙燈捐限三箇月內一律停收 第五條清查煙店以資稽察也煙店雖未能一時禁止以後須漸令收歇但不准再有新開凡城鎮鄉村售賣煙土煙膏之店應由地方官逐一查明共若干家註冊存案由官給予憑照以爲營業之據自查明後不准再有增開之店凡該店遇有往購土膏者均須驗明所持牌照方准出售否則不得擅賣每屆歲底將是年售出土膏數目據實開報該地方官註冊總核一縣各店銷數逐年

內 移

會議政務處大臣奏籌擬禁煙章程摺

二百八十九

丙午

遞減若干以憑比較限十年內一律停歇違者屆限封禁貨物充公加倍重罰其有隨時閉歇者即將原領憑照繳銷不准留存違者重罰 第六條官製方藥以便醫治也戒煙良方流傳甚多應由各省選派精通醫學之醫生研究戒煙藥品期於各該處水土相宜者酌定數方製備丸藥藥內以不參入鴉片煙灰與嗎啡爲要製成後由各府廳州縣備價領取發交該處善堂或藥舖照原價經售其無力貧民准其免繳藥資並准紳商照原方配製施送以廣流傳其有能獨力勸導施送藥物戒煙有效者准地方官給予旌獎 第七條准設戒煙會以宏善舉也近來有志之士往往糾合同志創立戒煙善會互相勸勉深堪嘉尙應由將軍督撫飭令地方官督率該處公正紳商廣爲設立以期多一善會即多一勸導之處轉移習俗較爲迅速但此會只許專辦戒煙一事不准議論時政地方治權及他項無關戒煙事務 第八條責成地方官督率紳董以期實行也此次所定辦法全賴地方官督率紳董認真經理實事求是方有成效應由各省將軍督撫等按年詳核各屬原報吸煙及戒煙人數並曾否製備戒煙丸勸設戒煙會逐一比較明定功過以資勸懲並於每年年終造具清冊咨送政務處以憑考核京城以內則責成巡警廳區各官步軍統領順天府實力奉行如未及十年某處境內已無一吸煙之人准將該地方官奏請獎勵至清釐地畝稽察煙館土

店發給各項照據以及吸戶呈報等事均應嚴禁吏胥差役人等不准絲毫需索違者准人告發卽嚴治索費者以訛詐之罪 第九條嚴禁官員吸食以端表率也十年禁絕係爲通國齊民而言至官爲民之表率一有嗜好何以率屬正民今須令出惟行自不得不從官員嚴其期限重其懲罰以爲風聲之樹嗣後凡京外文武大小官員年在六十以上有患癮已深不能戒者應與齊民一律從寬免議至年未及六十之王公世爵各衙門堂官各省將軍督撫都統副都統現任提鎮均受 恩深重位望俱崇自不容稍有隱飾凡曾經吸食者准其自行陳奏請限時戒斷戒煙期內暫不開去各項差缺派員署理迨戒斷後覆驗屬實仍准供舊職惟不得藉口因病期滿不戒致蹈欺罔自干咎戾其餘京外文武實缺候補大小各官凡吸食者由各該管上司派員確查飭令自行據實呈明毋論癮之輕重限六箇月一律戒斷屆限仍呈請派員覆驗具結存案如因多病畏難逾限未能戒斷者亦准據實陳明係世爵世職照例另襲係官員以原品休致倘陽奉陰違隱匿不報一經發覺或被參劾卽請 旨立予褫革以爲玩息欺飾者戒如該管上司失察亦分別奏請議處再各學堂教習學生水陸各軍員弁凡有吸煙者限六箇月一律戒斷 第十條商禁洋藥進口以遏來源也禁止栽種禁止吸食此皆內政應行之策無待游移至洋藥來自外洋事關交涉應請

內務

會議政務處大臣奏籌擬禁煙章程摺

二百九十一

丙午

內務

吏部奏酌定裁缺衙門司員筆帖式改用班次摺

二百九十二

十二月

飭外務部與英國使臣妥商辦法總期數年內洋藥與土藥逐年遞減屆期同時禁絕又印度洋藥而外尚有由波斯安南南洋荷屬輸入中國者亦屬不少如係有約之國可商諸該國使臣一體嚴禁如係無約之國可施行我國自治法權嚴禁進口並由各將軍都統督撫等督飭所屬暨稅務司於各該省水陸邊界設法稽查以杜走漏闖越又查有嗎啡一名鴉片及刺入肌膚之嗎啡針其損體傷生較之鴉片尤甚應查照中英續議通商行船條約第十一款中美續議通商行船條約第十六款切實申明分飭各稅關如查有不因醫治使用販運來華者一概不准進口並嚴禁中國舖戶無論華人洋人均不准製煉嗎啡及製造此項之針以期弊絕風清 以上各條應由各省將軍督撫嚴飭文武各地方官在城市鄉莊張貼告示俾衆遵守

吏部奏酌定裁缺衙門司員筆帖式改用班次摺

本月二十日內閣奉 上諭此次裁缺衙門之實缺候補司員筆帖式或由他衙門調用或分別班次分發外省補用著吏部卽行妥議具奏欽此欽遵鈔交到部仰見 朝廷體恤臣工不使有一人失所至意欽感莫名查此次釐定官制以太常光祿鴻臚三寺併入禮部以太僕寺併入陸軍部以工部併入商部改爲農工商部係舉事體相關者各以類附以歸簡

易非併其原有事件概行裁撤也各司員筆帖式或公事練習或正途出身均不乏可用之才臣等悉心核議擬將裁缺各衙門司員筆帖式逐一分別自實缺候補已未奏留酌定班次如此內有京察一等奉旨記名之郎中員外郎仍由軍機處開單請旨簡放主事以下仍照例按班升用其裁缺衙門郎中等官除本衙門留用暨他衙門調用外擬請先儘相當各衙門改發行走按原班補用以昭平允其外用者實缺郎中員外郎主事一律作爲歷俸期滿郎中准截取知府員外郎准保送知府主事准截取直隸州知州分發省分各按例定班次補用郎中員外郎有京察一等未經記名人員遇有應留選缺應先用此項一人次用各項班次一人相間輪用以示優異其候補之郎中員外郎准以知府主事准以直隸州知州均分省歸候補班補用若未經奏留正途出身之郎中准以直隸州知州員外郎准以知州分省歸候補班補用主事准以知縣分省歸委用班補用其各項出身之郎中准以直隸州知州員外郎准以知州分省均歸委用班補用主事准以知縣分省歸試用班補用其實缺郎中員外郎主事有自請改直隸州知州知縣分省補用進士出身之候補並額外主事有願歸進士知縣原班銓選並以截取進士知縣分省試用者仍准其遵照定例並奏定新章辦理其各衙門六品以下小京官除留用調用外其內用者改發各衙門以相當對

內 務

吏部奏酌定裁缺衙門司員筆帖式改用班次摺

二百九十三

丙午

內務

吏部奏請以各項分部人員仍照向章分發學習摺

二百九十四

十二月

品之缺分別補用其外用者無論原官有無外升班次均分別實缺候補以原有對品升階分省各歸班次補用至筆帖式一項裁缺衙門人數較多位置不易除本衙門留用他衙門調用並正途出身之員或以對品內用或以知縣分發外其餘各員應由各衙門咨送臣部考試分別等差內用者改發各衙門行走按班補用外用者實缺候補各按等差以知縣及佐雜等官分省各歸班次補用以示體恤現在裁併各衙門員缺尙未全行酌定應俟奏定後再由臣部詳細酌核未盡事宜分析擬議請 旨遵行謹 奏奉 旨依議欽此

吏部奏請以各項分部人員仍照向章分發學習摺

竊維現在釐定官制添改各部以專責成各部辦事必須預儲人才練習講求若專恃各衙門訪查調用恐不能得如許人才以供任使況向來應行分部人員有 特旨分部磨生

錄用分部 兩陵調京分部及近日 盛京裁缺暨各衙門新裁應行改掣人員爲數

已屬不少其勞績保舉及捐納未經分部者人數尤多若不設法疏通殊非 皇太后

皇上體恤庶僚不使失所之至意伏思才能以練習而出此項部員其中亦不乏可造之才臣等再四籌商酌擬辦法查民政部設有警務學堂度支部設有計學館陸軍部設有兵學館法部設有法律學堂商部設有實業學堂工部亦設有藝學館今歸併農工商部自

應仍舊設立以上各部擬請一律掣簽分發各該員到部後由各該堂官令其先入各館各學堂肄業專門之學仍按學習期滿年限其學能及格者由該堂官奏留補用其不及格者或再分別學習酌量奏留或經咨回臣部照例辦理如學部則設有法政學堂凡各該部裁撤及新分司員筆帖式並請准其咨送學部各按所分之部分門學習俟畢業後由該部考試分別等第酌量辦理庶所學各適所用似於整頓部務培植人才兩有裨益此外理藩部仍應照舊簽分吏禮二部滿員向不論出身一律簽分漢員向例惟進士出身之部屬及拔貢小京官方准簽分現科舉已停既無進士出身者分部擬請由舉人五貢廩生出身者酌配簽支統行分發如此變通辦理吏禮二部辦事人員庶無缺乏之虞謹 奏奉 旨依議 欽此

各省內務彙誌

京師○巡警部前訂稽查戶口章程十二條作為暫行之件通飭內外城巡警總廳一律遵照辦理茲錄如下 一先分定東西南北中五界線為五分廳廳畫為若干區區別為若干戶戶編為若干號號碼數目如中分廳第一區第一號起訖五百號止第二區接編五百零一號蟬聯而下餘各區皆倣此其餘東南西北各分廳另自立號均照中分廳一律辦理 二門牌式樣分為五種依中東南西北五分廳各佔一式以免混淆 三宗室世襲勳爵滿漢二品大員以上府第

內 務

各省內務彙誌

二百九十五

丙午

其門牌上加特別標幟以示區別而表優崇 四衙署公所以及 勅建宮廟外國教堂醫院等一律釘列門牌惟另行分類編冊存記俟查戶口時再查其中執事茶役人等附註冊下以資查考 五民間空房及關閉舖房一律釘列門牌惟冊上註明空閒字樣俟有人遷住再填寫詳細名冊庶號碼不致凌亂 六編列戶口冊籍分爲三種一草冊存各區一副冊存分廳一正冊存總廳依各廳各區門牌號碼之次序而排列之 七冊籍以略厚之紙爲之仿洋文字典之例其角旁略缺少許填寫號碼以省翻閱之勞其冊用紙簽淨粘冊上以便隨時揭換皆由總廳酌宜格式頒發以歸一律 八釘列之牌號編存之冊籍報告之紙張各項規式均由總廳頒定如分廳有改良便利之法應隨時申報總廳核定後頒發各分廳一律照辦不得彼此歧異以昭畫一 九凡寺院旅店招寓旅客者皆飭令管事人自立名冊一本探明該客姓名年齡籍貫事由赴區報告其旅客往來日期亦須隨時報告毋得隱匿違者查出究辦 十往來旅客區內另立名冊每三日報告分廳一次每旬由分廳彙報總廳一次其有形跡可疑行蹤詭異者應令隨時報告毋得稽遲 十一民間遷徙有由此區遷往彼區或此所遷往彼所者應於該戶報明後互相知照俾易檢查 十二編查大定之後如居民有遷徙報告應由區員隨時將冊籍竄改每三日彙報分廳一次再由分廳將冊籍更正每旬彙報總廳一次無論有無事故皆應照例申報以照核實而免稽延

直隸○直督袁慰帥訂定查禁煙館章程凡各國租界亦須一律辦理業經札飭津海關道照會駐津各領事分別查禁

聞英領事已首先認可擬限十日將界內所有各煙館概令閉歇以除煙害

浙江○浙省各屬舉辦警察惟紹屬嵊縣最著成績近該縣秦肇北大令以縣屬西鄉盜匪充斥特與紳董會商先就該鄉招募巡士設局開辦並就長樂鎮等處聯合舉紳組織警察又就各鎮添設分局派董督率巡士認真稽查以漸推至

各鄉陸續開辦務使境內又安民間康樂云

廣東○粵省巡警總局近以先後已設二十八分局面積既大事務日多亟宜將應查各事分別科目刊發表式由各員等分段分班輪流檢查庶幾責成既專條目明晰於巡警事實方有裨益各員功過亦有憑據特將應查各事分爲十科曰員弁兵丁職事規則功過勤惰曰弁兵器械衣服起居飲食房屋疾病曰員弁教練事宜曰員弁兵丁彼此交涉事宜曰司事局丁功過及房捐警費盈絀此爲對內之事曰學界商界外界軍界巡警應干涉之事曰民間公共橋梁道路路燈電話一切公益物保護之事曰人民結社集會曰潔淨衛生事宜曰巡警兵對於民間違警之處置此爲對外之事其分段之法老城新城共爲一段西關北路爲二段南路爲三段東南關爲四段河南爲五段檢查等暨總稽查各員應分爲五班如第一星期第一班查一段第二班查二段第三班查三段第四班查四段第五班查五段第二星期第二班查一段第三班查二段第四班查三段第五班查四段第一班查五段以後依此類推週而復始無論何員輪值何班應查何段均須將各科事宜按照所發表式切實檢視詳細登列俾各局員弁兵丁不敢因循疏忽云○儋州吳牧以監獄卑溼異常於囚犯身體大有妨害稟准省憲籌撥款項就大堂西偏建設廣廈一所內監外竊務求饒於空氣以免犯人罹疾。

各國內務彙誌

俄○俄政府新定選舉議員條例凡上次諭旨所予各黨之權利概行削奪以致人民憤激羣起反對官報亦著論說以譏政府之食言

德○德政府近因征討南非叛民軍費不敷擬再籌款三十兆馬克提出議案於議院議員認可者百六十八人抗議者

內 務 各國內務彙誌


二百九十八

十二月

百七十八人遂由議長決議拒絕德皇大怒即派褒洛親王宣詔解散議院以待後議親王於宣讀詔旨之後會向各議員曉以大義諷令愛國云

法○法內閣近擬革除死刑上下議院亦已衆議僉同不日即將實行

美○美總統魯司華爾前於一千九百零四年宣言議院謂菲律賓人民苟能安分守法自當准其設立議會參預政權近聞魯總統以該處人民業已文化大進特擬於明年春間頒發命令准菲民設立議會並予以制定法律之權惟馬來種族及耶穌教會未經傳道之處不在其列以示限制



外交

論國民當略知外交 錄丙午第二十八期外交報

自預備立憲之 詔既下。寰海熙熙。如登春臺。今日以後之國民。非復若前日已往之國民矣。前日之國民。必事事待理於 朝廷。今日之國民。當人人自肩其責任。國民之職。條緒萬端。非本報所能範圍。使就其一端而言之。則外交之事。倘亦人人所當盡心者乎。

中國外交之學。淵源最蚤。試以春秋戰國時之事證之。齊桓召陵之會。晉文踐土之盟。非今日之所謂攻守同盟乎。兵車重器之賂。龜陰汶上之田。非今日之所謂畫界償款乎。它若東周爲稻。西周阻水。則今日河流海界之權輿也。晉人問駟氏之後。而子產拒之。則今日主權內政之問題也。當時列國。殆必有不成文之公法。人人習之。人人能言之。流風所播。弦高以商人而能拒秦師。辭令之美。雖今之專長外交者。亦莫能過之。是知國際一門。爲舉國士民普通之學。而非官吏之所得而專者。從可知矣。

秦漢以後。封建廢而一統成。環列諸國。其文化又萬萬不足媿我。外交學派。於是湮沒。而交涉大政。一惟以不平等之宗旨行之。方其盛也。覺威力所加。舉天下萬國。悉求爲吾僮隸而

不可得。積威漸墜。則又任外人之侵凌欺辱。俛首而不敢與較。非徒不敢較也。直視爲毒蛇猛虎。以爲非人理所能喻。雖勉强與較而無益耳。是故始而驕倨。繼而卑屈。究其實則驕倨卑屈。原本一心。非爲異物。迨至屈無可屈。乃始不忍其詬誶。貿貿然欲以血氣之勇。匹夫之力。一朝而絕之。而危亡且立至矣。觀於庚子拳亂之因。其禍首固有屬矣。豈惟彼肉食之流。尸其咎耶。

歐西學者講求外交。有公法私法之分。而皆以國際名之。公法者。國與國相交涉者也。私法者。此國之民與彼國之民相交涉者也。公法各國皆同。私法各國互異。我國則混而一之。漫無區別。且以中外法律之殊。無術焉以通其郵。於是凡外人之入居內地。以私人資格與我民相交際者。錢債之往來。田產之爭訟。彼皆得挾其公使領事之國力。脅我以不得不屈之勢。而區區無足重輕之事。遂足爲兩國失和啟衅之端矣。卽果窮因實。由我國民無外交之通識而已。

惟無外交之通識也。故一切關係外交之事。無不率然爲之。其無意識之舉動。斯無論已。卽明明其曲在彼。而可以爭執。我國權者亦莫不掉以輕心。行以私意。下之則殖禍於地方。上之則貽憂於君父。而惟使彼族之勢力益膨脹焉。徵之近事。若工約之抵制。若公堂之暴

動。若南昌之教案。皆其明效大驗者也。向也大柄在上。輿論無權。猶可委其責於朝廷。而吾儕小人。姑偷安以蕲旦夕之無事可耳。今者明詔頒矣。政體之改革有日矣。萬幾之公論。將於吾儕而取決焉。後盾之實力。將於吾儕而厚望焉。而猶持昔者依賴政府之見。自處於逸。而與人以勞。揆諸報施之理。分功之誼。無亦大相刺謬也耶。豈君民一體之朝。而可有此。

然則講明外交之故。以啟導吾民。非今日教育家所當從事者哉。謂宜於中等學堂。增外交一科。使知外交事理。開此日之常識。立他年之基址。庶幾人人切國恥。而戒虛僑。教禍之烈。其有豸乎。

要之。吾國今日國權埽地盡矣。條約文告。日日言保護。而外人不信。有時至重懲本國人。以謝外人。而外人愈不信。今者變政伊始。恢自主之法權。其亟亟矣。顧欲恢國權。非去外人之裁判權。不可。欲去外人之裁判權。非更定法律。不可。欲法律之衆信。而有效。非開國民外交之常識。不可。識時務者。倘不葑菲斯言也耶。

論治外法權與領事裁判權性質之區別 節錄丙午十月十二日北洋官報

吾國往日條約。於治外法權。領事裁判權。二者多未分析。今日法律之學。日漸發達。名不正。

則言不順。言不順則事不成。爰採取最新學說以別其性質焉。

治外法權者我國許彼國代表之人免我法治之權也。領事裁判權者我國許彼駐我之領事用彼國裁判權以斷其民之獄訟也。二者若相符合而實則大有區別。吾國沿誤已非一日。如中英條約第十二條云。中國深欲整頓本國法律以期與各西國律例改同一律。一俟組織妥善。英國即先棄其治外法權。此明明載諸條約者也。然約中所云治外法權亦指領事裁判權而言。若論治外法權之正義則各國元首與公使諸人皆得享此優美特別之權利。縱令吾國法制修明能與英美諸國方軌並進而彼與我訂約之英斷無甘心自棄之理也。

治外法權之起原在十七世紀以後。初惟公使得享此權利。厥後逐漸推廣。為今日各國所公認者。合公使計之。凡八種。一國家。二元首。三公使。四領事。五羅馬教皇。六軍艦。七商船。八軍隊。此八者中以國家元首公使三者為有完全治外法權。蓋國與國相平等。故凡國有財產不問公私無服從外國主權之理。若元首所以代表國家。君主與總統同為國元首無所異也。使臣則以代表本國亦均不能服從外國主權。然使公使及使館人員。或有不法行為。均可至其本國訴訟。以彼雖有不服從外國法律之權。然其於本國法律固有應守之義務。而無所逃於天。

地之間也。文明國之尊重法律。有如此者。

至若領事與教皇、軍艦、商船、軍隊五者。均為例外之治外法權。非有完全之性質。他不具論。

即以領事言之。惟總領事兼理公使事務。方能援公使之例。有此特權。又或定有領事條約。

如日德日比所結之約。其約云犯輕罪者有治外法權。則亦有此特權。然此權之範圍若何。

全視條約所定。以為廣狹之準。不能一認其有此權利。即視之。若元首公使也。且必須任命

領事。由本國專派者曰任命領事。若本國未經專派請第三國代理者曰名譽領事。一旦兼理公使。或訂結條約。迺得享此權利。若

名譽領事。即不許濫受斯利益。故國際法定例有云。凡無與政治軍事者。均不得有治外法

權。領事之職。僅在保護商人。調查實業。為本國財政上一切之代表。而於政治軍事。絲毫不

容干預。故非有變例。不能享治外法權之利益也。

所謂領事裁判權者。何也。謂甲國人居乙國。凡民事刑事之訴訟。不遵守乙國法律。而由甲

國派駐乙國之領事。自用法律以裁判之也。此與治外法權似同而不同。治外法權之範圍

其包涵頗廣。苟無此權。則已。凡有此權者。其人民與物產。俱有不服從所居國法律之特別

利益。此指元首公使等有完全治外法權者而言。然其他數種之理由。要不外乎此。特以類相從而推廣及之耳。若夫領事裁判權。則其範圍極

狹。即使領事所駐之國。允給此權。亦僅止裁判一事。不受所居國之審斷與轄治而已。

外交

論治外法權與領事裁判權性質之區別

吾國之誤用此名詞。實肇源於日本。十餘年前之東籍。殆靡不沿襲混合者。黃氏日本國志有云。西人於所治之地之外。而有行法之權。謂之治外法權。竊謂此說頗欠明晰。夫治外法權之解釋。乃謂本國之民。有不受他國法治之權利。非謂居留他國而有能行本國法治之權利也。方針一誤。塗徑遂歧。推最初誤用之原因。蓋由東籍之釋治外法權。解爲立於所駐國法治之外。吾國之作爲領事裁判權者。則又以治外二字之義。其表面之解釋。有合乎西人之領事裁判。故據中國文義。以解日本名詞。欲通兩驛之郵。遂致六州之錯。而不知其定義。固與此徑庭。而斷不能併爲一譚也。

且就學理言之。則似治外法權之範圍極廣。而領事裁判權之範圍較狹。然試就交涉之實際。與吾國所受之影響比較之。則治外法權。因國際之禮讓。互相尊重而成。而領事裁判權。則由權利之擴張。條約之規定。且治外法權。必特別之人物。方能享受。而領事裁判權。則普及於人民。不獨彼居留我國之民。不受我法庭之裁判。卽我民與彼交涉事件。亦遂多窒礙之端。此又影響之所關。至鉅而不可不急起直追。維持挽救者也。

古時論國家司法權者。皆取屬人主義。故甲國人居乙國。以乙國法律爲不完全。不願受其裁判。因自立領事裁判之。又或乙國以甲國爲化外客族。不足受我法律。因聽其自行裁判。

此領事裁判權所由昉也。今則取屬地主義。天門由郭氏述其師說一變而為國際私法主義。因述近世國際私法學之三大學派其言甚辯竊謂郭氏之說今日五洲猶通行無阻無論何國人民一入何國境內即當服此國之法律裁判。即元首公使之治外法權亦以盡行。世歐洲各國已革領事裁判權之例所僅存者惟在亞非二洲而已。

昔者歐洲各國亦嘗行領事裁判權於日本矣。至明治二十七年日本始與英國訂約議定五年後撤去。嗣與美德法奧立約亦然。其所以必遲至五年後者何也。則以國中之司法署與裁判官必須定正當之法律行正當之裁判而後各國信其實行方能決然撤去。非一朝一夕之故也。故中國今日當以日本為法。必待撤去此權然後有自強之望。矧中國與日本本有互行此權之例。觀於同治九年。治四年。中日條約第八條云。兩國指定各口各設理事官約束己國商民。凡交涉財產詞訟案件各按己國律例核辦。是其明證。此例之廢實在甲午戰役重訂和約之後。此約就表面而言利益雖若相等而受害最深之處惟在以居留日本之中國人民財產悉歸日本衙署審判一語。此例一定吾國駐日領事雖仍分轄各區域而核其實職殆同虛設矣。光緒二十二年中日通商條約第三款內載日本國於中國各員應得分位職權裁判管轄權及優例豁免利益均照相待最優之國一律承受大清國於日本口岸亦可設立總領事領事等官除管轄在日本之中國人民及財產歸日本衙署

外交

論治外法權與領事裁判權性質之區別

照通例給予相等之權利及優例。悉十年以來。吾國勢成積弱。桑榆補救。事宜早圖。夫今日五大洲。已無復互行領事裁判權之例。蓋兩強相敵。彼此皆不用此權。若強與弱遇。則惟強者有之。弱者但有忍受而已。況講求國際法者。咸主張屬地主義。此權之不適於用。雖三尺童子靡不知之。苟欲挽回國權。改良法律。可不取東瀛之往躅。步趨而模範之歟。

凡有領事裁判權之地。國際私法。即成虛設。然欲撤去領事裁判。又非研究國際私法。不可。即如我國上海租界。及通商各口岸。不惟不用中國法律。而按之西國法律。亦多不合。蓋全由條約暫行規定。成此非李非柰之現象。倘法律久不改良。權利之失於無形者。益不可勝紀。凡關涉國際私法。如物權債權等項。尤宜速改。方有撤回領事裁判權之望。所冀當軸者。以明治二十七年之事。步趨仿倣。近則五年。遠則十年。必俟此權實行撤去。迺克期達自強之目的。而未撤以前。一切交涉問題。尤必精研國際私法。始能解決。近人葉氏開瓊郭氏斌所論國際法。均為切中事理。可資考鏡之材料也。

中日委員會訂交收營口條款

為營口地方由日本軍政官交還華官管理。遵照日清兩國政府於華歷本年九月北京所訂另單四款辦理。由兩國政府特派委員在營口會同商議。所訂條款如左。一按北京所

訂另單第一條載明營口地方於日本軍隊未撤以前凡關乎驗疫防疫等事應由地方官與日本領事官商訂章程等語現今兩國委員商定暫時即按日本軍政官所訂章程辦理倘日後查有應行更改之處即由地方官會同日本領事隨時商改俟日本軍隊撤後即由中國地方官自行主持辦理 一按北京所訂另單第二條載明凡於軍政時代內所有業經開辦或已籌畫而未經開辦之公益事宜應由地方官接辦或允歸其承辦等語查日本軍政官前已允許日清合辦株式會社開辦營口自來水電氣車電氣燈電話四業現經兩國委員商定自來水電氣車電氣燈可由該會社承辦但須將該會社原定一切章程呈送北京應管之部立案倘該部檢查此項章程有應行更改或應添減之處該會社尤爲遵照辦理自來水一業添股之時必須先儘華人電話一業乃中國電報局專利應由中國電報局收回自辦即由該局與該會社彼此各派一員會同查看該會社在營口已經製備所有電話產業估價照購倘彼此委員意見不同應由該局與該會社隨時公舉一局外之公正人由伊定奪彼此遵守屠獸場一事應由衛生局接辦至如何估價購買即照電報局承購電話方法辦理由營口至牛家屯之輕便小鐵道俟電氣鐵道工竣即行撤去凡關乎公益土木工程出於寓居該埠中外商人之同意由日本軍政官開辦或已籌畫而未經開辦者

外 交

中日委員會訂交收營口條款

二百三十七

丙午

中國地方官允照接辦完工 一按北京所訂另單第三條載明警察及衛生事務應歸中國地方官管理務期盡善以保公共治安爲此兼用日本警察教習及醫生如有未盡妥洽之處日本領事官可告知地方官隨時酌辦等語現經兩國委員商定雇用日本警察教習及醫生除薪水外一切章程均按天津雇用日本警察教習及醫生一律辦理倘日後警察衛生辦理有未盡妥洽之處一經日本領事官函告應由地方官隨時酌辦 一凡軍政時代內所判斷訟事案件毋庸中國地方官再爲提訊所有判斷案件並登記等一切文卷應由軍政官移交地方官存案此項案卷另由軍政官備繕一分移存駐紮營口日本領事署

一按北京所訂另單第四條載明海鈔兩關事務應歸海關道管理清國政府將該兩關進款暫儲存於正金銀行將來戶部銀行分別開設之後於兩國銀行儲存等語現經兩國委員商定稅款於中國度支部銀行未設以前儲存營口正金銀行如何辦法應由該管之地方官與正金銀行彼此議定 一營口日本軍政准定於明治三十九年十二月一日卽光緒三十二年十月十六日全行撤去

中外交涉彙誌

各國○院撫恩新帥以院屬長江一帶時有各國兵輪水手上岸打獵誤傷鄉民情事特札行江海關道照會駐滬各國

領事嗣後如有兵艦遊弋長江務須切囑管帶約束水手人等切勿貿然上岸打獵放槍致生意外之毀各領事因即公同商議允爲照辦

中日○奉天日本總領事近議於吉林長春府增設領事分館○廈門華人林江樹前因貸借法商鉅款日久不還經該法商控請與泉永道訊明押追詎駐廈日本領事以該華人卽係臺灣籍之林謀昌要求交付廈道不允日領事電告日使與外務部交涉部允電閩交還署閩督崇佑帥以林江樹確係安溪縣籍冒認林謀昌有其父武生林夢年稟稿可證不能作爲日籍人民辦理因電商外務部聲明萬無認林爲日籍之理倘竟交出則是已認爲日籍將來日人必代林索被押之賠償而法人亦必以交押被放而詰難進退失據無可對付請向日使堅持前議並將真林謀昌之父業已出現轉告日使以證林江樹之假冒庶免日使再爲干預云云詎外務部仍主交還之說再電閩省囑卽交出故崇佑帥已照部電飭與泉永道將林交與日領事矣○日本自明治三十二年起頒行家屋稅制凡他國人民僑寓日本者一律完納外人不服嗣由日政府將此案移送荷蘭海牙平和會公斷今年夏由平和會判決日本理負所有此八年內他國人所納家屋稅應由日本一律交還業於西歷十一月二號將所收歐美各國人之家屋稅一律交還惟華人不在此列長崎華商因向長崎知事詢問則以未奉政府命令爲詞各商以此事若不力爭未免受虧太鉅業已聯名電稟外務部商都與日使交涉矣

中英○英人普賽斯向在京師崇文門內石頭洋行作雜貨生理近日不知何故被人槍斃當經內城巡警東分廳委員查悉驗得普賽斯隨身財物均無缺少知爲仇人謀害卽傳該行華夥姚懷玉及苦力二名隔別研訊僉稱該洋人近與英美煙捲公司美人翟禮士洽游挾嫌此外並無別情既將姚懷玉等暫行看押並報內城總廳通飭各分廳及探訪局

外交

中外交涉彙誌

一體嚴拿正兇翟禮士確切根究以期水落石出並由廳委員會同英使署參贊歌爾克君詳驗屍身提訊夥工所報屍格及各人供詞均與前同當由歌君訪得正兇業已颺去即電知天津領事嚴密查緝務獲究辦一面由廳稟傳與普實斯素識之妓女美利到案研訊尙未得有確供現正詳細推勘並遴派精幹巡官警長分頭查訪云○英商都志善近在贛省德化縣屬之花菓園承頂華人張謀禮屯田洲地一方經署饒九道汪頤旬觀察查悉以此項洲地既非通商口岸且係屯田又界於金雞坡岳師門兩礮聲之間關係極爲重要都志善私向屯戶價頂膝請印契與條約律例種種不合斷難聽其所爲特飭縣嚴傳張謀禮到案究追並照會駐九江英領事開導該商領回原價旋由英領事函覆以須稟請本國駐使核辦爲詞爰又稟請贛撫吳仲帥咨明外務部備案以便據約駁阻

中俄○俄使照會外務部略謂牛莊一埠將由日本交還中國本國政府已先命駐日公使向日政府商議索還該埠未戰以前俄人所置房屋及地段計領事署地段醫院及衛生局領事官公事房建築未竣之地領事官房前空地遼河岸俄兵船常川停泊處所之地共五處應按一千八百九十九年海牙條約陸戰法規第五十五條辦法仍行交還俄國應請查照云云聞外務部已據情咨詢日使矣○海參崴華商前因日俄戰時華人商業多爲俄人所害曾經查明確數呈請外務部向俄人索賠日久未見發表故又電致外務部請速與俄使提議務期照數賠償聞外務部已據情照會俄使並將旅順華商及奉天各處損失之數一併提議索賠○近有塔爾巴哈台土酋爲俄人所誘攜帶氈房五百餘戶逃往俄國當爲大吏查悉電告政府已經外務部照會俄使並電七河巡撫飭駐邊各員照約送回○奉天大連灣吉林哈爾濱寶臺什哈等處均爲俄商往來萃集之地而俄國向未設有領事遇有交涉諸多不便近聞俄政府已決定在盛京設總領事大連等處各設一副領事以便辦理交涉業由俄使照會外務部查核

中德○德兵艦富瓦號違約在江西湖口縣八里江演礮適有日本兵艦經過見而不平連放電光三次德艦始展輪下駛事後日艦主電詰廣饒九南道因何允許德艦演礮內地當經汪頤旬觀察電謝日艦主一面電稟贛撫吳仲帥分電南洋大臣及外務部略謂德兵艦游歷內地任意演礮既已顯背條約驚擾居民且恐他國藉口致啟交涉請即電達照會德使詰問以免他國效尤○前有上海德領事署巡捕由滬乘火車至吳淞游歷後因日暮途迷覓人指引遂被匪黨搶劫並被投諸濁流幸水淺脫逃得回上海即赴該管領事控告由德領事照會江海關道請飭查明重辦瑞觀察即派道署密探緝捕一面札行縣麻緝追賊犯務獲重懲

中法○法政府已在汕頭設立領事分館又廈門法領事前由法國電線公司德格君代理茲已特派新任領事以重公務業經照會外務部查核辦理

中義○近有義國使館酒醉守兵行經京漢鐵路局見一年幼工人欲行無禮驚懼呼救工長聞聲喝阻該兵始去不料半小時後即有義兵統帶荷槍義兵來局不問情由將衆工人亂擊被傷多人並捕去工人二名華捕前來排解亦被傷二人經警廳申報政府由外務部與義使交涉請將該守兵照律懲責而義使覆文則謂有守兵三名被工人用刀擊傷尚在醫院調治云

中古○古巴擬設駐華全權公使業有成議近聞古政府已簡派班治民支柏爾格爾君來華代理是缺並聞古國尙擬設總領事於上海云

中美○近聞駐美梁使親往美外部與署外部大臣亞梯總書記官敦比等磋商給予旅外華僑入美護照事業已商允照辦

各國交涉彙誌

日俄○駐韓俄國領事普蘭遜近以委任領事問題向日本統監府交涉普氏之意以領事既須由一國主權者委任並領有文憑則副領事亦應援例辦理惟統監府以爲領事既領有委任文憑副領事卽在其中不必分別領有委任文憑至副領事第由駐在國外部認可已符恆例故持之甚堅俄領事之交涉恐難得要領云又聞俄副領事鐵珍近已由俄至韓履任惟駐紮之地尙未決定

日法○法政府新簡熱拉爾狄爲駐日本全權大使業已領憑赴任聞熱君爲法國最有才幹富於歷練之外交家故此次蒞任備受日本人之歡迎又法政府以該國商民旅居長崎者爲數極少法公司輪船亦概不繞行該埠所有駐長領事一缺已成贅疣擬卽於一千九百零六年終裁撤是缺以節經費嗣後該埠法國商務事宜悉由英國領事攝理日腦○腦威政府以腦國在臺灣之商務日見繁盛因擬於臺灣府及淡水臺南三處各設領事以資保護惟目前各處交涉暫由其地之英領事代辦

日美○日本政府前因美屬嘉釐福尼亞省學務官員有飭令舊金山小學堂禁止日本兒童肄業之事特電令駐美日使向美政府詰問並請從速查辦旋由美政府電命駐日美使照會日政府代達歉忱其照會之要旨如下○一該問題係地方勞民問題風潮所牽動故美政府接到東京電報始悉其事 一舊金山賤民舉動凶暴自當轉咨司法部官員詳慎察核 一禁止日本兒童肄業各公立小學堂一事係各州政權美國政府不能干涉 一美總統及外部大臣已聲明舊金山對於該問題之輿論並非代表美國全國之公論且當盡力以息此種橫議並冀日本感情藉此融洽英法○英法軍事協約之內容傳說不一今據大阪朝日新聞所記柏林訪員電報錄之如下 一英法二國如遇一國

與德開戰他一國當爲軍事上援助 二英國明示日英盟約之秘密條款於法同時法國亦可明示俄法盟約之秘密條款於英 三英法兩政府所訂之日英及俄法盟約可不必束縛於日俄範圍之內而另行訂立英法軍事協約 四日本若與歐洲各國挑戰英國可襲此等各國之殖民地

英希○英政府以布加利亞人在英屬之德拉瑪加佛拉二處時遭希臘人殺害布國要求償款辦法本極公允乃希臘政府非惟不認且命其公使撤旗回國以示決裂之意殊背公理特照會駐英希臘公使責其縱容匪徒逗遛別國並責希臘領事之辦理不善致釀巨變且要求將該領事撤差以謝布人

萬國平和會議

第十五次國際平和會議近在義大利開會義外務大臣爲名譽議長會集各國名士協議先提出紛爭事件仲裁裁判二事聲請各國承認次就第十四次萬國議員會議決議美議員所主修改採用之說議決要求各國政府對於其所派代表必須與以海牙調停裁判之權至委任權力國際間之紛爭裁判當設公斷衙門及實行調停裁判各事各國已允以平和之法履行之故置不議後又討論第二次海牙萬國平和會所議裁節軍費問題衆議以此問題非僅屬於軍人應與社會學者經濟學者會同研究最後決議則爲本會會議如因俄國內情致延日期則請美總統擔當發起之任

國際公法新例

國際公法會近開會議於其特地方議定中立國以後不得在戰國界內用無線電報倘捕獲此等中立國人民可以戰時俘囚待之其船及電臺皆可充公至在海面佈散水雷或放浮雷嗣後亦須禁止

德相演說外交政策詳述

外交

萬國平和會議

國際公法新例

二百四十三

丙午

西歷九月二十八日德相袞洛親王在議院演說德國對於各國之外交政策頗爲明晰錄之如下 一法國目前德法兩國均願共保治安以冀日後於工藝商務上得以互相協助吾德亦並無干涉英法俄法各國和好之意因英法之和好必不能使德法亦表同情也但歐西各國如有與吾德失歡者則英法和好實有礙於歐洲之大局蓋無論有何政策欲使吾德孤立自必有極烈之交涉且德法兩國之交際並無大相鑿柄之處即現今所有商務之競爭亦不至啟國政之衝突試觀英美日三國之競爭商務何嘗有礙於國政乎 一英國吾德擴張海軍或有謂欲與英國競爭者此謬說也德國並無擴張海軍以與英國平等之意惟爲商務起見不得不添設艦隊以資保護要之吾德意欲保守治安實不欲與各國競爭兵力也 一意國德國以後決不欲擾亂和平之局攻擊鄰邦故於摩洛哥會議時對於意國並無責詞在意政府意見亦欲使吾德政策漸有成效故意國苟能堅守三國之聯盟則歐洲必無擾亂和平之日萬一意國欲自外於聯盟或有貳心之政策則世界難免不亂總之意國堅守三國之聯盟實可保全歐洲之平和而於政界民事二者亦大有裨益也 一奧國奧國與吾德素爲交好之友邦 一俄國德俄邦交頗有可慮因近日傳言謂德俄兩國欲訂立密約內稱吾德欲協助壓制俄屬波蘭亂事以達干涉俄國內政之目的究之此等傳言全無憑證今德俄兩國並不訂以上所稱之密約吾德惟望俄國境內靖謐人民與政府互相親愛而已 一日本吾德與日本之交際當設法使益親密日本恃其強壯之陸軍與勇敢之海軍駸駸乎與大國並駕若以他國比較之則吾普魯士其始蓋亦以兵力而致富強者也 一中國吾德並無侵犯遠東土地之政策當一千九百年七月間予任外部時曾照會各國聲明德國並無瓜分中國及在中國要求特別利權之意是年十月間英日兩國訂立聯盟條約之前吾德與英亦互相照會言不欲侵奪遠東土地故吾德在東亞自昔至今除商務外絕無逞志之舉動今所視爲最要者惟欲中國主張開放主義以保守

承平及其土地之完全而已。德國能守此要義，凡他國欲謀利益於遠東者，亦望守此要義。現吾德無所責於中政府，惟欲使吾德商務與他國同等耳。余又深信中國日後必能漸有進步，對於通商各國自必日相輯睦也。一美國德美邦交之輯睦，實由於美國保全世界平和之三大事業。第一次則出其全力以調停日俄之戰，第二次為摩洛哥問題使德法兩國和好如初，設在天基亞聚會時，遽爾決裂其害有不可勝言者。一關於日俄之戰，傳言日俄開戰時，德國大為驚詫，此言大謬。因開戰之前，吾德早已得有報告，曾力勸日本息戰，又指示俄國言若不允日本所要求之各問題，則其政府與人民必欲決一死戰。由是觀之，則吾德於日俄之戰固非坐視不救者也。云云。

述美國干涉古巴內政

古巴自去年公舉總統巴爾瑪復任何西米基甘摩斯失敗到處演說，鼓吹風潮，人心蠢蠢，欲動。至今年春間，遂有些路及挽那華哥搜出炸藥軍械之事，當時尚不甚留意。至西九月初，山的古巴一帶及邊那彌有全省突有民黨渠魁嘯聚，至一萬五千餘人，揭竿而起，與政府為難。焚糖廠，劫民舍，毀鐵路，炸車站，拆橋梁，風聲鶴唳，徧及全島。夏灣拿屢為亂黨窺伺，幸官軍守衛尚嚴，不致失陷。然人心惶惑，紛紛遷避。古巴兵備未修，亂勢日熾，已成燎原，不可撲滅。民黨領袖沙衣亞斯即前上議前將軍便奴圭爾亞及加士的衣奧等皆各領一旅，與官軍交鋒。雖何西米基甘摩斯等四十餘人均以次就縛下獄。中有下議紳十餘人，各省代表數人，曾為外省按察者數人，曾為稅員及各衙書記，鄉約官者數人，有威里斯者為現駐墨西哥公使。然官兵究以衆寡不敵，屢為所挫。美總統魯司華爾數電巴爾瑪問應否調兵助剿。巴堅却之不圖。西九月中，魯總統忽調兵艦七八艘，馳抵奇威斯海峽，先以巡洋艦兩艘載兵數百以保護商務為詞，直逼夏灣拿城，旋遣兵部大臣塔孚、副外部大臣壁格安為調和專使，行抵古巴，與兩黨領袖磋商數日，茫無頭緒。西九月二十七日，德大臣忽致書巴爾瑪及格勃提建議三款：一巴爾瑪仍留總統之任，二自副總

外交

述美國干涉古巴內政

二百四十五

丙午

統格勃提以至上下議紳全行辭退另舉三各部院大臣及各衙大小官吏一律罷黜另行擇用惟閣部臣中必須有民黨二人在列此三款已先經民黨認可政黨以為不公大起反對巴爾瑪羞憤即日勒令議院開特別會議宣告退位於是各部臣紛紛告休二十八日議院又開會議先是格勃提等密探塔孚意向所在於留舊舉新二者孰重嗣經探實美國意在干預治權如舊統留則無可如何若另舉新統德必不見允故格勃提力請巴爾瑪復位而罷舉新之議沙衣亞斯與其黨多數議紳均反對之至日晡時不能決後經議紳巴丹高宣言保全國家當以主權為重黨界為輕之義衆始翕然共表同情民政兩黨領袖率領諸紳長驅至總統宮中迫而後見議紳多魯斯代表衆人求復位聲淚俱下巴爾瑪不從多魯斯因言以國民半世紀汗馬戰功犧牲多少頭顱流盡多少熱血爭得自由一旦他人入室何以謝全島百姓云云語極沈痛巴為之泣數行下議紳皆涕泗滂沱惟巴終不能聽且為諸紳痛陳去留大義議紳知不可強因環抱巴爾瑪相持而哭大有明思陵國破別諸臣景象是夜九點鐘議院仍開會議有議員數人坐待至十一點鐘不見再有議紳至各有志適將軍波薩至挽數人稍候片時波云我雖待至十二點鐘亦望有我古巴愛國同志來共救國亡語尙未畢有人飛報美兵已登岸諸紳探確一聞而散波將軍乃垂淚登車而歸是夜塔孚在美使署待至十點鐘探知議紳多魯斯等決不赴議又知議院人數太寡不能開議乃諭美兵艦秣馬枕戈以待忽鐘鳴十二點號令一聲美兵已衝枚登岸屯駐各要衝矣翌晨傳檄島中宣佈暫攝古巴政府治權一切率由舊章不換國旗俟亂平仍將治權交還古巴自主自表面觀之美似仗義執言代平內亂無鯨吞蠶食之心也然魯司華爾致古使格沙達書特揭出勃辣改訂約章第三款美有干預古政之權司馬昭之心固已路人皆見矣古人性質柔懦而將軍蒙得護即工部署內部而統領諸軍者年少有氣節其在多魯斯私第會議時為激昂慷慨之論以悚美人之聽美報至指為虛無黨派蓋有所忌憚而為是言也何西馬帝又著書立說提倡獨立主義故多魯斯輩一二庸懦之夫當存亡絕續之交尙能發愛國之感情以激動國民然則古巴國旗或能留一影於日光之下未可知也

教育

論中國教育之弊 節錄丙午十月十八日申報

中國自近世以來。學校林立。持強國之論者。均曰教育普及。則中國可強。吾則謂教育愈普及。則中國愈危。非教育之不足。致富強也。教育既普及。在創設學校者。初無培植人才之意。不過借創設學校之名。以博當道者之獎勵。或借以廣通聲氣。為異日招權納賄之基。在肄業學校者。亦非以求學為宗旨。也不過緣學級以遷升。以冀畢業證書之倖獲。是則學校者。人人視為利祿之途者也。既視學校為利祿之途。則學校無殊於科舉。故科舉未廢以前。士之創學校入學校者。均不為利祿所惑者。也不為利祿所惑。則其人迥異於庸流。此人才所由出於學校也。今科舉既廢。其所以注重科學者。猶之前此之注重科舉文字耳。以科舉文字視科學。無論所學之不能專精也。即能專精。然觀其所肄各學科。均便於速成者也。均可持以獲利祿者也。若其學不便於速成。或不適於獲利祿。則必視為無足重輕。如英文算學二門。無論何校之學生。均視為重要之科。以他日出為教員。此二科可以獲多金也。若夫中國之學術。則棄若弁髦。非真知其不足致用也。以其不便於獲利耳。故今日之學。均趨時之學也。今日之學生。均溺於俗尚之士也。既溺於俗尚。則所志必卑。所志既卑。安能具高

教育

論中國教育之弊

三百七十五

丙午

尚之宗旨則所謂立志立品諸名詞不過以空言自欺而已然此非求學者之罪也中國數千年來學術之興廢均視在上者之意爲轉移上有求者下必應況近日生計日艱乏於生財之術士人迫於身家之累不得不籌謀食之方及見學校之可以遷升也以爲舍是不能營祿利故所學益趨於簡陋不暇深求而營求祿利之思想遂深中於學子之心此固由所處之境使然惟創設學校之人以是義爲倡率未免導民以趨利耳嗚呼學校者教育英才之地也今也視爲終南之捷徑即使人人均入學亦不過養植數百兆喻利之小人何益於學術何益於國家吾所謂教育愈普及則中國愈危者此之謂也欲矯此弊於入學之童均宜先定其趨向然定其趨向仍屬空言必也廣興實業以富庶民使家給人足庶出而求學不致持速成之見以自錮其心古語有言衣食足而禮義興此卽孔子先富後教之意也其旨深哉

學校既以利祿爲宗旨故創設學堂者其對於學生所操之術有二一曰壓制一曰隱忍操壓制之說者以爲科舉既廢欲謀仕進非學堂莫由卽加以壓抑亦安敢合力相爭以自貽開除之咎爲學生者亦以爲學堂可以博出身且由此校入彼校非有聲援莫能竟入不若姑受壓制以博他日之證書此學校壓制之風所由日長也操隱忍之說者以爲對於學生

實行干涉則易起競爭競爭既起風潮斯興風潮既興則學堂爲官辦者其總辦監督必受當道者之詰責或貽撤差之禍爲民立者亦將墜其聲譽致爲官場所攘奪故學校起風潮乃辦理學校者之大憂也既以起風潮爲大憂故不得不出於隱忍復有辦理之人私德多虧慮學生持其短長或語言不謹慮學生因以告訐積此數因故其對學生也悉用敷衍之政策其所謂學生者亦揚然自得以爲無學生則無學堂學生者學堂之主人翁也雖干犯規則辦事者其奈我何由是規則盡具虛文教科定於學生之手而撤退教師稽查帳目其權悉屬於學生學生之權既張若稍拂其請則以退學相挾以開會相爭致辦理之人雖欲整頓而無由此學校隱忍之習所由日深也然操壓制之術則必使闔校之學生人人均趨於頑劣操隱忍之術又必使闔校之學生人人均趨於放縱頑劣則爲奴隸教育放縱則爲野蠻自由雖寬嚴有別謂之失平則一也又近歲以來官辦之學堂其學生多汨沒性靈私立之學堂其學生多增長浮氣浮氣與真氣不同謂古人在創辦學堂者以爲精神教育不可不提倡今日言自由明日說改革相習成風人人自謂爲國民然其所謂精神者非由於自動實倚賴他人而發者也並是猶華人閱劇一人鼓掌贊款則和之者十百人此十百中亦然者使提倡者失其人則向之所謂空精神者一變而爲虛浮再變而爲放誕求一守規則

教 育

考察政治大臣今兩江總督端方奏教育關係至重謹就考察所及敬抒管見摺

三百七十八

十二月

治。實。學。者。渺。不。可。得。則。以。氣。浮。於。外。而。虛。於。中。也。昔。東。漢。人。士。空。說。氣。節。其。民。氣。非。不。昌。然。正。始。以。降。士。以。虛。浮。放。誕。爲。高。則。向。之。空。說。氣。節。推。其。流。弊。適。啟。人。民。驕。惰。之。風。民。風。若。此。學。風。亦。然。世。有。提。倡。學。風。者。必。先。以。根。柢。之。學。植。其。基。又。奚。必。空。說。精。神。教。育。哉。

考察政治大臣今

兩江總督端方
法部尙書鐵

奏教育關係至重謹就考察所及敬抒管見摺

竊惟富強始基歸諸學術比年以來 明詔興學天下向風然辦法既多參差宗旨未能一貫宏規未定流弊日滋可爲深慮臣等奉 命考察政治知本原所在教育爲先故於學務一端頗爲殫心研究伏念我國以二三學家創設學務已十餘年考覽未周遽爲興辦而學部設立獨後一切聽民間自爲雖欲不滋歧誤又安可得急起直追改良圖進其在今茲猶未晚也臣等查美國人格最高民風獨厚施行教育民間自有成法不煩政府之引繩至如俄義二國致力高等教育不少絕特出衆之才而於普及之方法未能周備故謀生道隘而乞丐尙多奧丹瑞哪荷蘭諸邦皆於義務之年加之強迫入其國境民俗皆整飭可觀德國則教育行政燦乎大備專門之程度既高普及之教思尤廣故在歐洲既有學界管領之稱而日本學制專仿德國至今學士博士遊歷調查絡繹相望多有著述以資改良炳焉同風遂爲強國夫皮傅外國之法以辦中國之事其勢固有所不能顧導師具在猶復冥行摘塗

紛歧百出欲事之治烏可得乎用敢不揣愚陋就見聞所及斟酌條陳務在采他國之優長資實行之方法不因浮慕高遠徒立虛名不以憚於更張苟安習慣謹爲 皇太后 皇上陳之一請釐定教育行政之機關以資行政也機關者何內而學部及所隸各司外而提學司及所屬員紳是也查東西洋教育制度內有學務大臣一人主管全國教育一次官輔佐之下有各司司有一長司長之下設參事若干人分理之此其在內之機關也一國之內分若干省省設視學長官一員一省析若干郡縣一郡縣析若干區均各設有視學官各區設有學會會有員紳隸於區視學論其秩序則自省視學以至區學會員紳層累而下而以省視學爲主持之人論其事權則省視學直達於學部區視學直達於省視學而以區視學爲執行之地此其在外之機關也位其下者司實行之權位其上者司監察之責有統轄之形而實無箝制之苦是以教無不行人無不學我國於中央既設立學部於各省設立提學司規制可期漸備惟部中各司應辦之端千頭萬緒日不暇給竊以爲宜妙選天下實學通才及確有經驗之人責以專心一端分門研究俾於學務辦理之得失言論之當否皆能實有見地決擇精嚴而於各省請辦之件咨詢之事應隸某司者立由某司擬議准駁俾僉衆心至於高等專門諸司有非本國人所能勝任者何妨量用東西洋專家以備研求而免廢

教育

考察政治大臣今兩江總督端方教育關係至重謹就考察所及敬
抒管見

三百七十九

丙午

墜蓋各國於學部分司之義設置精詳實爲全國學界系統攸關恃以決定羣疑裨益實事若徒采納虛聲將成虛事根本未培安望其發榮滋長此學部及各司宜力崇切實者也至於各省學制現正勞如素絲亟須整理提學司之設擬之外國猶一省之視學長官誼當直接學部使得有一省學務之全權現定章程凡提學司上達學部之事仍須詳由督撫轉咨而各事仍由督撫節制循是而推則各府廳州縣之學務亦仍由府廳州縣官節制臣等愚見以爲於獨立之機關既闕失而不備而於弊害之防制仍似密而實疎蓋督撫及府廳州縣地方政治辦理紛繁萬不能潛心學務提學司苟非其人則其倡率乖方亦爲督撫所不能盡悉視學員苟非其人則其旨趣不正亦非府廳州縣所能深知既非所長又非專務使之爲此業已不勝而用人行政之間多一事外干涉之人即多一曲徇通融之弊抑其影響有不止此者方今學風囂張論者每謂學界之人喜談政界之事實則現在辦學務者舉爲政界之人督率於上者既不能中學界之肯綮反動於下者必出而持政界之短長實不如特設機關使之自成系統政體既立觀聽隨之趨向亦隨之如是而有學界專一之志慮乃有學界專一之人才其他章程中可議者如學務公所之議長由督撫札派似不如責成提學司慎選正人徑自札派爲宜而省視學官由部派員提學出省轉須呈報學部允可始行

竊恐將來省視學與府廳州縣視學別成一系不足爲統一之機關不如卽由提學司兼統省視學長官與外國制度合符免滋異同之見若學部遣派司員赴各省調查考察則隨時可行不須額設視學卽提學司派員巡查各屬亦不妨於額設府廳州縣視學之外因事出之更不須另設專員也一請定學堂爲模範辦法以端始基也模範辦法者西人行政法學之名稱所以別於流通辦法者也西國政法家之說曰凡事名義雖屬重大而內容仍爲簡單雖以改制度易厯法更權量諸大事一言朝出萬姓夕遵此屬於流通辦法者也至於條理密緻義蘊複雜則必先立楷模再求仿倣然後推廣如母子之遞生不能驟然蕃衍此屬於模範辦法者也又曰或謂初開風氣暫用流通迨其發生歸諸模範其言近似而大亂真何也作事之功基於謀始始基一誤或經破壞而始能改良或雖破壞而不能改良若以模範辦法之事而誤以流通之法施之弊害之烈有不勝言者故流通模範兩等辦法劃然分途不容強混也其言如此可見西國政理研究之精今考各國學制莫不星羅棋布無美不臻當其締構經營固必經幾許之豫備蓄儲始能臻此中國現在仿辦顧可漫焉從事徒求其形似而已乎夫以近數年間稍有志識之士熟聞維廉畢思君臣雪恥自強歸功學校共相趨慕頗著信從於是內自京師外而行省官立民立先後相望要之普及之功千百未得

教育

考察政治大臣今兩江總督端方教育關係至重謹就考察所及敬
抒管見摺

三百八十一

丙午

教 育

考察政治大臣今兩江總督端方教育關係至重謹就考察所及敬抒管見摺

三百八十二

十二月

什一弊害之著秦越如在一堂苛求者謂中國之社會殆窮於法治恕論者曰過渡之時代應有此風潮孰知法治之未得其宜而風潮將永與終古耶究其致病之原實由不諳行政之法蓋以屬於模範之事而誤用流通誠所謂雖經破壞不能改良者矣臣等查東西學校之辦法重師範以裕各科教師之材急女學以立家庭教育之本然後有幼稚園兩等小學中學高等豫備科大學專科大學研究科以次遞行此秩序上之模範也教科之精管理之善密如繭絲細如牛毛若何研究若何設備立法以何者為楷程用人以何者為資格此制度上之模範也我國自興學以來機關不立法令未行各省大吏賢者提倡虛聲否者熟視無睹即其興辦之處大學高等師範實業速成永久為時無幾而紛然並陳各府州縣中小學官立民立一時備舉秩序既已失當矣興校既多需材彌衆監督教習管理諸事懸席待人校員之賢否督撫既不能周知而所謂學務要者自總辦之司道以迄員紳大抵皆不諳學務校員中即有略知時務亦或勦襲書報浮誕之說自命開通官長既信為學界之人才而新奇偏激之談又往往為無識之生徒所怖服實則抄撮譯籍以為講義而尚不能盡通遷就衆見以為管理而猶不免衝突蓋以未受教育之人強之行教育之事支離蔓衍謬種流傳其弊殆不能悉數論者謂教育之功必基師範其言誠是雖然各省辦理師範學堂其

校員執事取材所在又不出以上之人弊與無師範同抑不如無師範何以言之因其不良之教科不善之管理不完全之知識不規法之論議託於師範之名以濟其流布之術者借官力助其波瀾益無畔岸不至爲風俗之大憂不止也擬請 敕下學部速於京師設立完全之師範學堂先從初級以至優級凡不勝任之教員概屏勿用惟中國文中國輿地歷史則姑取通才明識者任之其餘各科悉聘日本高等師範教員以主其席命譯人輔助高材生徒就所講授編輯完備教科書寬其畢業之時期務使所編之書極其精詳適於實用而後止一面由學部通行各省一律仿辦將來學生功課之深淺程度之高下與夫編輯之書精粗浮切均由學部考試鑒訂卽以優劣爲各提學司黜陟之考成以此立定根基然後俾之孳乳三五年後庶幾可議擴充十年之後或者可談普及否則浮慕西人已成之效而不先定中國創始之方謬誤紛歧是興天下最大之政而貽天下最大之患臣等竊不勝鯁鯁過慮蓋與其辦七八分模糊影響之事而全局皆非誠不如辦一二分真實切當之事而本源易正或謂時機已迫爲此似近迂圖不知我國勦興學堂已及十年若使當時注力師範蒙小以迄於今校員當有取材高等亦已具階級惟其雜糅紛營遂致囂張凌亂及今不圖而慕普及之空名聽羣流之妄作更歷十年天下皆似是而非之學堂遂使天下成似是而

教育

考察政治大臣今兩江總督端方教育關係至重應就考察所及敬
 抒管見摺

三百八十三

丙午

教育

考察政治大臣今兩江總督端方教育關係至重謹就考察所及敬
抒管見摺

三百八十四

十二月

非之人格教育之途效力絕大可爲長慮或謂興學至急必俟師範畢業始有教員得毋遲
誤竊謂速成補習兩端此時自宜並舉要之須審定各門科學輯有定本成書初班畢業再
予推行萬不宜任其參差自爲風氣其他若女學若手工實業諸科并關急要皆宜立定模
範再令展轉滋生固非謂一切閣置以待師範之告成然決不能一時徧設致使宗旨之殊
異譬之絕大機廠製造之品甚多然各有模型均歸一律所謂模範辦法者如此一請明定
教育趨嚮以維萬法之本原臣惟國民者政治之本原也立國者法而行法者人守法者亦
人觀於東西各國已成之效而歎慕之因采其致效之法而仿行之無論其法之不能真合
也卽得其法而舉其事矣視其形式則是而察其精神則非一切舉辦新政彼能收富強之
實效者我止爲變革之空名是何也無行法之人則名存而實亡飾貌效顰而神乃不似無
守法之人則少數人倡舉之而多數人破壞之如是者雖百廢具興亦百興而百廢臣等所
至各國見其國之政治往往與其人民風俗之程度互相比附及交其賢士大夫與之議論
益深知其政策之行不能各國統一而微有所異同參差者非不欲盡趨於至美至善之一
域也實以人民之程度不均措施因之而微異而政法家探原竟委之說則無不以人民爲
政治之質而歸本於教育之一途蓋政治者造成治法之所也而教育者卽造成其行法人

與守法人之所也綜觀英美之民活潑而富於獨立法之民奮起而勇於有爲德之民精嚴而善於自治凡其所以致此者又因其立國之本原與其地位種種之歷史而教育大家因而善用之以練成其特有性質非可強致而亦不能強同顧其上下一體戮力同心以共趨富強而保父國本者則各國固有其同焉者存焉所同者維何則人民之道德與法律二者是矣道德法律者國家以之而保治安人民以之而成人格者也我國古昔聖賢儒先其所以爲人生道德之範者經訓昭垂炳如日月孝經曰非法服不敢服非法言不敢言非法行不敢行論語曰君子懷德君子懷刑皆所謂道德法律之自治也中國自秦漢以後學校之制既廢有國家者但求政治而不及教育唐宋元明大儒輩出書院學社稍昌正學而士人提倡之功不如國家效力之大厥後士子研經以科舉爲目的而聖賢克己復禮天下歸仁之道幾疑空談上下交習於欺罔教化式微矣經曰人心惟危道心惟微言乎天人消長理與欲恆不敵也西儒社會學說曰原人之性質爲自私自利不知合羣不謀公益之動物言乎民人非有教育不能成公衆立國家也兩說參觀謀教育者可以知先務之急矣德國學家之說其造就國民之道以盡義務守秩序爲統宗無道德心則偷情巧詐執肯盡義務者無法律心則放僻邪侈執肯守秩序者晚近教理不明國中人民皆自率其原人之性質圖

教育

考察政治大臣今爾江總督端方教育關係至重應就考察所及敬
抒管見摺

三百八十五

丙午

教 育

考察政治大臣今兩江總督端方教育關係至重謹就考察所及敢抒管見摺

三百八十六

十二月

私利破公益恣其人心之欲蕩然無復範圍數十年來我國舉行新政仿效西法犖犖十數大端豈無一部分之事業可以鞏固發達者而其卒也成效無聞甚者乃轉生流弊彼其糊辦之始亦未嘗不造端宏大謀慮周詳而奉行仍不免瞻徇用人塗飾耳目詐僞相習放棄自由揆厥所來不能不歸咎於社會之失敗蓋語以道德則固茫昧無知繩諸法律并不能斤斤自守幾令神州種族不復可與世界之國民相遇豈不可痛乃今之辦學務者曰將以求富圖強爲目的本之不務猶冀其枝葉之發榮詎可得乎今觀各省學堂之設久者或十餘年近亦二三年其校員執事或以情面之干求濫竽而竊吹或以薪脩之肥瘠暮楚而朝秦或以自便私圖而通融及於定則或因一人枉法而曲徇及於衆人於是有多歷年所而腐敗相沿不知其咎之安屬者其修業也既以爲虛名之可市其卒業也亦復爲屆期之例行蓋道德法律之不講所謂學界者亦必同歸於敗壞加以近日談新學者於聖賢律已治人之道懵無所知囂囂然吐棄一切創爲新道德之說矍然不靖蔑長上敦彝倫破律敗度而悍無顧忌無識之子靡然向風學術未興而人心先壞矣臣等歷觀外國學校自其童稚而尊君愛國之理深入腦筋若迷信然而其專精學業恪守準繩絕少風潮衝突之專心竊訝之及與教育家探求原理則謂一學生之地位亦須道德法律組合而成蓋學生之自

愛愛國卽其道德心而其力學守法卽其法律心自非然者雖有專門名師日日授之以高深之科學其心志之放而不收囂而不靖必無輸入學術之資格也然則今日中國之學務不言道德言法律而輒言富言強比之施雕琢於朽株飾丹雘於糞壤必無幸矣臣考歐洲諸國其教授兒童卽於德育一端再三措意其所指示於行己接物之道皆精詳密緻如有律例之可持循美國於小學中卽講求社會進化之理故其人最重於治身而以妨害公益爲不齒之事日本變法之初民志稍近浮動自教育家力主改良趨重德育大明其倫理心理諸學科而於高等小學近乃特增法學通論一門期之養成嚴毅自治之性質凡此方針真足以爲我國學界之藥石而起全國民人之沈疴臣嘗病今日談教育者動曰普及而不知持何物以普及之正本清源可久可大則道德法律之二端其庶幾乎擬請 敕下學部大臣速延中外正士通才依教育淺深之秩序纂輯倫理道德之教科以我國聖賢經傳爲綱而以中外儒先名言緯之其尤宜注意者則於社會現形應以深切著明之意爲哀痛警告之詞使種種腐敗之原因縷析條分如暮鼓晨鐘發人深省而教師生徒皆自知其惡陋之習慣實爲敗壞社會之一分子猛然有革故從新出死入生之趨向益以近年日本通用之法學通論比附我國情形爲詳備之講義責成各省提學使分飭官立民立學堂一律通

教 育

考察政治大臣今兩江總督端方教育關係至重謹就考察所及敬
抒管見摺

三百八十七

丙午

教 育

考察政治大臣令兩江總督端方教育關係至重謹就考察所及敬
抒管見摺

三百八十八

十二月

行定爲學堂第一注意之科學或者迷途未遠返道有期全國人格之增進庶可俟乎一請
核·定·學·堂·經·費·預·爲·普·及·之·基·礎·臣·等·遊·歷·歐·美·見·其·國·勢·隆·盛·者·無·不·由·於·普·及·教·育·之
功而教育之秩序則首先師範次即兩等小學臣等已詳晰言之矣夫兩等小學者即各國
所謂義務教育全國之民無人不於其中政府以強迫之法干涉之其所注意在國民之
資格與其謀生之技能西人稱之爲庶民教育學之者學爲人而已與中學師範以上學爲
官學爲師學爲專門人才者迥然判爲兩事故各國小學畢業而後兵農工商惟所執業其
升入中學從容以躋於大學者僅十中之一二異乎吾國科舉之階梯主義利祿目的至有
秀才爲宰相根苗之俗說也然則學途之區分以兩等小學爲一類所謂庶民教育者是以
中學以上爲一類所謂人才教育者是明乎此義則小學爲最溥最公之事師範既立必當
實行強迫俾無人不出此一途始足以備人格而前此大學堂之奏定章程所稱小學畢業
卽爲生員不免誤矣特是庶民教育旣以強迫之法行之期於無人不學而止以一州縣計
大者或十餘萬人小亦幾十萬人其年限則德國通例以八年爲期日本以增設高等豫備
科減節年限亦至七年幼童當就學之年而父兄不令就學或未卒業之年而父兄縱之退
學者皆有罰金無金者至以拘禁代之其或滿年之日而課程不能如格亦須經視學官考

察理由方准退學強迫之章程其森嚴也如此而彼中猶欲然有不滿之意蓋自未識之無以迄卒業僅此七八年學問無多知識有限其程度未爲高美也我國實行強迫之時其不能不同出一轍也審矣其經費則西人於庶民教育特加以義務之名臣等在德國時所聞教育家之講演不惟以不收學費爲至當不易之辦法且謂貧家子弟筆墨書籍不能自備經校長視學官查實應爲酌量籌給故德國全國小學經費均應由地方公款承辦力有不足猶以國家官款助之卽有富家樂輸亦均爲間接之收納在學堂則一律無二以昭均平蓋於義務二字公認公信一力擔任不稍諉也我國民力艱窘中人之產十不二三貧民子弟按期納費勢必以費艱而阻學民生因貧而失學因失學而愈益民生之貧任義務者謂之何矣乃臣考查各省兩等小學之設恆係生徒自費地方曾無籌定之款官力絕少仗助之資以是原因大多阻遏夫豈不曰創辦伊始籌措無方姑爲是權宜應急之辦法也獨不解夫中學以上收入年長少數之人在外國爲收取學費最重之處而各省現在之高等學堂高等實業高等工商業各學堂以及各屬中學堂遊學預備科各國遊學生往往盡以官款公款辦之學費既無收納之文至於膳飲寄宿紙筆書籍衣袴牀褥旅行醫藥沐浴梳篦一切任之通計各堂經費遊學經費蘇鄂粵各省歲糜官款十萬至百萬小省亦十數萬至

教育

考察政治大臣今兩江總督端方教育關係至重謹就考察所及敬
詳言見摺

三百八十九

丙午

教育

學部政治大臣今兩江總督端方教育關係至重請就考察所及款
詳管見摺

三百九十

十二月

數十萬其學科程度則與小學相去無幾其人則大半學年已過徒爲舖餒之謀其養成之學風則驕奢驚悍隨意所適抑且進退自由來去無定蓋其驕縱已極取求無疵故常不知艱難以爲分所應爾譬之紈袴子弟席豐履厚惟其所求鮮有能束身自愛者試移此款以辦輕而易舉之小學其拜嘉惠而蒙實德者不知幾千萬人矣夫小學之與中學以上各堂其爲事孰急而孰緩其獲益孰重而孰輕其受教孰廣而孰隘其程功孰近而孰遠而顧於彼則鉅款虛擲而竭蹶以圖於此則望澤孔殷而吝惜不予辦理洵爲失當擬請 敕下學部遴派專員分往各省將所有官款公款辦理之中學以上各堂常支活支詳晰查明呈報到部卽責成各省提學使向各該學生收納學費及膳舍各項費逐年加增按所收入將原有之官款公款逐次提存專爲義務小學之用如此則中學以上之官款公款年減一年而小學之官款公款年增一年然後統籌預算量收地方捐項以充其費庶幾強迫之法可行普及之效可企且使中學以上生徒漸次以出費求學稍知愛重學堂而徐革其驕蹇汰侈之習慣事故有一轉移間而兩得平均可以興利可以杜弊者此類是也一請訂定學堂冠服以壹民志夫冠服者表面之觀瞻民志者內容之情僞似劃然兩事不相附麗者也雖然內情之與外飾實有關繫之理而在我國今日則其關繫尤若有重焉者臣等愚昧所及竊

有所見用敢不辭瑣細而畢陳之夫各國學生俱有制服有徽章等級分明不容或紊自其淺義而言之則曰此以立標識便別認而已自其深義而言之則冠服定而後觀聽一觀聽一而後地位明地位明而後心志專心志專而後術業定譬之受持戒律必先披緇編隸行伍必先武服外觀改革則內情視爲轉移此學堂冠服各國所以昭垂定式而徵諸古昔則臺笠垂帶都人有威儀之思章甫縫掖國君來儒服之間其義一也自西學東漸數十年間海內靡然從風起居服御頗乃改易舊觀更從新製揣其所由一起於新奇之俗尙二出於便利之人情一唱而百和若有莫之爲而爲者其衣服冠履一端則西國人士之論說一以爲軍國之時代非西制無以振精神二以爲交通之時代非西制無以便交際三以爲機製廣布之時代非西制無以免危險四以爲生理發明之時代非西制無以合衛生五以爲人事繁蹟腦力觸發之時代非西制無以捷應赴而適機宜於是有謂人民強弱智愚文野勤惰之界從此攸分者至謂亞東守舊諸國其服飾之繁重博大足以阻進步而遏新機其言甚辯然竊謂民生精神之間未能振興改革獨取其形式之近似而汲汲更張取貌遺神誠爲目論且文學之士與兵工不同不妨暫事因仍以守中華之文物顧臣等嘗再三審度知其理甚正而勢則有所不行也人心之好尙旣不外於喜新厭故之常情而學人之識

教 育

考察政治大臣今兩江總督端方教育關係至重應就考察所及敘
詳見摺

三百九十一

丙午

教育

考察政治大臣今爾江總督楊奏教育關係至重應就考察所及款
并管見摺

三百九十二

十二月

力未高決不能舍皮毛而求精粹彼日聞西人誇耀其服制之高美既無不目奪神移又親見夫繁重博大之製於時變多未致宜則夫外說之先入爲主與內情之默爲轉變已無不共趨於棄舊謀新之一途而交通既廣凡商業之貿遷紳民之遊歷及夫各省選派學生留學於各國者又皆改易服裝以與其官商士庶相周旋幾入焉而與之俱化不覺歆之羨之而因而仿效之十餘年來學界之風尙固有然矣於是不待有改定學堂制服之明文而紛紛以西服爲文明以舊飾爲樸野一時之淺見幾以爲不改西裝不足言西學者地方官吏又以爲未見 國家功令則起而禁之乃禁者自禁而變者自變既非刑法之可強迫而宗旨奇表之輩則藉是以爲煽鼓之譏誣 朝廷以守舊之名謂政府卽不變國民亦當自變卽此區區學堂章服之一端而借以結合黨派陰用其蠱惑之謀各據上游而馳康莊一人倡言萬喙附和蓋憑藉之勢甚順而其響應之力因以大也臣愚以爲國家變法之事有先精神而後形式者亦有先形式而後精神者斯二道者於何決之則於國民之程度決之國民之程度既高則民生注意之事多在精神而不在形式如歐美列強同一富厚而幣制及租稅之法不必相師同一精強而操練及器械之形何嘗相襲如是者則變精神不必變形式國民之程度尙淺則羣流趨向所注多在形式而不在精神如彼得堡民暴動之要求祇

在議院之規制明治初國人之豔羨乃在立憲之虛名如是者則欲變精神不能不先變形式方今我國學堂既甫萌芽學界知識又皆幼稚一學堂章服之問題仍舊之與更新曾無當於宏旨顧使讒慝之徒借此以守舊之名加於我百度維新之君上而地方官吏之不肯通融者斷斷然施其禁令又不啻從而佐證其說適墮其鬼蜮之計而爲淵魚叢爵之驅且廣褻長裾律以學堂體操圖畫諸端實有不便其出於參差不齊也亦勢之所必然畫一整齊殆難言矣夫服色者 國家所有之權近年 朝廷銳意練兵軍界服式業已一律改變釐然煥然足以新萬衆之耳目而振一國之精神中外交推咸加欣慕足知形式一事效力未必全無今以學界競爭之心鼓舞之力初不減於軍事而顧聽其自爲制度參差不齊則何如 特頒明詔咸與維新使天下曉然於我 皇太后 皇上所以爲全國振作新機者無一固執成見之見因而曉然於讒慝之徒謂 朝廷爲守舊者一皆出於謗訕之心憑藉既失其術亦因以不行矣抑臣更有說者凡國家與民人之交際將有所奪必有所予禮記曰考文章易服色殊徽號此其可得變革者也親親也尊尊也長長也男女有別也此其不可變革者也方今邪說詖詞流傳學界苟欲實行教育一切裁抑激厲爲事方殷而顧以冠服一端爲衆情所歆羨者固持不下一旦爲奇袤所藉口則得失之數殊不足以相

教 育

考察政治大臣今兩江總督端方教育關係至重隨就考察所及款
抒管見

教 育

考察政治大臣今兩江總督端方教育關係至重謹就考察所及教
并管見摺

三百九十四

十二月

抵且如彼西人之說則服飾之棄舊謀新於現世情形不爲無益是又外人觀聽關繫所在因時制宜 聖心之妙用不必與環球立異者也一請嚴定遊學章程以培眞才查歐美各國互相遊學者率以某國專長某學科於本國卒業之後特往游學以廣聞見而益參稽而已其有吸取他國之學術以爲本國之教科因而進步大增臻於強盛者則首推日本願夷考日本變法興學之年游學於歐美各邦者其人數不及我國今日之什一乃彼以少數之人遠涉重洋風俗殊異聲氣不通不數年間而成效卓著我以多數之人近攬同洲種族相近文字直接多歷年所而輸入甚難其故何也日本於選派游學至爲慎重或取其腦力密緻或取其體氣強實或取其學識優長皆視其所學何門而取才務與之相副故其程格嚴又於國家所亟欲舉之政法亟欲興之工藝學術按班派遣一班之中分析科目各有擔任卒業回國卽予任事業無不修事無不舉絕無浪擲巨資爲汗漫之游者故其目的嚴各班學生選派之時文部特頒命令飭將教科之書口授之說參考之圖籍實驗之情形各人譯述成篇紀載翔實每一星期郵寄本國文部復加校閱按其詳略得失第其殿最卽予審定頒行故一班甫經畢業而教科講義已風行於全國之中遞爲推演成就多數之才其有譯錄惰廢於學術無所發明無所輸入者卽分別撤銷追繳其學費故其規則嚴我國游學之

弊害蓋不勝言矣普通之未解國文之未諳外國語言之未習官費者既以請託得資自費者違復檢查合格既無矜慎選材之意矣游而不學輟業而嬉者姑勿具論其或心豔虛名身循故事喜民校之規則縱弛閱數月而輒得證書藉以標幟高名侈談學務陋者不察輒相引重又或去來飄忽作輟靡常畢業者僅計年期後至者又循故轍其最高者稍涉語文獵躋大學選科雖復無定而得證仍自有期夫以卒業得證之要事而僅憑外交手段之抑揚監督既擁空名而不能實施其干涉學部未定規則而無由實驗其課程進其人而試之既無當其所學循舊例而用之亦不見其所長將以興實學得真才必無幸矣宜其流弊日滋不得其益徒得其害也始基已誤猶望補牢及今不圖將與終古擬請 敕下學部嚴定章程以後各省選派學生以普通卒業國文完美兼通外國語文者爲主不及格者無得濫派以杜情面請求之事其自費者亦一律考驗合格方予給咨其無咨者雖畢業不得有錄用任事之權利其選派班次除師範爲教育之本法政爲應用之才酌予多派外其餘理化工農醫學文科每派一班均按科目平均分配如鐵道一班則機械建築營業不容偏廢礦務一班則探礦開採工程冶煉必須兼資不得隨意重輕致多闕漏舊有學生亦爲之釐訂科目酌量增補不勝學業者卽予撤回認定學科者不得中改不得中輟至於肄業各生應

教 育

考察政治大臣今兩江總督端方教育關係至重謹就考察所及敬
詳登見報

三百九十五

丙午

教 育

參照政治大臣今兩江總督奏請查辦保至監獄就考案所及
打管見摺

三百九十六

十二月

按所肄科目譯輯講義按月呈送提學使首尾蟬聯不准間斷提學使詳加審訂記其分數呈報學部或優或劣卽爲該生之成績分別勸懲不得僅憑外國學校畢業證書爲據其畢業回國之學生高等以下各生由提學使按其學科詳細分門考試呈送學部復試給予出身大學專科研究科各生由學部按照學科詳細分門考試 奏請 廷試給予出身夫督察於平日者嚴則養之也豫考驗於臨時者確則得之也真如是而實學不興真才不出者無是理也要在學部暨各省提學使實力振興掃除積弊而已以上各條皆統籌全局規畫大綱不敢剽外國之形似而稍昧本原亦不敢泥固守之成心而務求切要欲以固國計民生之大本而立可大可久之遠模雖外國教育之道與日俱新名儒輩興研究改良動關精義要亦不外覘國民之程度定教育之方鍼損益用中隨時補救臣等所策畫者百年之中宗旨斷難改易尙求 睿謨獨斷毅然見之施行蓋我國興學伊始一切尙無定章雜糅參差大爲可慮羣言固宜博采而別擇須定於一尊敝法固宜改良而紛更則適滋雜亂安危之機至宜慎重凡高遠空虛之理想不宜嘗試於一行卽羣疑衆難之交攻亦當折衷於至當蓋外國行之有效者或不宜於我邦將來可以徐圖者或難施於今日尤冀 朝廷責成學部堂官遇事躬親考究毅力主持則學務之興計日可待謹 奏

民政部奏辦高等巡警學堂摺

竊查前經奏定臣部章程聲明巡警學堂歸臣部巡轄等因欽奉 諭旨允准在案伏維保安之用警政爲先造就之方學程最要現在整理內外城警政需用警官以下人材日多加以各省舉辦巡警多因任使不敷或咨請調員前往或電請派人來學尤非亟設高等學堂分科教授不足以宏啟迪而資應用當於四月間招集京外人員及舉貢生監並原充各項巡警考試共有六千餘人之多復派精通警學各員嚴加甄錄由臣等校核計挑入正取二百四十名副備取三百名先將列在正取者令入學肄習計分三科一曰正科授以高等警察及各項法律分六期畢業凡挑取舉貢以下及巡警入之一曰簡易科授以簡易警察以應急需二期畢業凡挑取各官員等入之一曰專科授以必修警察俾現有差各警員可及時來學分二期畢業凡各廳隊警官以下入之就原有警務學堂房院酌加修葺應有堂舍亦均粗備名曰高等巡警學堂延聘中外各科教習酌定課程以資講授查有二品銜分省補用道唐家楨堪以派充該堂總理並派臣部警學司員外郎熙棟總核該堂事宜提調以下各員均經揀派並酌設司書生夫役名額其經費等項飭令核實動用撙節開支業於本月初十日開辦至京師號稱首善學堂又爲各省標準現因款項支絀僅就財力所能覈者

辦理嗣後仍當籌增款項設法恢張以期學業日精成材日衆內足供京城之選用外能應各省之取求上副 朝廷設立專官保衛元元之至意謹 奏光緒三十二年九月十八日 奉 旨依議欽此

學部定立京外各學堂收取學費章程

第一節初等小學堂徵收學費每學生每月至多不得過銀圓三角並須體察地方情形暫時酌量免收 第二節高等小學堂徵收學費每學生每月自銀圓三角至六角初等實業各學堂酌減 第三節中學堂徵收學費每學生每月自銀圓一圓至二圓中等實業各學堂準此 第四節高等學堂徵收學費每學生每月自銀圓二圓至三圓大學預備科法政學堂高等實業各學堂準此 第五節大學堂徵收學費每學生每月銀圓四圓 第六節女學堂暫時免收學費其因經費支絀必需徵收學費者聽其按照程度比照各學堂酌減徵收 第七節師範學堂不收學費惟考取入學時每學生徵收保證金銀圓十圓俟畢業後發還 師範學堂許設自費生其額數視本學堂情形酌定須經督學局或各省提學使司核准 優級師範學堂自費生徵收學費每學生每月銀圓二圓選科減半 初級師範學堂自費生徵收學費每學生每月銀圓一圓簡易科準此 第八節半日學堂藝徒學堂

不收學費 第九節除師範學堂小學堂初等實業各學堂半日學堂藝徒學堂及女子各學堂外凡各學堂學生考取入學時應納入學費銀圓二圓 第十節學生所用書籍筆墨紙張石板及操衣靴帽等件由學堂代爲購備學生繳價具領其能自行如式購辦者聽學堂所用教科書籍宜預先擇定免致不時更換難於購備操衣宜用本地土布不得用貴重材料 第十一節本章程發布後京外各學堂新招學生除師範學堂外毋庸寄宿其因地方情形不便必須寄宿者應收膳宿費不寄宿而在學堂用膳者應收膳費膳宿費就各地方食用貴賤及各學堂情形分別徵收師範學堂所有各費一律免收自費生不在此例 惟半途退學者保證金概不發還並將在學日所有費用追繳其畢業而不盡義務者亦將在學日所有費用追繳師範生入學堂應邀請保證人到堂出具保證書其半途退學或畢業後不盡義務者該學生不將學費繳還應由保證人代繳 第十二節本章程所載學費或按月徵收或按學期徵收均聽其便銀圓數目係就新鑄銀幣未經通行之前言之得就地方情形以銀兩或制錢或銅圓照本地時價折合 第十三節本章程發布後京外各學堂添招新班一律照辦關於地方情形於本章程所訂學費必須增減者由地方官紳或教育會詳具理由呈請督學局或提學使司核奪辦理並由督學局提學使司彙報本部備案私立公立

各學堂收費與否及收費之數目應聽其自行酌定 入學在前之學生原係徵收學費者照本學堂章程徵收未經徵收學費者暫時酌量免收惟在堂寄宿之學生可酌收膳宿費

第十四節本章程發布後京外學堂應徵收學費所餘款項均應用之增加學額推廣教育其官立學堂原有經費亦不得撥作別項用款每學期將進出款項繕具清單呈由督學局或各省提學使司彙咨本部備核

學部訂定優級師範選科簡章

第一節優級師範選科之設以養成初級師範學堂及中學堂教員為宗旨 第二節優級師範選科每省設立學堂一所其學生名額至少須滿二百人 第三節學生入學之資格以曾由師範簡易科畢業或在中學堂有二年以上資格者為合格如此類學生一時難得應即考選經學中文具有根柢年在二十以上之純謹學生令先入豫科然後再入本科以期核實不合格者不得濫收 第四節優級師範選科課目分本科及豫科豫科一年畢業本科二年畢業

預科科目

奏定學堂章程於優級師範加習科及初級師範簡易科之科目均未列經學部所設優級選科與加習科及簡易科用意相同至優級師範初級師範之完全科不得援此為例

科目	每週點數	科目
倫理	二	人倫道德要旨
國文	三	講授及練習各體文
數學	八	算術 代數學初步
地理	三	世界地理大要
歷史	三	世界史大要
理化	二	理化示教
博物	二	博物示教
體操	三	普通體操
圖畫	二	天然畫
英文	八	讀方 譯解 會話 文法

教育

學部訂定優級師範選科簡章

四百一

丙午

本科通習科目

教育 學部訂定優級師範選科簡章

四百二

十二月

學科	學期	第一學年		第二學年	
		第一	第二	第一	第二
倫理	一	倫理學史	倫理學史	倫理學史	倫理學史
教育	三	教育學	教育學	及學 管校 理制 法度	教管 授理 法法
心理	二	心理學	心理學	心理學	心理學
論理	二	論理學	論理學	論理學	論理學
英文	五	英文	英文	英文	英文
日文				日文	日文
體操	二	普通體操	兵式體操	兵式體操	兵式體操
學期	每星期 點鐘	每星期 點鐘	每星期 點鐘	每星期 點鐘	每星期 點鐘

歷史地理本科主課科目

學科		學期		點期每星	第一學年	第二學年	第三學年	第四學年
學科	學期	學科	學期					
歷史	一〇	中國歷代史	一〇	中國近世史	一〇	亞洲各國史 西洋中世史	一〇	西洋近世史 歷史研究法
地理	八	中國地理 地誌 地論	八	各洲國分地 論理	八	各洲分論	八	地質 人文地理
理法 財制	三	理法 財制 學大意	三	法制大意 法理 法史	三	理法 財制 學史	三	理法 財制 學史
物理	六	力物 性 學論	六	力學 熱 學音	六	熱學 光學	六	磁電 氣學
化學	六	無機化學	六	無機化學	五	有機化學	五	化學 理論
數學	五	面代 幾數 何及 平	五	面代 幾數 何及 平	五	體三 幾角 何及 立	五	微解 積析 幾何 大意

理化本科主課科目

教育

學部訂定優級師範選科簡章

四百三

丙午

圖畫	衛生生理	礦地物質	植物	動物	學科 學期	博物本科主課科目		
						地文	實化 驗學	實物 驗理
二	二	一	六	六	第一學年		二	二
天然畫	生理	礦物通論	植物形態學 解剖學 實驗二回	動物各論 分類及比較 解剖	第一			
二	二	一	六	六	第一學年		二	二
天然畫	生理	礦物通論	植物解剖學 生理學 實驗二回	節足動物 軟體動物 鑷形動物 實驗二回	第二			
二	二	六	五	六	第二學年	一	二	二
幾何畫	衛生	礦物物理學 化學 礦物各論	植物分類學 實驗二回	棘皮動物 腔腸動物 原生動物 動物發育 實驗二回	第三	地文學		
二		八	五	六	第二學年	一	二	二
幾何畫		礦石各論 地相動力及歷史	植物之應用及對人生之關係	動物學通論 解剖學 動物進化 實驗二回	第四	地文學		

數學本科主課科目

學科	學期	第一學年		第二學年		第三學年		第四學年	
		點期	每星	點期	每星	點期	每星	點期	每星
物理	一	二	二						
化學	二	二	二						
數學	一	一	二	三	四				
理化	三	三	二	二	二				
天文	一	一	一	一	一				
圖畫	二	一	一	一	一				
簿記		一	一	一	一				

右表所列各科學生五十名如有不能勻配之處應即趨重理化博物二科以養成

教育 學部訂定優級師範選科簡章

四百五

丙午

現今最爲缺乏之學術

第五節由優級師範選科畢業之學生得稱優級師範選科畢業生有充當初級師範及中學堂教員之資格 第六節優級師範選科畢業生有效力本省及全國教育之義務其年限凡四年如有不盡義務者照奏定章程師範畢業効力義務章辦理

學部新定京內外官紳出洋遊歷簡章

一各省選派員紳出洋遊歷及京外員紳自請出洋游歷均應由各本衙門及各將軍督撫詳加考察確係性行端謹學有根柢年力富強不染嗜好平日於各項政治學術實業留心考察者始予給咨 一游歷爲考察政治學術實業起見自請游歷者應將所欲游歷之國暨所欲考察之事項預先呈明其茫無宗旨者概不給咨 一游歷必久於其國乃能確有心得凡自請遊歷者遊歷東洋期限不滿三箇月遊歷西洋期限不滿六箇月概不給咨 一出洋遊歷無論官派自請應親具願書將姓名年歲籍貫本身履歷曾入何處何項學堂曾否畢業現擬前往何國遊歷考察何項政治何項學術何項實業遊歷若干年月等情詳細開明此項願書應具三分一存給咨衙門一由給咨衙門咨本部備案一由給咨衙門咨行所遊歷國本國出使大臣 一京外衙門選派員紳出洋遊歷及自請出洋遊歷核准給

咨者應將核准情形暨該員紳願書彙咨本部備案其應免扣資俸者由給咨衙門咨明吏部備查 一自請遊歷員紳外官及在籍紳士具呈將軍督撫京官具呈本衙門聽候給咨其在京候選人員暨分省候補試用人員在京給咨者均應具呈吏部核辦 一學堂教員畢業學生自請出洋遊歷在外具呈提學使轉詳將軍督撫核辦在京取具同鄉京官印結具呈本部核辦 一遊歷人員既經給咨後因疾病及他項事故不能出洋或中途折回者應呈明緣由將原領咨文繳呈給咨衙門由給咨衙門咨明本部銷案 一遊歷人員由此國再往彼國應呈請先到之國本國出使大臣給咨前往 一遊歷人員應將遊歷情形考察事項逐日筆記歸國時呈請出使大臣給予咨文咨明原咨衙門 一遊歷人員回國應將所領出使大臣給予咨文並日記投交原咨衙門由原咨衙門將歸國日期並日記咨明本部備核 一遊歷人員如在外國品行不端玷損名譽或干預非遊歷人員所應與聞之事者應由遊歷國之本國出使大臣查明撤回並咨明本部暨原咨衙門辦理 一出使各國大臣應將駐紮國所有本國領有咨文遊歷人員到洋回國人數日期及在遊歷國情形按季彙咨本部

各省教育彙誌

京師○學部以京師爲各省表率亟宜開辦勸學所以資提倡特諭令督學局按照奏定章程擇內外城適中之處分設勸學所六處派員宣講以期教育普及○學部喬左丞樹柅大學堂李監督家駒聯合同人設立數學講習會附設音樂講習會借虎坊橋師範傳習所爲會所學科分爲三類一小學科專注意算術教授法二中學科講授算術代數幾何三角三高等科講授定列式解析幾何微分積分微分方程式適遇法四數法有志聽講者認定某科各自報名以便分門講授○派遣歐美留學生學費數目頗不一律近經學部籌定畫一章程咨行各省督撫查照其學費數目如下英則每月十六鎊一年一百九十二鎊法則每月四百佛郎一年四千八百佛郎德則每月三百二十馬克一年三千八百四十馬克俄則每月一百三十五盧布一年一千六百二十盧布比則每月四百佛郎一年四千八百佛郎美則每月八十圓美金一年九百六十圓美金每年均照西歷計算不必計閏若新派學生未入專門尙在豫備者每月減去五分之一○學部以各學堂長爲全堂代表非學識優長者不足以膺此任近值整頓學務之際尤須認真查考以杜濫竽爰飭督學局將各學堂長嚴加查核如非學堂畢業及不諳學校管理法者卽行令其自退派員接充不得含混搪塞致礙學務○廣東旅學堂已於九月下旬開辦

直隸○留學日本武備卒業生前經政府向日政府交涉雖已許入聯隊及士官學校然限於額數終患高等之教育未能備及故練兵處奏定在直隸特設通國高等武備學校一所額數在千名以上除挑選北洋速成武備卒業生入校肄業外分咨各省考取之畢業武備學生咨送肄習校所借保定武備速成學堂房舍略加擴充而保定速成學堂則另移他處云○天津白塘口圓通觀道士董本安因聽勸學員演說興學之益願將廟產田地三十四頃全數捐充中小學堂經費稟由該縣章大令轉詳直督袁慰帥飭清丈局查收並准充作該學堂董事以資照料又天津縣屬楊柳青地方向

無工業學堂湖北試用道石觀察元士等因即公籌開辦由各地戶歲入田業項下每年籌集銀千圓作為常年經費暫就藥王廟內設立校舍名曰天津民立第三藝徒學堂另籌銀二千圓以備改建校舍置備圖書等項學額六十名專招貧民子弟分班授課除暫行實習織布外並課以修身國文算術手工圖畫習字體操等科已稟奉直督袁慰帥批候咨行學部立案○天津河北地方有廣濟補遺社集合各款專為恤嫠之用由高孝廉樹南經理今改為民立第二藝徒學堂教育嫠婦之子額設四十人課程除修身國文算術體操外兼教以織紡粗淺工業俾畢業後養贖有資能以自立已稟由工藝總局總辦轉詳直督立案○大名鎮把總史君蔭棠等集資公立巡警速成學堂就鎮署東偏公所房屋作為校舍額設五十名共分四班每日堂課分為五項一操法二警學三律學四漢文五自習以八箇月卒業稟奉直督批准已於五月開辦○密雲縣初等小學已屆三年畢業即接辦高等小學以備畢業各生升入肄業由前奉天將軍增瑞帥歲捐銀千兩以作常年經費廂黃旗漢軍監生張君九連捐助房屋地基以作校址已於七月初旬興工由于副都統奏明立案○武清縣紳趙君景岐前曾報效地畝充作學堂經費近又續捐地二頃零五畝添助學款兩共值銀一萬八千三百十五兩有奇已由盧提學詳奉直督批准奏請優獎以示鼓勵○大直沽學董李樾香創設普及學社專課貧寒子弟白晝照常營生晚間入堂肄業已於十月初旬開辦

奉天○奉省法政學堂已於九月開辦學員六十名以二年卒業每員月給津貼銀十兩卒業後分上中下三等上由將軍保升中等派充要差不第僅給卒業文憑

河南○宜陽縣紳胡君鼎山以該處學堂尙未完備即將祖遺產業全數捐充學堂經費以開民智已稟由該縣詳請獎勵○桐柏縣已由紳董設立勸學所

教 育

各省教育叢誌

江蘇○兩江學務處前會議設四區初級模範小學業經詳准前署督周玉帥現奉端午帥札委梅觀察光遠兼辦四校模範小學而二校三校房舍適已工竣因即先行招生於十二月初旬開學云○松江郡紳耿君梅捐洋百元購備各報及書籍等物在西門外嶽廟之太虛亭設一俱樂部以備學界中人逐時研究已於十月下旬成立○上海國學保存會設立藏書樓一所所貯書籍全由發起人及各同志捐贈已於十月開辦

浙江○杭州高等學堂附設音樂講習會分尋常高等兩科已於十一月開辦○浙江鐵路公司所設鐵路業務學校近已開辦○甯波錢業商董設立錢業中等學堂俾各莊學徒暇時肄業現近經議定捐款大莊百元小莊五十元存放生息以作常年經費已於十月開校

湖北○江夏縣楊大令近擬在東鄉設學三區南鄉設學三區北鄉設學四區以宏教育當即籌撥款項發交學董承領以備擇地創造學堂

四川○川省前於寶川局內設立農政總局提倡農業曾經奏明在案近由藩司許方伯更請建立中等農業學堂並闢試驗場一區以資練習川督錫清帥當即擬准照辦先就各屬高等小學堂內挑取合格生入堂肄業定額四十名學科分豫科本科一俟普通卒業即授以蠶學新法漸及於農田樹藝畜牧諸科○川省教育總會現已成立公舉吳全奇為總長劉辛父為副長○打箭爐軍糧府武司馬興設饅邊漢夷大同學堂共招漢夷學生三十七人暫借禹王宮廟宇設堂開辦功課分藏文華文體操算學諸科云

廣東○番禺職監王頤年捐助法政學堂經費銀七萬圓已由前署督岑雲帥奏請以道員雙月選用並賞給二品頂戴及給予三代正二品封典以示優異○廣州觀音山麓三元宮道士報効田產撥助學費經前署督岑雲帥奏請獎勵現

由部遞到 御賜匾額文曰葆光勵學已轉給該道士摹勒懸掛○嘉應梁君揆通等創辦樂羣師範學堂近已擬具章程稟奉于提學批准立案

廣西○潯梧兩府屬養蠶種桑日漸發達由前撫林贊帥飭在蒼梧縣之長洲地方開辦蠶桑學堂挑選潯梧兩府青年學生五十名入堂肄業其常年費即由包繳絲稅加餉項下提用

貴州○黔省學務處早經設立現特遵章改爲學務公所將學務處裁撤已由前署撫岑毓帥奏奉 硃批學部知道○黔省原設高等學堂後改豫備科前署撫岑毓帥蒞任之後詳加試驗以學科既太簡單學生又復鮮少不足以收實效爰即飭改師範學堂就原有學生並另行招考合爲百人令其肄業又附設一高等小學堂定額五十人現均一律奏明立案

蒙古○察哈爾駐防旗營生計艱窘非創興實業不足以圖補救都統溥都護爰選擇旗丁五名派往天津實習工藝廠學習織染等科一面擇地建屋作爲工廠以期畢業回察遞相傳習

各省游學彙誌

京師○練兵處派陸軍學生赴日本留學現已定議今歲暫先派送七十人以後歲派百人由各省咨送練兵處考驗合格然後派往

直隸○法國政府每年願費三千佛郎請中國選送北洋大學堂學生及軍醫生赴法留學直督袁慰帥已選派陳任二生前往

奉天○將軍趙次帥以奉省礦產甚富開採需人特派法文學生李兆瀛前赴比國學習礦業一俟畢業即行回奉辦理

礦務

山西○晉撫恩藝帥會商司道籌撥公款萬金挑選大學堂預科畢業生三三十人前赴美洲肄習鐵路礦務專門以便他日學成歸國興辦全省路礦

浙江○紹興東湖通藝中學堂開校以來已經五年頻年高材生保送出洋者頗不乏人近又保送該校畢業生許雲翔前赴日本警視廳學習警察又有陶生延林在東湖肄業有年乙巳春申送高等學堂茲又決計東游學習完全師範業由東湖學堂資助學費保送出洋矣

廣東○香山陳君俊懷於一千九百六年西七月卒業於美國芝加哥之國立醫學堂旋入省立醫學衛生局考得醫學博士學位

各省報界彙誌

京師○京師報界近日頗有進步計先後出版者共有八種一京話廣報二星期畫報三憲法白話報四警世鐘五醒報六中外大事報七愛國正宗報八中華彙報

直隸○長蘆運司陸都轉嘉穀近於署中設一啟智閱報社並於每星期日派人演說時事以開民智

奉天○日本商人某君近為開通風氣匡助時事起見特籌資本於奉天省城大東門內設立報館一所名曰盛京時報業於九月初旬出版

吉林○候補縣丞劉君德等以推行新政首在風氣開通而尤須濬發民智吉省民風固閉不諳時勢轉瞬商埠大開列強屬至恐致物產實業事事被奪其阻撓新政者抑猶未矣特議籌集資本一千圓創辦吉林報以主持清議摘發狡謀

務使全省人民皆曉然於中外之情形政治之得失以期推行新政共禦外侮業經稟奉將軍達驛帥批准開辦並擬俟辦有成效再行分設支館以圖普及

湖北○馮王二君前在武昌創辦崇實學報出版以來銷路頗暢二君因擬籌集鉅款添辦日報不日即可出版
廣東○粵人某君集資在省設一國民日報以喚醒國民精神發起愛國思想爲主義宗旨堅定言論切實其說部名有所謂談諧諷世雙管齊下尤令閱者拍案叫絕已於十月十五日出版

僑民興學彙誌

爪哇華僑近因各埠華人所設學堂日多風氣不齊事權難一特議於爪哇設立總學會星架坡檳榔嶼等埠各分設學務公所當由粵省所派南洋視學員劉大令士驥稟請前署粵督岑雲帥核辦雲帥以該商等此舉深得辦學要領至堪嘉尙惟現奉學部新章各省應設全省學務公所各州縣則設立勸學所以示區別海外華僑辦學自應查照部章辦理特飭將爪哇總學會改爲爪哇全島華僑勸學所由粵選派總董兼視學一員其星架坡檳榔嶼兩處亦各分設勸學所一區卽派副領事梁丞廷芳充星所總董胡道國廉充檳所總董並酌派兩埠總視學一員以符定制而昭畫一除批示飭遵外並札行提學使照章刊發勸學所鈐記以昭信守該僑商等奉飭後遵卽如批分別辦理並遵學部所定勸學所章程於檳榔嶼設立師範傳習所以養成教員爲普設小學之預備業已擬具章程稟准粵督開辦○爪哇島泗水埠僑商張君濟安等以南洋各埠於不在祀典之祠宇迷信極深檳榔嶼新建極樂寺費三四十萬金星嘉坡重修粵海廟費十數萬金檳羅大伯公廟迎神賽會糜費輒以數萬計近且聞有一富人捐資二十餘萬在附近叻坡建佛寺者此雖民智未開有以致之然苟正道昌明則異教亦莫能自存更何患爲淫祀所惑特集成鉅款在泗水埠籌建孔子廟以示華

僑信仰之則業已稟由岑雲帥批准奏明辦理並飭仿照內地團橋壁泮規模遵式建造又札飭視學員及總領事訓習禮儀率諸華學董學生春秋致祭以隆祀典聖道南行此爲先路矣

各國教育彙誌

韓○韓國豫算明年教育費約須三十萬兩京城及各處普通小學校應須增設者共二十五所擬卽以此項中之十八萬圓爲開辦經費

日本○日本文部省於本國義務教育酌加長期後卽將兒童就學年齡決議提早今據該件所規定者乃從明治四十年起每年以西四月至六月底止所有兒童年滿六歲者其體力智力均已長成美善卽於是年四月一日起令其入學云○富山縣人巖田大中發起在富山市旅館町創設孤兒教育社會以集合全國各慈善家獎勵其養育孤兒之中等教育並補助學費爲目的其實行方法凡藥業所餘之利益須全部撥充補助費如在中學校或與該學校程度相等之學校每人每歲補助學費五十圓○庫頁島南部可爾散哥由日人設立之公立小學校已於西十月一號開校該校教育較之日本東京各校毫無少異聞其所定方針擬尙須設置實業學校專教以製造罐頭魚類之學云○古川銅礦公司捐款一百萬圓以備在福岡仙台北札幌等處建立學校之用

財 政

論中國於實行立憲之前宜速行預算法 節錄丙午九月二十日南方報

今之策財政者。莫不曰中國貧甚。中國貧甚。朝廷行一新政。則曰經濟困乏。舉一要事。則曰無款可籌。於是飭各省督撫籌經費。飭各省藩司提公款。非曰增釐加稅。即曰開捐募債。彼督撫藩司。莫不咨嗟太息於庫款之支絀。欲不籌則。朝廷之待用。奈何。籌之則小民懼。無以應。於是不得不哀號於民曰。小民具有天良者。又曰食毛踐土。又曰踴躍樂輸。彼小民者。日受在上之需索。而不知其所以用之也。則不能無疑。以爲我民之供其上者。賦也。課也。稅也。各項雜捐也。不可謂不鉅。而曰困乏。困乏。朝廷得毋濫用乎。妄費乎。政府日用凡幾。月用凡幾。未嘗有所報告。收入若干。支出若干。未嘗有所揭示。用之何途。取之何地。亦未嘗有所宣布。則小民不得不因疑而生妄測。因妄測而供給其上之熱心。亦因以減少愛力。亦因以薄弱。然則政府今日舉行新政。而無待於籌款也。則已。如有待於籌款。則非先行預算之法。不可。籌款而無待取之於民也。則已。如欲取之於民。則非速行預算不可。所謂預算者。國家豫定收入支出之大計畫也。蓋國用之收入。收入之於民也。收入自民故。

財 政

論中國於實行立憲之前宜速行預算法

二百五十五

丙午

不能不求民之允諾。欲民允諾不能不示以信用。預算者示民以信用之契據也。國用之支出亦以爲民也。支出爲民故不得不邀民之許可。欲民許可不得不受其監督。預算者授民以監督之憑證也。就各國國法上性質言之。君主對於行政官廳發布會計訓令之時。議會必先預計承諾政府收支之數。而其證明之法。卽爲預算。蓋國家爲極大之經濟團體。其會計上之組織不能單純。故非預立一定計畫以指明其收支款項之數。與其出入之途。則不特國家財政有糾紛錯雜之患。而以政府權力之強大。不加監察亦必不免浪擲濫費之虞。故各國於歲入歲出皆有預算。而又必求議會之協贊者。蓋有深意存焉。日本最爾小國也。其歲入多而民不怨者。以有預算得民信任故。茲將日本組織預算法之綱要略舉於左。

一、預算法之編成。編成預算法之權專屬於政府。而預算法之規則則有憲法及他種法規以限定之。預算約分二類。一、經常預算。一、臨時預算。臨時亦分二種。一、追加預算。一、特別會計。追加預算者。總預算編成後。遇有緊要應用款項。而必須提出者是也。特別會計者。因有特別需用。而爲法律所特定者是也。此外尚有預備費。分第一預備費及第二預備費二種。第一預備費爲補預算之不足而設。第二預備費爲預算外必要之經費而設。預算之性質大要不外此數者。至預算法編成之順序。則先由歲入事務管理廳。撰定每年歲入概算。

書。各省大臣。撰定每年歲出概算書。比較前年預算之數。而聲明其增減之理由。然後呈送大藏大臣。大藏大臣據以撰定歲出入總概算書。提出於閣議。各省大臣據閣議與概算書。考核該省所管有之經費。而撰定每年預定經費之要求書。送交大藏大臣。大藏大臣受而考查其歲入情形。以編定預算案。要之預算案於歲入預算則當申明預算之性質於歲出預算則當申明預算之目的。此其大較也。

一預算之定議。預算之發案權固專屬於政府。議會不得與聞。而其定議之權則惟議會。有之。故政府既編成總預算。須於議會開會之始。先提出於衆議院。預算案以外之法律案

貴族衆議兩院執先執後可以不論惟預算案必須先提出於衆議院以有憲法第六十五條之規定也衆議院即分給各議員約日開第一議

會。命預算委員審查之。審查訖。報告於衆議院。或徑決定。或須修改。先移交於貴族院。貴族院使該院委員審查。以待報告與衆議院同。如得同意。則奏上之。若貴族院尙欲修正。則必還移於衆議院。倘兩院之議。始終不能一致。則開兩院協議會。其規則與他種法律案相同。定議之次序。大略如是。蓋兩議院以無預算之發案權。故對於預算案。有廢除及削減之權。然亦不得任意以行。蓋有三種限制焉。一憲法上大權行動既定之歲出。及法律上屬於政府之義務歲出。不得任意廢除削減。二皇室經費。依現在之定數。由國庫支出者。除要求增

額外不必求議會之協贊。三政府因有特別要需。提出預定年限之繼續費。已得議會協贊者。此後不必續求協贊。

三預算之效力。預算雖得議會之協贊而成立。然當未經君主裁可之時。則絕無效力。故欲生羈束行政官廳之效力。必視君主之裁可爲斷。夫所謂預算之效力者。何在乎。在乎支出一方面而已。其關於收入一方面。則法律之效力不生。政府除募集國債。必經議會承諾外。不受預算之限制。是以實際之收入。雖或溢出預算。或不及預算。或於預算款項外。更有別項收入。亦不得謂之違法。竊嘗論之。收入之所以無預算效力者。非政府不受法律約束也。蓋各方面之收入。已先有各種法律之規定。故預算雖無效力。而政府自不致有無限之收入。至於支出。則其途甚雜。非有預算以示限制。頗難核實。故日本之預算法。於支出一方面。有強大之效力。足以拘束政府種種之使用。其說約分爲三。一政府支出。不得溢出預算額。及所定目的之外。若有不得已之費用。則當取資於預備費。然且以法律嚴爲限制。事後亦必求議會之承諾。二政府既不得有預算所定目的以外之支出。故雖於指定各款中。時有有餘不足。然亦不得彼此挪用。三倘有溢出預算。及所定目的外之支出。而不能以預備費供給者。則政府除提出追加預算。及藉勅令爲緊急處分之外。更無支出之方法。

四。預算之不成立。政府於會計年度開始以前而預算費尙未議定者稱之爲預算不成立。其情形有六。一爲議會不應召集之命。二爲議會不肯議定預算案。三爲議會議預算案未畢而會期已訖。四爲衆議院解散。五爲兩院之決議不能一致。六議會不遵憲法第六十七條所規定。未經政府同意而強行廢除減削歲出費之時。以上六者苟有一焉則預算即不能成立。若是則政府於財政上幾有一步不能行動之勢。故憲法又特許政府於預算不成立時得沿用前年之預算。若前年之預算亦未成立則得沿用再前年之預算而政府於此乃稍得便利焉。

由是觀之。預算之要點全在經常預算與臨時預算之分。而特別會計所以備要事特定之用。追加預算所以備意外無定之供。又有預備費以爲之補助。則組織之機關於是乎備。而預算案編成之權限其要點在發案權與定議權之分。發案權屬於政府。定議權屬於議會。政府對於預算費常有要求增加歲入之意。議會對於預算費常有要求核減歲出之心。因之政府議會時起爭論。然若文化大進。民格日高。則此風亦不難漸息也。

日本預算案之性質及其辦法大略如此。此其所以國無妄費而民咸樂輸也。我國當此財政困乏之時。又值與民更始。需用浩繁之際。而欲彼此相示以誠。無稍猜忌在上者。取之有

方在下者供之有道則非速行此預算法不可然預算法須經憲法規定議會協贊今我國憲政未行議會未立果將依何法以行預算乎不知預算之發案權既操自政府則凡所有收入支出各款經常特別各項必須報告全國自不致有出納極濫之弊即使編成之預算案我國民有不能承認者議會雖未成立而既有議定權之性質則監督財政爲應盡之義務我國民自可公舉代表向政府要求增損初不必俟憲法頒布而始行預算法也況預算法開始編纂必多缺憾日本亦屢經改良方臻完備故中國行預算法必俟數年以後始克就緒屆時議會亦必成立應付可以適宜而其基礎則必定於數年以前故記者以爲今日仿行預算法不可須臾稍緩者此也。

夫國家猶大公司也。公司於一年出入款項必預爲核算。以定明年進貨消貨之數。若不加稽核而用之無度。則未有不周轉不靈。而至於虧耗倒閉者。況國家之經濟團體大於公司百倍。而顧可以無預算乎。惟中國財政向稱糾紛錯雜。今驟欲清而理之。勢頗不易。國家每年收入若干。支出若干。收入於某處某款若干。支出於某處某項若干。某事應增若干。某事應減若干。我政府國民果能一一詳悉而周知之乎。不詳悉何以編案。不周知何以定議。勢必妄有增減。妄有要求。雖初行預算時代。議員與政府衝突。各國恆不能免。然若財政出入

之多寡未悉使用之當否未悉以此而起衝突則調停難而判斷無從勢必不堪收拾是亦不可不預慮者然則今日欲速行預算必先以調查財政爲第一要義調查之法政府宜於各省設立財政調查局各地方紳士宜設立公產調查局將各地方所有正供及一切納官雜費與夫興學練兵警察凡舉辦各要政支用款項無不詳細調查以爲他日議決預算之預備然預算之範圍甚廣關係極多非調查財政一端所能盡卽就支出一方面言之則一切政務上費用必先明悉各項政務之性質辦法而後始能斷其應支若干故吾人於調查財政一事應注意者尙多然則我政府而欲盡編算預算之權能也不當僅注重於財政一端我國民而欲盡決議預算之義務也亦不當僅研究財政一端蓋有斷然者矣

財政處戶部奏續擬歸併各省銅幣局廠辦法摺

竊臣處臣部前經奏請 欽派大臣前往各省歸併銅幣局廠並酌擬辦法十四條欽奉諭旨著派陳璧前往考查辦理欽此欽遵在案臣璧奉 命之下遵將奏定歸併事宜與臣等悉心規畫所有酌留裁併各局廠一切部署承接事體極爲繁重自宜逐細預籌周妥以便次第施行查原奏辦法第十四條內聲明如有未盡事宜及應行更改之處由 欽派大臣會同臣等商定奏明辦理等因現經詳加審酌謹就原奏所陳細爲推闡續擬辦法四條

財政

財政處戶部奏續擬歸併各省銅幣局廠辦法摺

二百六十一

丙午

會同商定恭呈 御覽 一酌留局廠原有之總會辦等經此次查考會同督撫加札委用後廠中一切事宜均責成該總辦等妥慎經理其由部派充各該廠會辦司員專司監查遇有廠內應行呈報事件仍會銜辦理 一裁併局廠派司員一人前往接收除廠屋機器能否改作他用應由該省自行酌辦外其銅鉛物料令該廠查明開列清單會同該司員點驗後即由該廠派員運交歸併之廠所有料價運費均准作為裁併省分之成本至該廠如有挪借公私款項裁併以後亦應由該省自行清理 一結算餘利應以一年為一屆每三個月總結一次按照鑄成銷售數目應得餘利若干核明照章分撥不得預行提用溢支致有虧累其廠中應分花紅仍存俟年終再行分派 一近來各省局廠購買銅鉛均係報明臣處臣部由各省自行購買惟價值漲落無常有時各省爭購商人遂可擡價居奇成色價值參差不一應由臣等札飭津海江海等關道會同該處商會隨時與商人考查市價按月電知臣部俟各省購用時即由臣處臣部代為電購並由該局派員會辦以期周妥 以上各條如蒙 俞允即咨行各該督撫遵照此外所有未盡事宜應由臣璧至各省時體察情形再行奏明辦理又此次歸併局廠係整齊幣制統籌兼顧之辦法前經電商鑄幣省分各督撫意見大致相同現雖由臣處臣部居中調度仍賴各疆臣協力維持是以臣等前奏已經

聲明總辦各員會同督撫札委嗣後廠內事宜由總辦等分報臣處臣部及該管督撫批示辦理各等因將來歸併接收以後仍應由各省督撫就近督飭稽查以資整頓並請旨飭下各督撫一併遵照辦理謹奏奉旨依議欽此

會辦稅務大臣唐繼堯會奏官運物料擬請一律徵稅摺

竊照總理各國事務衙門定章凡官設局廠所用各機器自光緒九年起均不准免稅其所用物料於進出口時由經理之官商在未起下之先親赴監督衙門開單呈驗由監督給起貨專照持赴稅務司處換領起貨准單方准免稅至結底各該關稅務司按照所載貨色估價免稅具報總稅務司等語歷經遵辦在案惟查近年來各省免稅之案紛至沓來無論夾帶影射等弊在所難免即使事事覈實而以各省分計之於每物應納之稅所省亦屬無多以公家統計之則於每年應收之稅爲數實屬不少查從前各海關免稅銀數據總稅務司摺報每年不過五六十萬兩三十年分則已增至一百餘萬兩自三十一年二月二十七日一百七十九結起至本年三月初七日一百八十二結止一年中計共免稅銀二百四十餘萬兩之多似此歲益加增漫無限制殊於稅務大有關礙本年六月間兩廣總督以商辦粵漢鐵路物料及學堂儀器材料先後電詢應否免稅均經臣處復令照章徵稅在案因思官

財政

會辦稅務大臣唐繼堯會奏官運物料擬請一律徵稅摺

二百六十三

丙午

上海銀行任意欺混與倫敦大相逕庭中國賠款以規銀在上海銀行合便士之價則每兩規銀所作便士較少若以規銀合倫敦便士之價則每兩所作較多今就日報所載四月初一日倫敦上海市價比較之倫敦銀塊每盎斯價三十便士零八之三若將上海規圓銀一兩以一一八二乘之應得二先令十一便士零三二五然是日上海銀行掛牌價目則規圓銀一兩作二先令十便士零五若在倫敦結價並無喫虧若在上海結價則每兩喫虧一便士四零三二五譬如還外國一萬鎊之款在倫敦結價祇須上海現圓銀六萬六千八百五十二兩三錢七分若上海結價則須交七萬零四百八十四兩五錢八分實喫虧三千六百三十二兩二錢一分似此無形之虧累總而計之不下數十百萬念之可為寒心查其易於欺朦之處則在倫敦大條三十便士零八之三乃合英國銀幣與盎斯之價上海銀行掛牌所作二先令十便士零五乃是合中國規圓銀每兩之價英國每盎斯約華秤八錢餘本位不同作價自異故外人上下其手中國無從知悉此則中國賠款以銀合英國便士喫虧之實在情形也或謂倫敦上海市價本自不同中國賠款既在上海交付自應照市價不知賠款以銀購買英國金鎊交還各國係照倫敦之價則以中國規圓銀合英國便士亦宜照倫敦之價自不待言查日本於倫敦市情每日皆有專電中國似宜仿其辦法日日電報則無

財 政

戶部奏請覆給事中左紹佐奏購買金鎊宜照倫敦市價片

二百六十五

丙午

欺詐朦混之弊而數十百萬之虧累亦可免矣中國民窮財盡方當百事待舉之時更何堪此無形之巨虧使天下之脂膏元氣受朘削於冥昧而不覺乎且此等皆商人所爲並不出各國政府之意於邦交毫無關涉款項太巨民力幾何不可不設法挽回應請 飭下部臣妥籌辦法以免虧累等語臣等當經札行江海關道並上海臣部銀行按照該給事中所奏各節詳細查覆去後茲據辦理上海戶部銀行候補四五品京堂陳宗媯呈覆查該給事中所陳大概據報紙之言惟是賠款事關重大不厭詳求當即商同委員經理人等悉心考核廣爲延訪猶恐口述未明復託上海各銀行如匯豐正金花旗華買辦等分別開具說帖節略較爲詳備查原奏各節扼要之處只在買鎊宜照倫敦市價一語中國既無現銀在彼又無裝銀前往層層煩費徒取虧折之理若謂上海交銀結鎊而遙按倫敦市價則各國必不能允因各處商務市面時有衰旺銀根多寡不同卽銀價不能無異有如京津上海匯票往來同一用銀票價尙時有漲落勢不能強商號以在上海交銀遙按京津銀價結算其理相同可以印證復查賠款議約原有或用金鎊電匯或照溫司銀價付銀兩項辦法嗣仍用金鎊電匯自係循照歷案辦理現既查明照溫司價付銀毫無利益且不免更有虧耗自未便輕議更張至原奏謂日本於倫敦市情每日皆有專電中國似宜仿辦一節日本在西洋各

國大埠設有銀行商務較多每日專電自非空耗電資中國現在情勢不同仿照日本電報倫敦市價之處似應稍遲再議又據江海關道瑞澂呈覆還款用電匯與用溫司銀價相差改籌辦法誠不宜緩然有數難公約賠款或照倫敦市面銀價用銀或以金錢期票及電匯票應聽各國自擇此等辦法業於上年由外務部與各使議定若廢其自擇之權商令改照倫敦銀價彼政府能否允行毫無把握其難一俄國賠款約佔全數三分之一先願按溫司銀價八百五十三兩五錢七分之數照收規銀旋因各國出而阻撓謂未扣除水脚保險等費應再減扣百分之一否則俄國獨佔便宜不允公同畫押當與俄銀行再四磋商允減百分之零五果能照辦則三分之一尙得幹旋虧耗銀一千三百餘萬兩此外日斯巴尼亞葡萄牙亦願用銀不無稍有裨補孰知甫與訂定而匯豐銀行又設法梗阻致俄使遽翻前議改用電匯今卽許以不扣脚保各費商令改收規銀縱俄人允從而羣國必來詰責其難二此項賠款金鎊互換照會內聲明不拘由中國在何處向何銀行任便擇價購買我於各國京城果設有銀行原不難用銀條按倫敦銀價結付今設以外洋無銀之故由出使各國大臣經理此事並每期由滬提前備足規銀運往換兌倫敦銀條購鎊匯付似亦足以達我溫司銀價之目的然而運銀至洋與就地行用有別勢不能不聽憑運抵處行商批估此中卽

財政

戶部奏請鑒給事中左紹佐奏購買金鎊宜照倫敦市價片

二百六十七

丙午

有估費折耗又在所不免加以水脚保險各費照匯豐所云竟須費至百分之二三二五八爲數亦屬不資仍恐所得不足償所失而重洋轉運雖經保險難免不逾期誤事其難三卽或中國紋銀選擇極高可免批估折耗而脚保等費亦俱商減無須百分之一三二五八之多運銀至洋於實際不無裨益然上海爲通商總匯銀根向不敷周轉以銀向銀行購鎊銀行旋卽將銀拆出市上賴以流通今每期輒須裝運一百六十萬之數出洋恐不出數期銀根驟緊市面岌岌可虞無法以持其後其難四如謂用溫司銀價祇須與各國議准卽可將規銀交上海銀行兌收毋須運現可免以上種種困難不知收銀者係上海銀行收鎊者係各國政府我不給銀行以匯水彼豈肯空手効勞各銀行不肯代匯各國政府何從收鎊我如給以匯水彼必仍按電匯金價之例加索與現在用規銀向各銀行逕購金鎊電匯各國辦法不甚差池毫無補助其難五有是五難固不敢妄議更張而各國擇用之電匯票及期票旣由公使與外部訂議在先賠款又爲賠償各國政府之項係由道逕匯外洋本與商家銀行無涉不過我無銀行在外洋遂不得不向外國銀行購匯實則現在辦法甲國之款可託乙國銀行匯寄在匯行無甚權力僅能薄取匯費卽與商改用銀彼必以無權推諉等因覆呈前來臣等覆核無異理合附片呈明謹 奏

光緒三十二年秋季各海關收稅總數表

據海關報告本年秋季所收稅銀共計關平銀九兆一億零三千六百二十四兩二錢六分六釐除支一萬四千三百六十四兩一錢五分五釐外共得贏餘九兆零九千二百六十兩一錢一分一釐較之三十一一年本季實增三億五萬九千六百三十七兩六錢二分三釐上海一港亦較去年本季大有進步共收三兆三億三萬二千零九十六兩三錢五分其他各港則與去年大畧相同雖各處商務無甚發達而口岸商業之較上年增進者已無慮二十處且本年兌換之價較去年大漲故海關入款因以加多若舉數年來之貿易情形互相比較則知中國之商業亦未始無進步也按光緒二十六年海關入款共計口兆六億二萬六千三百八十七兩團匪亂後則減至五兆一億六萬三千七百九十五兩至二十九年又增至七兆五億八萬五千六百五十五兩今將本年與去年及三十年秋季各港入款之數列為一表以資比較

	光緒三十二年	三十一年	三十年
牛 莊	二〇四〇五六兩	一八五一五八兩	一七五二九八兩
秦皇島	五三〇九〇兩	二六八五三兩	一一五一四兩

天津 一〇〇一二四七兩 八四七八五三兩 五七三三三五兩

煙臺 一三九六三〇兩 二一七五八八兩 二〇一九八三兩

膠州 二二〇三九四兩 一二六七一五兩 一一五一三五兩

重慶 一四五一六三兩 九〇九七一兩 一三五六三六兩

宜昌 六一九一兩 一一六〇五一兩 一二九八一八兩

沙市 六六一〇兩 四六二二兩 四四二八兩

長沙 二九五〇四兩 二二五二七兩 二一二三九兩

岳州 二二九七兩 二五〇三兩 三七〇三兩

漢口 七〇四九七六兩 七八五三八三兩 七五六七九三兩

九江 二二一〇九六兩 二〇三八二六兩 一九八四七〇兩

蕪湖 一〇〇四八六兩 一八二〇六〇兩 一九八一〇二兩

南京 五一〇三八兩 四七八七六兩 五四七六〇兩

鎮江 二七七六九八兩 二六一八八四兩 二九〇一四二兩

上海 三三三三二〇九六兩 二九四五〇三九兩 二五六〇六二八兩

期三十第誌雜方東

蘇州	四九三二六兩	三九九二九兩	三〇九一七兩
杭州	二四九五八八兩	二四〇四七〇兩	二八一九八八兩
甯波	一九九四四五兩	二二〇二四一兩	一八六四二八兩
温州	二二二五三兩	一八五二八兩	二四〇一三兩
三都澳	三〇六五〇兩	二九九四〇兩	三四九七七兩
福州	二四七四一一兩	二四二二六六兩	二八〇六三〇兩
廈門	二二二二一三兩	二一六一八六兩	二二四〇〇五兩
汕頭	三七四六五七兩	三六五二七七兩	四〇一八五三兩
廣州	八一四三七八兩	八三五二九六兩	七六三五七六兩
江門	二八八〇一兩	二七八七五兩	二七二三五兩
三水	四七四一三兩	五五六二八兩	四六〇八〇兩
梧州	一四〇九九〇兩	一七〇五六六兩	一五九五二五兩
瓊州	七二三八六兩	八二一九〇兩	五六二九六兩
北海	二七九六二兩	三八二七四兩	四〇七三四兩
			二百七十一

財政

光緒三十二年秋季各海關收稅總數表

丙午

總數 九一〇三六二四兩 八六四九六二三兩 七九八九二七一兩
 據上表觀之則今年本季各港入款之最少者實為宜昌三年以前尙有十萬兩今則減至
 六千一百九十一兩至若岳州漢口蕪湖甯波廣州三水梧州瓊州北海等港亦較去年本
 季稍減牛莊天津二港則大有增進天津已達一兆兩膠州亦較去年增至一倍茲又將各
 項進款列表如下

光緒三十二年

三十一年

三十年

進口稅	三七七六三九二兩	三三三三二九〇〇兩	二六〇九三五八兩
出口稅	二四二六二三九兩	二五六〇三六四兩	二五四二六七六兩
沿海貿易稅	四五六九八四兩	四四一三七三兩	四三三二二七兩
洋藥稅	四五六五一兩	五〇〇一七九兩	五九一四四八兩
船鈔	三七九〇二七兩	二七七〇〇八兩	二五一一一七兩
子口稅	五五五八三七兩	五六〇八四一兩	四九九四一五兩
鴉片釐金	一〇四九六三一兩	九七六九五三兩	一〇六二一三〇兩
鴉片稅	一項近年逐漸減少土藥稅亦無起色三十年分尙有一億九萬三千一百四十九		

兩去年則減至一億三萬三千八百二十一兩零至今年秋季則止六萬三千八百九十九兩而已茲將上海秋季所抽各項之稅列表於下

	光緒三十二年	三十一年	三十年
進口稅	二一五三四九三兩	一八五〇〇二八兩	一四六〇二二三兩
出口稅	三一五五四七兩	三四七一六八兩	三七七七一八兩
沿海貿易稅	一二三六七二兩	一二二五三〇兩	一一〇一八一兩
洋藥稅	一一八二八〇兩	一一二三四〇兩	一一〇一一六兩
船鈔	二六三六一〇兩	一七二七二五兩	一六六六五七兩
子口稅	四二〇七五兩	四九八六三兩	四七〇二七兩
鴉片釐金	三一五四一七兩	二九〇三八五兩	二八八七三六兩
總數	三三三二〇九六兩	二九四五〇三九兩	二五六〇六二八兩

日本食鹽專賣法

第一條政府有食鹽專賣權 第二條政府擇於便宜之地設立辦理鹽務處掌管鹽之收納賣付等事 第三條凡食鹽非屬政府及有政府之命者不准由外國及不施行本法之

地輸入 第四條凡食鹽非經政府許可不准製造 第五條凡非政府賣付之鹽不准有所有所持讓付質押及消費等權 但於繳納日期以前或因正當事由延緩繳納及製鹽自用者不在此限 第六條政府得限制製鹽區域製鹽期間及生產數目 前項之限制不適用於鹽之試製 第七條製鹽者所製之鹽須由政府收納但命令所定限制數量以內之鹽如供自用及由政府賣付之鹽所再製者不在此限 第八條鹽之賠償價格由政府定之豫行公示 第九條欲製鹽者須將製鹽方法採鹽地名地號製鹽段數製鹽場收藏場及一年生產豫算數申報政府請其許可如遇所報情形已有變更時亦同 第十條鹽之製造業買賣業不准同在一地兼辦但由政府賣付之鹽所再製者不在此限 第十一條製鹽者遇有相續或承繼時須將詳細情形報明政府 除相續者外如承繼鹽之製造時須經政府許可 第十二條製鹽者願停止營業時至遲於一箇月以前申報政府但經政府許可停止製造者不在此限 第十三條製鹽者如有違犯本法及據本法所發之命令規定者政府得撤去其製造之許可 第十四條製鹽者所有製成之鹽均須納付政府但有合於第七條但字以下所載者不在此限 政府得命製鹽者將依前項應納付之鹽交付其指定者於此時照政府所定鹽之數量交付視為製鹽者納付政府者 第十五

條製鹽者納付鹽時政府得派鑑定人鑑定其品質應交付相當之賠償金 如製鹽者不服前項之鑑定得求再鑑定但有請求賠償金者不在此限 關於再鑑定之規定以命令定之 第十六條如製鹽者所納付之鹽品質粗惡政府得命其更爲相當之處理後再行納付 第十七條政府得定鹽之製造又包裝方法納付地方納付日期及其搬運通路 第十八條政府當定一價值以便鹽之賣付 前項定價遇有交付賠償金所收納之鹽於其賣付時按照當時品質及相當賠償金加算每一石金二圓五角或每一百斤金一圓四角八分比例金額爲賣付之定價不得溢出此額 第十九條左列各種之鹽政府得依命令所定以特別之定價賣付 一運往外國者 二以命令所定用途使用者 依前條所賣付之鹽而以命令定其用途使用者須從命令所定下交付金 第二十條凡未及命令所定數量以上之鹽政府不爲賣付 第二十一條營食鹽買賣業者不得以他物攙和販賣 第二十二條製鹽者及營食鹽買賣業者須立一帳簿依政府所指示記載關於營業各要件 第二十三條辦理鹽務官吏得進入採鹹池製鹽場藏置場及其他認可鹽所在地方檢查鹼水鹽器具機械建築房屋及帳簿書類 如該官吏於監督上認爲必要時得施封印於前項物件 第二十四條辦理鹽務官吏得檢查在搬運之鹽質問其出處及

運往地方。如該官吏於辦理前項事務認為監督上之必要時得停止其搬運及施封印於貨物或船車。第二十五條有合於左列各項之一者處十圓以上五百圓以下之罰金並將其鹽沒收如既讓付或消費者則照第十八條追徵相當賣付定價之金額。一違犯第三四五各條者。二於未經許可之地製鹽者。三知情讓受不由政府所賣付之鹽者。第二十六條若製鹽者並無正當之事由而不交付於政府所指定者處五圓以上五十圓以下之罰金如不依政府所指定搬運通路擅自運鹽者亦同。第二十七條若製鹽者於政府所定製造期間以外製鹽或於政府所許可地方以外製鹽及藏置者處五圓以上一百圓以上之罰金並將其鹽沒收知情借與地段者同罪。第二十八條除合於前條所載者外若製鹽者不經許可而變更第九條所經許可事項者處三圓以上三十圓以下之罰金。第二十九條違犯第十條者處三圓以上三十圓以下之罰金。第三十條違犯第十一條及第十二條者處二圓以上二十圓以下之罰金。第三十一條營食鹽買賣業者若有違犯第二十一條所規定則處以五圓以上五十圓以下之罰金並將其物件沒收。第三十二條製鹽者及營買賣業者若不設立關於其營業之帳簿或怠於記載及為不正之記載者處三圓以上三十圓以下之罰金。第三十三條若有於辦理鹽務官吏查問時

爲虛偽之答辯或阻拒該官吏執行職務巧爲規避或加妨礙者處三圓以上三十圓以下之罰金如於刑法有正條者則依刑法辦理 第三十四條凡不由政府賣付之鹽如係犯人以外所有者政府得收納之於此時除攙和他物之鹽外可照第十五條交付賠償金 第三十五條如違犯本法及據本法所發之命令規定者不用刑法減輕再犯加重及數罪俱發之例 第三十六條若製鹽及營買賣業之人爲未及歲或禁治產者得依本法及據本法所發之命令規定以適用於營業者之罰則加之於法定代理人但其有關於營業之已及歲者或雖未及歲而能力已充者不在此限 第三十七條凡製鹽及營買賣業之人若有與其代理人戶主家族同居者於其雇用人及他之從業者關於其業務有違犯本法又據本法所發之命令規定時不得以不出於自己指揮之故冀免處罰 第三十八條犯間接國稅則處分法及明治三十三年法律第五十二號所規定於犯本法及據本法所發之命令之罰則皆適用於本法 第三十九條製鹽者受撤去其製造許可後及製鹽者或營買賣業者停止業務後所有存在製鹽場藏置場及販賣場之鹽仍適用本法之規定 第四十條關於本法所收納鹽賠償金之支付得先付現金於主任官吏 附則 第四十一條本法自明治三十八年六月一日施行但第四十四條第四項及第四十五條不在此

限 第四十二條本法不施行於以勅令所指定之地方 第四十三條本法施行之際於鹽消費者之所用鹽不適用第五條 第四十四條本法施行之際製造者之所有及所持鹽須納付政府照第十五條交付賠償金 本法施行之際如以售出爲目的之所有及所持鹽須依每百斤金一圓三角之比例完納鹽稅 凡所有及所持前項之鹽者其數量及所在地須申告於政府如延不申告或爲不正之提供者處以其數量應納稅金三倍之罰金 關於鹽稅徵收之規定以命令定之 依第二項完納稅金之鹽視爲政府所賣付之鹽 關於納稅日期以前鹽之所有及所持不適用第五條 第四十五條本法發布以後所有製鹽者須於三箇月以內從命令所定呈請許可 已經前項所許可者視爲經第九條所許可者 第四十六條本法施行之後所有製鹽者須於一箇月以內按照本法呈請許可於其期間內仍得爲鹽之製造

家屋稅判決書

此爲海牙和平和會公斷所判決日本政府與德法英各國所爭議者

據一千九百零二年八月二十八日在東京蓋印之議定書其一方爲日本國政府一方爲德法英國各政府兩造各國因關於彼此所訂之現行條約及其他協約所規定如後列各項之真正趣旨及意義而起爭議其所規定之要旨約列如左

一千八百九十六年四月四日日德通商航海條約第十八條第四項 在日本之各外國人居留地若被編入於其所在之日本市區時所有該居留地內現在占有地所之永代借地券當確認為有效惟對於該地所則除借地券所載各節外不得另附別項條件

德外部大臣照會駐德日使公文即條約附件第三款 三條約第十八條所載外國人居留地內地所之所有權將來仍須歸屬日本政府故占有該地所者及其權利繼續人除照租地合約所定出租金外無須再納別項取立金及租稅

至駐德日使照覆德外部大臣公文之一節亦錄如下 關於第一項至第四項所述之土地物權建設倉庫權及外國人居留地地所之免稅權與既得權等雖本條約作廢仍得續行此等事項悉願認為適當

一千八百九十六年八月四日日法改正條約第二十一條第四項 在日本之各外國人居留地一經編入於其所在之日本市區內而作為市區組織之一部時除由日本政府派員接受地方行政上一切責任義務並由各外國人將屬於居留地之共有資金及財產全部交付日本官吏外所有外國人在該居留地內現在占有不動產之永代借地契約當一律確認為有效凡合於此種性質之不動產除該借地契約內所特別規定者外不得另附

別項條件亦不再徵別項租稅賦課金及取立金

一千八百九十四年七月十六日日英改正條約第十八條第四項 在日本之各外國人居留地若被編入於其所在之日本市區內時所有該居留地內現在持有財產之永代借地券當確認為有效而對於該財產除借地券所載各節外不得另附別項條件

諸爭議國互約將本問題交付海牙和平會公斷所判斷依前記議定書德法英三國政府特命法外部法律顧問官巴黎法科大學教授法國學士會院會員全權公使魯意魯拿歐為公斷官日本政府特命駐劄巴黎全權公使法學博士本野一郎為公斷官復由兩造選定那威前任國務大臣總督古立葛爾斯古勒姆為上級公斷官以判斷之其最後判決之問題如左

依上載各項條約及其他協商所規定凡由日本政府或以日本政府之名所發給之永代借地券而保有之土地於該地券所特別規定者外免其一切租稅賦課金取立金及條件乎抑宜於土地及該地現在或將來所建房屋而一律免除乎

依日本政府所主張則可免除租稅及公課者實惟土地一項而德法英三國皆反對之以為宜免除各種課稅者不獨土地一項即該地所築房屋亦可一律免除今欲按照永代借

地契約以劃定當事者兩造所負擔義務之性質及範圍則須研究在舊條約時代日本國官憲與諸外國代表者所訂各條約及協約而依上言諸約書及永代借地券所載之規定則當曩在日本之某港設立外國人居留地時日本政府嘗有所贊助且爲大興土木以便各外國人在該地公共居住惟日本法律上原則凡外國人不能在日本國內取得土地所有權故日本政府僅與外國人以土地永代借用權於借地時給券一紙載明土地面積及每年租金數目至外國人居留地雖以不受日本市區統轄爲原則然亦無一定之行政組織惟訂爲各項規則以規定居留地行政機關之運用方法且於其中訂明凡占有租借地之人須納資金以充該地行政費用其數目及徵收方法亦明載於規則至其所稱爲租地金者非僅如借貸之有租金而已凡日本政府因謀借地人之利便而爲之供給一切所需用款皆應由借地人償還其他應納日本政府之各項租稅亦皆包括於租地金之內且借地人於借券所載各款如數交付外不再負擔別項租稅及公課等類故當前載各項約文發表時外國人對於日本政府所負各種義務有無精密之規定實難懸揣今但就土地一項言之則於上述趣旨兩造皆未嘗有所爭執惟日本政府乃主張永代借地契約僅以空地爲目的物若建築於該地之房屋則不在免稅之列蓋以屬於日本政府者惟土地一項

若夫房屋則爲借地人之所有物故不能與日本政府所有之不動產同邀免稅之特典也。然今日所應決定者則須由課稅上觀察而判斷該租借地所築房屋可依兩國之合意而視爲土地之附屬物與否耳此一問題非僅就不動產所有權之分別等項觀察之即可解決故依民法上之原理如欲判斷當事者兩面之主張孰是孰非可不必另爲說明何則即本案所關之土地係在未租借之前先行商定欲在某地築造房屋始行借貸此非絕無證據之言試考該不動產之地位及日本政府所施預備工事之性質可以知之若有違背建築房屋之義務者即可處以借券作廢之罰且借地券中曾載明若借地人違背義務則其地上房屋即應作爲日本政府之所有物云云凡此種種皆可持爲論據者也又日本政府之發給永代借地券不但以己爲土地之所有者而施行動而已實以己爲自國之主權者而施行動者也故欲正確解釋永代借地券則須研究歷來永代借地人在各居留地於課稅上之實情如何然觀於數十年來之辦法並無變更可知房屋確與土地同等除借地券上所載明者外餘若租稅賦課金取立金及條件等概宜免除如是則日本政府所主張毫無足以維持之證據且日本政府以德法英三國爲侵害其課稅權亦無何等證據況日本政府當舊條約時代外國人在事實上所享有之免稅特權本皆一律者乎

依以上理由本海牙平和會公斷所以多數決定如左之判決茲宣佈之

公斷議定書所錄各約及其他協約不但對於日本政府及以日本政府之名所發給之永代借地券而保有之土地於券中所規定者外得免除一切之租稅賦課金取立金及條件等項即對於該土地及該地上現在或將來建築之一切房屋亦應一律辦理

一千九百零五年五月二十二日立於荷蘭都城海牙平和會公斷所 古立葛爾斯古勒姆押 魯意魯拿歐押

當本日本判詞署名之時本公使依一千八百九十九年七月二十九日在海牙蓋印之公斷條約第五十二條第二項所付與之權能於本判詞主文及理由之兩者與構成本公斷所之公斷官之多數絕對表不同意特記於此 本野一郎押

各省財政彙誌

奉天○奉省財政局近收車捐所印銅照甚爲精緻外屬紛紛請領遼陽一處聞已達五萬張裨益財政實非淺鮮云

山東○東撫楊運帥近因山東德華銀行行用德國紙幣不可不謀抵制以保財權特電請戶部設立分銀行於東省以與德華相競部中正議擴張銀行事業遂允在濟南設戶部分銀行並派顧公毅觀察經理一切事宜

江蘇○張季直殿撰等前在徐州境內創辦耀徐玻璃公司曾呈由商部具奏奉 旨允准在案近因出貨在即有商人

預訂包銷外洋特又稟請商部豁免出口稅則以廣銷路當經商部咨詢外部核辦旋准覆稱現在新約尙未施行應援照湖北織布廠火柴廠北洋煙草公司鎮江筆鉛罐公司各處成案令納正稅一道沿途概免重征其行銷外洋僅查驗已否完納正稅若既完正稅所有出口稅項併應准其豁免等因商部接咨後已飭知該公司並分行各省督撫札飭洋常關暨釐卡等處一體遵照辦理

浙江○浙省制錢缺乏僅有銅圓一項流通市面民間貿易往來頗爲不便近經商務總會呈請浙撫轉飭銅圓局添鑄一文銅錢以便民商而資周轉

湖北○湖北官錢局前會議改惠通銀行嗣以財政章程均未妥協遂不果行近有上條陳於鄂督張香帥者謂湖北官錢局各省素所深信以之改辦銀行尤爲當務之急云云聞香帥業已准如所請飭令妥定辦法以便核奪

廣東○粵省奉派洋款向以關稅一項提解爲最多嗣因庚子賠款指派籌解款項遂挪撥一空自張安帥接辦海關將各關中飽出息悉行提解稅務乃始漸盛長征至數十萬各項要需大抵取給於此近日戶部以此項長征稅項雖不時提作他用然尙未指有定額定爲提撥何項要款特咨請前署粵督岑雲帥將此項關稅長征銀項撥充關道並無著之四國洋款按期提取解部交納雲帥當飭關務委員將所有長征之款分別查明核與部咨飭令撥抵關姓無著之四國洋款尙能相抵因即飭司處按照指撥實數至期提取解部交納○潮州一府向未開辦釐金自光緒二十六年始由潮汕各商歲認報効五萬兩後又認加十萬兩抵免內地釐金仍按貨計捐凡充納關稅百兩者另收報効十五兩出入口洋貨未歸洋商以前一律按貨核抽近因洋商梗阻又奉外務部電令另籌辦法故岑雲帥即革去報効改收釐金設立總局於汕頭凡華商出入內地貨物每貨價百兩抽釐金一兩洋商出入照章完納子口半稅並在港城等處原有常

關稅卡附設釐局其潮州郡城仍由行商自行包繳經具摺奏請 飭下戶部核議部以該省所奏係爲整頓釐金起見因卽照准並咨令將詳細章程專案報部其所收釐金每年不得於十五萬之數再有短絀並於半年內奏釐全案內另款造報勿得籠統開列以便查核云

廣西○粵督桂撫以柳慶各屬被災甚重奏請提支廣東所撥洋款二十萬以資賑濟並聲明將來或由桂撥還或由粵自籌彌補欽奉 硃批允准遵辦在案近聞戶部以洋款關係緊要既已挪移卽宜彌補桂省匪亂初平亟圖善後業經准其緩解洋款三十萬並截留梧州等稅項十萬撥給膏捐六十餘萬以資挹注不患無款可撥粵省地方素稱完善尤未便因桂及東引例相援已咨令粵桂二省將所挪用之洋款分任籌補以濟要需而免貽誤

各國財政彙誌

日本○據日本大藏省冊報謂自本年一月一日起至九月三十日止國家入款頗爲豐厚而一切出款亦甚鉅大計經常入款一百零六兆二十八萬四千六百六十九元額外入款二百零五萬三千四百五十一元較諸上年同時增多二十三兆七十八萬八千三百八十五元至支出之費則經常出款二百一十三兆八十八萬四千二百三十六元額外出款二十七兆四十四萬四千八百一十二元亦較上年同時增多九十七兆五十四萬二千零三十七元云○日本政府近以勅令公布中韓兩國土產輸入日本之稅率其大略如下 凡係中韓兩國所生產之物品若鋼鐵錫塊及錫錠與水銀等物輸入日本其應納稅率概須照協定稅率辦理惟關稅定率法所定之稅率若較協定稅率爲低者不在此例關稅定率法施行規則第一條及第二條之規定均得準用之於上載諸物品 附則本令自明治三十九年十二月一日施行

財政 各國財政彙誌

二百八十六

十二月

韓○韓國近將稅關官制編定頒發計稅務監十三員稅務官三十六員主事一百六十八員凡稅務官事務暫令各處觀察使兼任其稅關所有官員均屬度支部大臣管轄云○近數月間韓國農工銀行之分設於各處者甚多計漢城二處大邱一處平壤一處金州一處光海一處晉州一處鏡城一處忠州一處海州二處每處各招資本十萬元共計一百十萬元云

英○英國辦理所入稅大臣議將每人每歲所入在英金一千鎊以內者均予酌減其在五千鎊以上者則加重抽收以示公允

西班牙○西國政府近頗改革政治擬即將從前幣制大加改良仿照各國辦法行用金幣聞此事乃由國王倡之當可實行云



商務

論投機商業 錄丙午二十二期商務官報

自商業之進步。範圍益廣。體別綦繁。以性質分之。有買賣商。機關商之。差以地段分之。有內商。外商。海商。陸商之異。以其取引之法分之。有普通商。投機商之目。夫商業發達。始有取引。所有取引。所始有投機商。投機商者。其行事與博相似。所居無定貨。所行無定體。務在與時相適。勝負決於一瞬。此其興也。必於市面極盛之時。若是者。日本謂之投機商業。英人謂之斯比克來香。吾姑襲日本之名辭。而藉以言其義。

投機云者。辭意甚晦。且因所用之時地。而義以互殊。故以廣義釋之。凡一切有希望之事業。皆可稱為投機。小則工商業。大則政治教育武備。莫不包容於此範圍之中。以狹義釋之。凡買賣取引。不以直接之消費。或使用為目的。亦不以直接利益為目的。而其意在於投將來之機會。博意外之大利者。謂之投機。以最狹義而言。凡藉取引所為商業機關。而取引乎是者。謂之投機。吾今所論之投機。固不以最狹義為限。蓋取引所取引者。不必悉具投機之性質。而凡投機之最大部分。固必在取引所。吾姑以最狹義為投機之定義。焉可也。

然則投機者果何由而發達乎。一言以蔽之曰。世界發達。商業之組織。乃變化。組織變化。乃得投機之結果。太古族制經濟。以一宗族爲一社會之單位。需之與供。宗族各員。各能自給。耕食鑿飲。於人何求。厥後人口滋殖。一族之中。支派繁衍。各以所長。自爲生計。而復互相移易。以濟所窮。是爲分功之始。然是必有冒險性質。存乎其中。蓋其所造作。果合他族之用與否。果足以交易而得其他物否。不可以預測也。抑非第己所製造。彼他人所製。果合吾族之用與否。更不可測。種種奇險。相因無已。於是。有商人出焉。此族所製。不適於他族。則以售於又一他族。使若干族者。互相灌輸。而向之險者。夷矣。此商之所由起也。

人文漸進。種族益歧。則分功益繁。而所需於商者。亦益劇。商人之能事。亦益詭。供與求之相適。既易爲商人者。亦不若前之危險矣。於是商人之有資力者。且不憚冒險。乃有預備無量之物。以待時者。有航行遠地。以就時者。維時。商人中。乃有躉賣零售之階級。降及近世。輸運便利。世界之距離。日形其減縮。商業之區域。急激以擴張。一地方之物價。寢假而爲世界之物價。凡估價者。不揆世界全體之供求。則不得而定之。世界中之估價。日見平均。變動之度。減而躉賣商之危險。減於昔日。其所得利益。亦不免減於昔日。惟其若是。是故一隅之商業。可以影響於世界之商業。其人能通世界之大勢者。其設巧漁利。尤易而不

難。故向之薑賣商人。明於時勢者。往往會集一地。互換智識。互易商品。而隱以行其操持市面之術。此取引所之所由起。而投機之所由肇也。

取引之制。因習而益盛。其始也。所交易者。僅已到之商貨。其繼也。乃有預先交易。預先交易者。商貨未到之前。而預賣預買之也。蓋取引既繁。則品質之區別。運送之時日。並不待目擊心計而已。瞭如指掌。貨至而後交易。猶嫌其遲滯也。有標本在。則足以憑之矣。英國之市場。凡美洲之棉與咖啡。東洋之穀。品質皆有一定。買賣預定。俟運舟既至。不識起貨地方。則飛電以指之。且可節中途盤送之糜費。此今日所以有定期取引之制也。

於是商人中特生一階級。所謂投機商業者。此經濟發達上所必需者也。此其爲商恒留意世界生產消費之情形。而先事買賣於取引所。務策其免危險而得利益者。由是以觀。投機商業爲經濟發達所必致之結果。殆成於天然。而非人力所能抵制。今人目覩其弊。輒思所以殄滅之者。愚也。背乎商業發展之大勢者也。務爲去弊之謀。則可耳。

前署兩江總督周奏開闢上海北市華界片

再上海通商日久。實爲華洋輻輳之區。光緒三十一年。經前署督臣張之洞奏准。開築南市馬路。闢成華界。商民稱便。惟地限一隅。不敷展布。二十九年八月間。准外務部咨議。覆商約

商務

前署兩江總督周奏開闢上海北市華界片

一百六十五

丙午

大臣呂海寰條奏要務摺內聲明上海已於租界外另設華界應否再行擴充應由南洋大臣酌核籌辦等因經前督臣魏光燾轉飭上海道妥議稟辦旋據粵商陳紹昌等創議籌款稟准於新開浜北地方建橋築路作為北市商場復因經費無著僅造成洋式浮橋一座而止現該商等僉以財力不逮請援照南市成例改歸官辦查商埠本應由商捐辦但此時馬路未築市廛未立無從收捐不得不藉官力提倡且從前南市闢界即係撥用官款是北市亦應照辦約計開辦伊始一切購地築路建屋設捕事宜需銀二十餘萬兩查二十三年淞滬鐵路圈留吳淞官地本議在淞滬歸併收回款內撥還償銀嗣准前督辦鐵路大臣盛宣懷來咨議將吳淞蘊藻浜北圈留未用官地五十一畝零繳還歸官又鐵路購存未用民地三十八畝零一併歸官抵補是此項地畝自應由官收回迅速分別召變所得地價即充作北市開闢商場經費以公濟公據上海道稟統計此項地價可變銀二十三萬兩惟蘊藻浜北官地正扼吳淞口門請留為公家建造碼頭廠棧停輪之用無庸變價其餘民地即行設法召變已飭該道照辦以外灘地凡被民間侵佔冒領及應歸官變價之產均由上海道派員會縣清查酌收價值給照管業並將此款貼補北市修造馬路之費即以商民之款辦便商便民之事實屬一舉兩得將來辦有成效可與南市聯合一氣市面既盛商務自興挽

回利權良非淺鮮謹 奏奉 硃批該部知道欽此

海關造冊處稅務司譯呈光緒三十一年通商各口華洋貿易情形

竊查本年中國貿易情形雖無大礙然間有數端關係匪淺即如春令失和夏季水災北方停戰抵制美貨絲茶棉花向係出口大宗貨物詎意天氣不和匯水有礙此等貨物出口均減出口既減則買進口貨物者逆料可多不意因而反減春令俄日戰地愈驅愈北彼國不得至中立地方購貨此國得以在新占之處進貨議和之後貿易興旺自係人所共知要之並不為旺即因兵丁所占之處係東三省之南向稱富庶今則專運軍需無暇盤駁他貨即未占之處人民被困聊生不易誰辦洋貨故不能旺若以上年年底情形論之本想銷路必居極盛市面存貨棉貨一類毫無囤積定貨亦足以滿衆商之意不料除北方外實在所銷進口各貨並不能多於尋常年分其所多於近年酌中之數不過仍在辦貨商人手中此則鑿鑿可據者論近五年酌中進口貨價在上海進口扯計每年值銀四千三百六十五萬六千二百五十二兩本年進口估值較多一倍有奇計九千二百二十萬七千一百七十三兩五年內牛莊進口貨價雖值團匪事後與未亂以前比較尙能相等酌中扯算每年值銀一千六百五十萬七千三百一兩本年進口貨價亦能加倍計值三千一百萬三千一百四十

商 務

海關造冊處稅務司譯呈光緒三十一年通商各口華洋貿易情形

一百六十七

丙午

三兩惜乎均未銷出上海牛莊兩口棧房堆積皆滿以待售主若論兩口本年比較歷年所多之數共計六千三百四萬六千七百六十三兩以此觀之其數當歸次年應銷最少之數抵制之故本非稅務司所當預聞者故不必論據聞始有幾口起於商務中人以為報復美國工商祇有屏拒美貨之一法嗣後各處各班公所聞風響應相助為力雖非盡由本願及至事成無論是出乎至誠出乎勉強俱能固結團體連為一氣推行全國其所以創成此舉者殆係意氣用事新進後輩閱歷未深者為之迨其程度已高事理透澈豈肯淺嘗蹊蹶不顧大局如論事起之時直如火之燎原真有不可嚮邇者其煽惑之法無他即如登新聞發傳單繪圖畫聚議演說始則連合商人久而久之下愚者流被其鼓動不意結果仍失望外進貨商家或上海或大口能於分別是否美貨至於舖戶用戶安能明白縱有地方認真抵制推廣不銷美貨無如買洋貨之華商則謂以前已定之貨不能不出況交易中之信實更高於抵制者雖明知抵制關乎全國而交易以信實為主斷不能因此反悔已成之約所以抵制之故雖能堅持到底而貨實是在華商之手不在美商各口來信俱云不照尋常貿易實有許多未便之處抵制辦法最能實行其事者大概是分銷小口一波未平一波又起節外生枝以致添出疑忌者有之忿恨者有之孰知中國雖有抵制辦法與現在美廠美商兩

無所礙論萬國通商勢力常變實有可憑一國貿易有礙即能牽動各班將來衰旺情形實難臆料容俟一年或年餘始能看出按以上所論即知本年貿易雖有天氣戰事抵制等情總算比平常年分進口尤多惟所多之貨仍存辦貨商人之手匯票一節仍是繞道不由正路本年情形比上年更難明晰各國商人預算總不能符譬如有一商家買進口貨二月至七月匯票價值業已議定貨尚未售嗣後又一商家買票較其便益彼此售貨自有難易之分出口土貨上半年不肯速辦及至後來匯票行情逐月反壞無論若何本領之商人不能預計其漲落所以除別項緊要之生意外即當思慮匯票之事泰西商人不用留心再各商以俄日講和之後匯票時價想可仍似未戰以前豈知不然銀價比戰時反得更高究因何故容後詳明上年曾云惟望日後穀法商辦匯票得以平穩不意本年依然無人過問恐將來中國因此更有礙難之處查牛莊本年貿易清冊所載洋土進口各貨比較上年估值多有二千萬兩出口相等進口雖驟然增多究非實在情形恐將來不能及此該處因有戰事地方蹂躪商民人等被害無窮顛沛流離疾病死亡轉徙溝壑不計其數家產毀壞田畝踐踏但俄兵旋進旋退日兵復占東三省因此亦能得益可以抵其所失此兩年中丁賦未繳收成甚豐是以雖有以上受累之處民間仍有蓋藏況兩國

戰務所帶軍需款項幾百萬兩均由該處商民經手或備日食或禦寒衣或雇工作其詳細情形當看牛莊論略至於內地土貨留為軍用商民大半不能運出進口貨物屯滿棧房又不能分銷內地直隸幾口本年進口貨價估值多有三千九百萬兩進口金銀除對抵出口外實進口淨數二千八百五十一萬七千餘兩出口土產并未興旺其進口貨物多半由新民屯運往滿洲之西南地方銷售山東幾口進口貨價本年亦多八百萬兩煙臺膠州兩口比較所差有限膠州略多再由煙臺過海各貨均係土船裝運向不報關茲將北方三省近兩年進出貨價比較數目分別開後

光緒三十年

光緒三十一年

進口洋土貨價值

一萬二千四百四十六萬一千五百二十一兩

一萬九千二百六十四萬二千三十五兩

出口土貨價值

四千九百三十萬二千六百九十二兩

四千八百九十八萬一千六百八十五兩

兩共

一萬七千三百七十六萬四千二百三十三兩

二萬四千一百六十二萬三千七百二十兩

四川出口所多者不過土藥一宗百貨均減殆因初秋水災銀根緊急周轉不靈湘省貿易岳州僅有五十萬兩若以全省合算長沙較多漢口貿易與北方情形頗覺相類亦係本年進口較多出口較少進口所多者是銅官鑄銅元亦復不少其餘洋貨幸亦暢銷若以上江各口一併計之較之上年似稍減色出口貨內豆子豆餅仍是運銷日本緣東三省尙不能

通棉花米茶葉出口較減各色榨油子麥出口均多生鐵本年出口加倍漢陽一廠已有三萬噸下江各口進出貨物俱有生色茲將長江一帶各關上自重慶下至鎮江近兩年進出貨價比較數目分別開後

光緒三十年

光緒三十一年

進口洋土貨價值

一萬二千二十四萬七千八百十三兩

一萬二千九百四十萬七千七百五十三兩

出口土貨價值

一萬一千五百二十二萬三千三百八十七兩

一萬一千八百十萬四千二百二十八兩

兩共

二萬三千五百四十七萬一千二百兩

二萬四千七百五十一萬一千九百八十一兩

照此比較進出貨價無甚參差實堪相抵上海地勢與各口迥不相同所銷境界照關冊所載頗有侵占臨近別口管轄之處惟此等進出上海各貨并不報關難得其詳所以上海一口較之別關分外增多更有不能不留意之處查上海係通商總匯之區按照關冊進口淨數本年已多於出口竟有一倍即如上年僅有四千五百二十八萬八千一百兩本年增至九千二百二十萬七千一百七十三兩但所增者雖有如是之數不過多半是年底運進之貨或未售仍囤棧房或已售並未運出來年運進各貨諒不至少但存貨究竟過多以理度之恐須稍減本年進出土貨所減皆多蘇州與浙省各口本年尚無增減閩省各口總共略

商 務

海關道冊處稅務司羅呈光緒三十一年通商各口岸洋貿易情形

一百七十一

丙午

商務

海關造冊處稅務司羅呈光緒三十一年通商各口岸洋貨貿易情形

一百七十二

十二月

多三都澳口茶葉一項尙能立住福州減色粵東各口並粵西之梧州價值亦減所減者除瓊州外均係出口貨物茲將自潮州至北海各關進出貨價數目表明如下

光緒三十年

光緒三十一年

進口洋土貨價值

一萬四千四百六萬八千四十七兩

一萬四千二百八萬一千八百七十七兩

出口土貨價值

八千九百八十八萬九千三十兩

八千六百二十一萬四百二十一兩

兩共

二萬三千三百九十五萬七千七十七兩

二萬二千八百二十九萬二千二百九十八兩

邊疆各關所少大約均在進口驟馬缺乏轉運維艱綜觀大局通商稅關計有三十六處北地暢銷洋貨年盛一年頗有蒸蒸日上之象長江一帶與南方各口近來所用洋貨不多土產皆不大旺若以長江出口貨價而論適足抵其進口南北各口則不然進口每過於出口想爲軍務得以多銷南邊有許多出口貨物是爲出洋華工所用中國開辦各項新政其已露者年年雖俱有進步但不免瞻顧徘徊猶有畏首畏尾之處所以無大進益如論自京至漢鐵路業已暢行廣漢鐵路工程因派人籌款兩節遷延時日迄今始經議定自籌自辦滬甯已經開工由滬至蘇明年可成東京雲南鐵路將要開辦惟雲南年年時疫流行工人傳染每易耽延故此路難望速成至於礦務雖履勘者不計其數而已開幾省仍是洋人所管

之處中國電報以西歷年底截止共已設局三百四十六處路長二萬一千三百七十九英里線長三萬四千六百四十一英里

一稅課本年征收關平銀三千五百一十一萬一千五百兩比較上年多收三百六十一萬七千八百四十九兩以百分計之多有十一分半按上年所收稅銀合上年金鎊酌中之價計有金鎊四百五十一萬四千九百九十九兩本年所收稅銀合本年金鎊酌中之價計有金鎊五百二十八萬一千二百八十兩以百分計之多有十七分即此以觀是稅銀既增適值鎊價又減國家庫款兩得其益歸還洋款俾可稍省帑項稅課之多多在進口以本年比較上年計多三百十六萬二千七百七十九兩以百分數而論多有三十分其所多之故他處業已敘明不再贅述進口貨稅驟增若是之多但恐占其來年稅課出口貨稅並無增減復進口稅比上年多有十七萬三千八百七十二兩殆因洋貿易減轉運通商別口是以較增藥土稅釐共計六百八十五萬七千二百四十三兩比較上年共少八萬七千四百七十六兩洋藥稅釐五百七十一萬一千七百一十一兩比較上年少三十一萬三千四百一十兩內土藥稅一百十四萬五千五百三十二兩比上年多有二十二萬四千九百三十四兩船鈔比上年多有十分內地子口稅共計二百三萬四千四百八兩比上年多有二十四萬七千一百五十六

商務

海關造冊處稅務司譯呈光緒三十一年通商各口雜洋貿易情形

一百七十三

丙午

兩所多全是洋貨運入內地因天津此項興旺之故若論進口稅項應知北方幾口以及長江等處多半由上海征收除首經之處代收外各口所自收者非直抵船隻即過載船隻所裝進口之貨按照天津所轄銷洋貨境界與上海比較淨數以百分計之上年上海占五十六分天津占四十四分天津如連秦王島在內已占四十八分上海所占不過五十二分本年洋貨歲暮存棧過多恐占來年銷數上年進口稅上海占九十一分天津占九分本年上海占八十六分天津連秦王島占十四分以上情形留心時事者總當考核牛莊除光緒二十五年收數最旺外仍以本年收數爲巨擘但出口稅比上年少進口洋貨土貨兩稅比上年加倍尤多直隸兩口比上年多有一半進口貿易稅已加倍東魯稅數比上年多二分五煙臺膠州所增分數兩口相等四川稅比上年多有二十分所多全在土藥湘省兩口比上年稍好以地勢而論長沙總算原貨出口之處是該較多漢口總數比上年是少運運進口貨稅則多一半長江下游征收如故蕪湖略多九江鎮江兩口比上年稍遜上海本年征收總數比較上年多有一百七十五萬六千七百五十二兩以三十六口共多之數上海一口已占一半論進口稅比上年則多一百八十六萬一千九百九十二兩出口稅比上年則少十五萬五千四百七十五兩其餘各稅上下有限浙江全省所少甚多各項稅數均減故閩省各

口愈趨愈下。殆由出口茶葉年減一年。洋藥亦係少銷。廈門一口尚無增減。粵省各口並橋州在內。本年征收六百六十二萬一千八百七十一兩。上年征收六百三十八萬五千十五兩。九龍拱北兩口比較極多。足見廣州與西江之往來依舊是用土船。瓊州出口貿易亦甚興旺。洋藥銷數亦多。邊疆各口比較上年尚無意外情形。惟蒙自一口進口稅貨少。出口稅較多。

一外洋貿易。本年進出洋土各貨估值。關平銀共六萬七千四百九十八萬八千九百八十八兩。比較上年以百分計之。則已多十六分。北自牛莊起至溫州止。長江一帶在內。本年百分之中占有七十二分。南自三都澳起至北海止。占二十六分。半邊界各口占一分。半上海一口係進出貨物最關緊要之處。故特提出計占五十三分。若連交涉各口在內。則占七十四分。以進口貨價與出口貨價每年互相比較。其數相距更遠。論進口貨價。本年比上年多有三十分。出口反少五分。上年進口比出口已多四十三分。本年進口比出口則多九十七分。詳細情形另敘在後。茲查中國外洋貿易估值全數之內。進出香港地方已占四成。雖該處出產銷場均甚有限。不過轉運貨物。而歷年所造關冊實已算入該處之貨。既有此層。則使中國與各國貿易之價值大為紊亂。不能核實稅務司現欲分明由某國來實在若干貨。

往某國去實在若干貨無已惟就各該國已造之一千九百三年之貿易總冊因是年以後之冊尙未造全故按是年與中國往來洋土各貨之數香澳兩處亦算在內因中國冊報已列入算外洋貿易所以一併計之若論查出各該國是年冊載之數與中國是年冊載之數縱不能一一相符而進口貨數已得九成八分出口貨數已得九成七分至於地方亦算全括在內惟俄國有兩端不同處一因該國貨物經過香港者無幾一因經邊界之貿易關冊多未載及論俄國冊載計值十八兆兩中國冊載俄國土產運銷中國者計值二兆三十三萬兩互相考較所少甚巨諒中國冊報亦並未列入別國數內仍有所短即係邊界貿易論中國土產運往俄國者按俄國冊載計值四十五兆兩中國冊載計值十二兆七十五萬兩內一百九十三萬二千一百二兩由陸路恰克圖經過三分之一是茶葉大半運往歐洲之俄國三分之二是磚茶運往亞細亞之俄國該數究如何算法亦甚不易姑就天津價值再加陸路運費二成五水路運費一成五惟即按此算亦不到十五兆兩尙有三十兆兩自係並不報關過界之貨除俄國外別國是年貿易冊載在香澳往來洋土各貨共三百六十兆五十萬六千七百兩中國冊載不過三百二十六兆九十一萬一百七十七兩所差之數殆因荷國所屬之應低島出產之糖由爪哇運至香港用機器製就再運別處大半不到中國所

以不能相符若照英國所屬之印度運來數目即能分明茲將印度關冊所載並由香港轉運中國各貨數目列表於後

印度關冊所載運往中國各貨數目 中國關冊所載由印度進各貨數目

千九三年四月一號起至四年三月卅一號止 千九三年正月一號起至十二月底止

印度出口數目

中國進口數目

洋藥	六萬三千二百四擔	三萬九千四百九十	五萬九千三百六十四擔	四千四百五十一萬六千二百七十二兩
印度棉紗	一百七十六萬九千七百十四擔	四萬一千一百六十四萬	一百八十九萬六千六百六十四擔	四千五百五十一萬五千三百六十三兩
印度布疋	一百一十一萬八千九百一十一碼	八萬二千三百兩	一百六十六萬七千八百碼	十五萬九百六十五兩
印花棉花	十三萬八千三百十二擔	二百三十八萬八千兩	六萬三千二百八十一擔	九十九萬九百四十二兩
金銀	二千五百七十四萬五千二百兩	二百萬九百兩	八百七十一萬九千二百六十一箇	八十五萬一千五百四十四兩
布疋	一千四百六十九萬五千九百二十五碼	七十萬五千九百兩	一百九十六萬六千六百四碼	十二萬一千九百四十四兩
米	四十七萬擔	一百二萬七千兩	四十七萬擔	一百二萬七千兩
茶	五萬一千八百二擔	一百二十七萬二千兩	三萬七千五百八十一擔	八十六萬六千五百七十六兩

以上共值關平銀八千八百六十萬九千一百兩

以上共值關平銀九千四百三萬九千四百五十六兩

商務

海關通册處稅務司陳呈光緒三十一年通商各口華洋貿易情形

一百七十七

丙午

按此表由印度出口經過香港到中國之貨已得九成七分若照中國進口冊載尙增六分殆因日期先後不同之故

再論出口土貨照各國冊報共計二百五十三兆七十六萬九千兩中國冊報共計一百九十四兆八十六萬八千八百五十四兩是年關冊係按市價估值應再加出口稅銀裝船水脚兩項二十兆兩若照別幾國算法并應另加保險盤駁等費何以見得卽按英屬之印度關冊可以分別印度關冊所載中國土貨估值一千三萬兩按中國各口所報往印度之土貨不過一百九十四萬四千餘兩印冊載明絲經綢緞計值四百二十二萬七千兩茶葉計值七十四萬七千兩以上兩宗實係中國土產按照印冊所載之車糖估值一百七十四萬兩紫銅四十九萬九千兩車糖大半不是中國土產紫銅全然不是再除由香港轉運臨近中國暫屬別國所轄地方尙有些須貨物以及冊報日期先後不同估價章程又有區別外則查明各國冊報進出貨價與中國冊報互相比較始能不相上下茲將各國進出冊報數目與中國冊報分別列表於下

外洋貿易內分二則

- 一 進中國口岸之洋貨照各國出口冊報比較中國進口冊報
- 一 出中國口岸之土貨照各國進口冊報比較中國出口冊報

光緒二十九年中國外洋實比較表

進中國口

照各國出口册

照中國進口册

出中國口

照各國進口册

照中國出口册

甲 俄國	一千七百九十五萬兩	二百三十五萬五千兩	四千五百二十萬兩	一千二百七十七萬七千九百六十七兩
乙 丹國	十六萬一千兩		四十萬兩	
比 國	七百五十六萬七千七百兩		二百七十四萬一千四百兩	
法 國	二百五十四萬一千九百兩		五千六百三十一萬八千一百兩	
瑞 士	二百二十三萬七千一百兩		三百七十八萬四千五百兩	
德 國	二千三百八十萬兩		一千二百四十萬兩	
奧 國	無册		二百七萬二千兩	
義 國	一百四十七萬二千兩		二千二百四十七萬一千五百兩	
除俄國外以上各國共三千七百七十二萬九千七百兩		二千二百三十五萬九百八十三兩	一萬八千七百五十九兩	三千四百五十七萬三千四百四十五兩
英 國	七千三百四十萬兩	五千六十三萬三千七百七十二兩	二千四百七十二萬兩	一千二百萬四千九百五十五兩
丁 國				

商務

海關造册處稅務司釋呈光緒三十一年通商各口華洋貿易情形

一百七十九

丙午

商務

海關造冊處稅務司羅呈光緒三十一年通商各口華洋貿易情形

一百八十

十二月

次拿大	二十八萬兩	六十二萬七千四百七十二兩	八十八萬兩	四十五萬四千三百五十六兩
英國	四十二萬九千九百六十九兩	二千五百八十七萬一千二百七十八兩	四十三萬三千七百六十四兩	一千九百五十二萬八千一百十六兩
美國	四十二萬九千九百六十九兩	二千五百八十七萬一千二百七十八兩	四十三萬三千七百六十四兩	一千九百五十二萬八千一百十六兩
日本及臺灣	七千七百三十一萬兩	四千六百七十萬七千四百四兩	四十一萬五千兩	三千四百三十三萬三千四百三十五兩
澳大	一百四十萬兩	三十七萬二千四百一十一兩	四百二十萬兩	十萬三千九百一十一兩
新加坡等處	一千三百八十萬兩	三百八十八萬三千三百二十二兩	二千七百七十三萬兩	三百四十九萬八千四百三十五兩
應低島	二千二百八十七萬六千兩	三百七十一萬一千八百八十六兩	七十五萬七千五百兩	四十五萬五千六百七十九兩
印度	九千七百三十三萬五千兩	三千三百八十五萬六千二百三兩	一千三萬兩	一百九十四萬四千四十三兩
香港	無冊	共一萬八千七百九十一萬四千七百三十一兩	無冊	共一萬一千九百九十五萬九千九百九十五兩
澳門	無冊	一萬三千六百五十二萬四千五百五十三兩	無冊	八千九百九十九萬五千六百五兩
除俄國外以上統共三萬六千五百六十七百兩		三萬二千六百九十一萬一千七百七十七兩	二萬五千三百七十六萬九千九百九十九兩	一萬九千四百八十六萬八千八百五十四兩

以上表中所載貨價若按各國之國幣與中國本不相同稅務司係以光緒二十九年匯票酌中時價折合關平銀兩再表中凡註天千字樣詳細原故解釋如下 甲運至香港澳門

貨價亦載各國出口冊內 乙丹國冊報原不止此數現提一半即因該國冊載全數係運往東應低島以及中國等處以此核度運銷中國之貨尙占一半 丙瑞士國冊載之數係運中國及法屬應低島一併在內 丁英國全年冊報係自一千九百二年四月一號起至次年三月三十一號止 戊美國全年冊報係自一千九百二年七月一號起至次年六月三十號止 己日本國冊報係除臺灣由廈門出洋之數不在此列 庚糖茶兩項價值凡由爪哇運往香港之數係在荷國屬地冊報查出蘇門搭臘煤油係在中國冊報查出 辛印度全年冊報係自一千九百三年四月一號起至次年三月三十一號止 進口洋貨本年價值淨數關平銀四萬四千七百九十一兩內北方長江中間等處共占七十六分南方占二十二分半邊界占一分半比較上年多有一萬三百四萬一百八十三兩所多之數以成數而論棉貨一類已占一半五金占四分之一雜貨占四分之一洋藥本年進口五萬一千八百九十擔以斤兩論不過少五分以價值論則少八分大土上年所短之數本年已復比前年多一千三百四十三擔比上年多四千六百六十六擔小土比前年少七千九百三十一擔比上年少七千五百四十二擔北方各口本年銷數略多本年計六百九十擔上年計六百五十七擔其故殆因東三省所出之土運出不易長江所銷

商 務

海關通冊處稅務司羅呈光緒三十一年通商各口華洋貿易情形

一百八十一

丙午

大土本年更少共計僅有七千一百六十九擔上年則有九千七百四十五擔所少之數諒以上藥補之上海本地及相近之內地本年共銷一萬四千八百一十一擔上年一萬五千二百三十三擔蘇州併計在內浙省各口本年不過四千四十一擔上年則有四千八百十三擔自香港徑運之他口福州本年僅有六千六百擔上年則有七千二百七十三擔粵省並梧州在內本年一萬八千六百九擔上年一萬七千六十一擔粵省各口均多惟汕頭未見加增拱北一口本年多銷五百十八擔比較上年多四十分據該口稅司云本年由港逕運廣州灣之土少有八百三十八擔瓊州上年僅有四百五十擔本年多至一千七十五擔該口稅司所論與拱北情形相同廣州灣已與法國立約專作貿易不得稍礙地主之利權本年情形已變其效可知綜論洋藥所少之故中間各省長江一帶以及浙江洋藥既減土藥必增金價漸賤洋藥成本較輕印度辦土公家不照尋常辦法貨能多運價亦稍減如無以上情節恐銷路更少中國土藥年輕嗜好之人業已食慣洋藥從未入口自以土藥爲不壞兼之價值又廉誰不樂銷但恐日漸其多足抵印度之土中國政府已知此項土藥銷流甚大現已特派大員加抽膏捐於本年六月初一日設局先自八省開辦後再推廣十五省一律遵照此八省內如作一次抽收運銷各處概不重征再查捐稅并征辦法一由華船裝來每擔

共征一百十八兩九錢三分一由輪船裝來每擔共征一百三十四兩七錢九分但內四省如是辦法外四省則又不同每擔以一百四兩為度輪船土船所裝進出土藥惟宜昌一口可以查出茲將宜昌關查明近六年土藥進出擔數分別列表於後

光緒二十六年 二十七年 二十八年 二十九年 三十年 三十一年

二萬六千四百四十三擔

三萬五百五十五擔

二萬二千九十八擔

二萬四千八百八十八擔

三萬六千八百五十六擔

三萬六千三百一十一擔

莫非鴉明報進口仍是有限本年報關完稅者共計不過英平五十四兩其中原委愚不多述但以廈門進口麵粉而論本年有一袋麵粉藏匿此藥其包已破和在粉中賣主買主均不知情誤毒二十餘人足見既有已破者必有未破每年夾帶進口其數諒有可觀即此一端餘可概矣棉貨一類本年價值比較平昔分外加大共計進口估值一萬八千一百四十五萬二千九百五十三兩以上年比之多三十一分半上年價值之大已屬意外而本年比較最大之光緒二十八年尚多三十分是年棉貨價值更正本年進口各色素布多而又多即如原色布粗布粗細斜紋布等類茲將近四年進口布疋數目分別列表

光緒二十八年 二十九年 三十年 三十一年

一千八百七十一萬四千六百九十九疋

一千三百五十六萬二千四百六十九疋

一千二百六十四萬八千四百四十九疋

二千七百七十二萬四千九百八十九疋

商務

海關通冊處稅務司羅星光緒三十一年通商各口岸洋貿易情形

一百八十三

丙午

上年年底外國市面棉花價低本年前三箇月此項情形上年論中已經敘明定貨極多迨至後來花價貴有六十七分西歷正月起至年底止每鎊價值自三箇辨士七五長至六箇辨士二五以致華商預定之貨因此更得意外之利茲將近三年運布最多之國分別列後

光緒二十九年

三十年

三十一年

英國 七百八十四萬
一千六百五疋

八百十萬九
千二百疋

一千三百五十四
萬八千二百五疋

美國 四百七十八萬二
千四百四十一疋

三百七十萬三千
五百四十八疋

一千二百五十六
萬六千九百三疋

日本 七十三萬七
百二十三疋

六十萬七千
三百十二疋

七十八萬五
百八十疋

印度 五萬三千
八百六疋

十八萬三千四
百六十一疋

六十五萬六
百三十六疋

若以外國各廠本年所占分數英廠占四十九分美廠占四十五分日本廠占三分印度廠占二分多花色棉貨類本年花價雖賤而布仍多上年值銀二千四百十六萬二千二百六十兩本年增至二千七百三十二萬八千六百五兩大概各色均多最多者是印花布義大利布棉羽綾棉氈等類棉紗各廠均多英國亦多上年共進口二百二十八萬八千七百八十八擔本年增至二百五十五萬三千七百九十七擔內印度占一百八十四萬六千八百四十六擔日本占六十八萬一千四百四十二擔棉紗雖多但不能如布疋之尤多以致被其壓

制歷年扯算酌中之數約占一半而本年價值總數之內不過占有三十六分中國紗廠全年工作甚忙所售之紗亦能獲利比較從前銷數更多兼之上海花價是低適值他處花價是高一高一低助其更旺五金類進口比上年加倍有多惟黃銅鉛錫水銀本年進口斤兩既少價值亦減鉛之少既由於出口茶少作箱有限又由於外國時價昂貴不能多運各色鋼鐵本年比上年均多五金進口總數估值四千五百四十二萬八千九百九十八兩內紫銅占三分之二銅絲並不在內茲將近三年進口紫銅分別斤兩價值於後

光緒二十九年 九萬一千九百七十一擔 二百五十萬六千七百四十一兩

三十年 二十八萬九千五百五十八擔 八百七十萬四千三百二十二兩

三十一年 九十六萬四千六百二十一擔 三千二百三十三萬三千五百五十二兩

白鉛前年進口一千九十擔上年一萬四千三百二十六擔本年忽增至三萬二千四百七十二擔前年進口已多於歷年而本年更多殆為攙鑄銅元之用外國米本年進口較少僅有二百二十二萬七千九百十六擔上年則有三百三十五萬六千八百三十擔長江出口運往廣東之米上年二百二十二萬一千四百八十三擔本年多至三百九十萬三千九百十二擔從各處運往廣東之米比上年多一成呂宋煙紙捲煙歷年進口俱多上年估值

三。百。二。十。七。萬。九。千。七。百。十。三。兩。本。年。增。至。四。百。七。十。三。萬。四。千。五。百。七。十。九。兩。家。用。雜。物。上。年。進。口。估。值。一。百。四。十。九。萬。一。千。八。百。七。十。七。兩。本。年。多。至。二。百。三。十。八。萬。四。千。五。百。三。十。四。兩。各。類。酒。如。啤。酒。燒。酒。等。上。年。估。值。二。百。七。萬。七。千。五。百。九。兩。本。年。多。至。三。百。二。萬。八。千。四。百。十。七。兩。此。係。淨。數。尙。有。復。運。出。洋。家。用。雜。物。計。值。五。十。一。萬。六。千。八。百。六。十。七。兩。各。色。酒。計。值。四。十。七。萬。四。千。六。百。七。兩。此。項。所。多。之。一。百。萬。兩。均。是。運。往。戰。地。如。不。爲。退。至。滿。洲。之。外。離。中。立。地。方。過。遠。盤。運。維。難。恐。尙。不。止。此。麵。粉。除。復。出。口。外。本。年。進。口。淨。數。計。九。十。三。萬。一。千。七。百。六。十。一。擔。比。較。上。年。銷。數。相。同。惟。從。前。全。是。美。廠。本。年。忽。有。澳。大。利。亞。若。干。進。口。若。連。復。運。出。口。在。內。上。年。進。口。九。十。三。萬。九。千。四。百。四。十。七。擔。本。年。九。十。八。萬。八。千。四。百。二。十。三。擔。均。由。上。海。運。往。戰。地。北。邊。及。中。間。等。省。進。口。百。貨。價。值。之。內。共。占。七。十。五。分。而。麵。粉。一。項。竟。占。三。分。之。一。恐。華。人。漸。漸。樂。食。仿。製。機。器。麵。粉。并。用。中。國。麥。子。磨。成。上。海。一。口。上。年。運。出。此。項。麵。粉。二。十。三。萬。二。千。四。百。四。十。七。擔。本。年。多。至。三。十。二。萬。六。千。三。百。九。十。八。擔。所。多。之。故。或。爲。哈。爾。濱。廠。內。所。出。之。粉。不。能。運。至。中。國。但。非。定。論。若。謂。北。方。兵。士。日。食。所。需。是。以。暢。銷。此。則。實。有。可。憑。至。於。歷。年。銷。數。最。多。者。是。逕。由。香。港。運。往。之。各。口。緣。該。處。華。人。由。外。洋。回。國。食。慣。洋。麵。愛。不。能。舍。惟。本。年。進。口。之。數。反。少。於。上。年。上。年。七。十。萬。七。千。擔。本。年。六。

十六萬二千二十五擔況此數內尙有澳大利亞運進之粉在內以此觀之抵制一層是有效焉顏色類如蘇木栲皮靛青此係生成顏料近年進口均少大約多用製成之色不用生成之物煤油一項總算立於不敗之地本年進口一萬五千三百四十七萬一千八百三十加倫上年進口原屬過多以之比較故少三百四十一萬九千四百四加倫美國煤油上年與本年計占四十三分至五十二分俄國上年二十一分本年八分蘇門搭臘上年三十五分本年三十二分波羅島油上年有限本年占有七分俄國之少因其最大油廠被焚既有此故抵制美貨是以難成鐵路器具上年進口估銀六百四萬六千四百五十九兩本年多至七百三十四萬六千七百三十九兩鋼軌值價五百萬兩尙不在內他種機器上年值銀二百六十六萬三千九兩本年多至五百三十三萬六千九百二十七兩糖進口年盛一年前年三百二十萬二千九百八十擔上年三百七十四萬七千五百六十三擔本年更多增至四百六十二萬六千七百七十五擔內有若干華糖由香港轉運進口不能分晰但本年報運出口之糖僅有五十一萬九千二百一十一擔以此論之復進口之糖縱有亦不過爾爾車白糖進口歷年均多此亦顯而易見者臺茶由廈門復運出洋近年皆減茲將近四年臺茶復運出洋之數分別列後

商務

海關通商稅務司詳呈光緒三十一年通商各口岸洋貨貿易情形

一百八十八

十二月

光緒二十八年

二十九年

三十年

三十一年

十四萬三千八百九十六擔

十一萬九千四百八十八擔

十萬一千七百六十一擔

九萬六千六百一十一擔

復出洋各貨共數一千四百九萬三千七百四十一兩內中臺茶占二百五十五萬四千六百九兩棉貨占五百二萬六千四百八十八萬九千二百三十三兩麵粉牛奶家用雜物各色酒共占一百四十萬八千一百三十一兩出口土貨本年價值關平銀二萬二千七百八十八萬八千一百九十七兩北邊及長江並中間各口共占六十三分南邊共占三十五分邊疆僅占二分比較上年已減一千一百五十九萬八千四百八十六兩其所減之故殆因幾種貨物收成不佳匯票喫虧忽長忽落不能預料即如茶葉上年出口價值有三千二十萬一千九百六十四兩本年不過二千五百四十四萬五千六百五十二兩估價之少既因貨色出數較減售價又賤本年出口紅茶五十九萬七千四十五擔比較上年少有十五萬二千擔紅茶酌中價值本年每擔二十一兩三錢上年二十二兩一錢推原其故頭茶是因春雨太多春寒過重致使色味欠佳收成較減迨至二茶既多且好應該得售善價無如適逢匯票價長銀兩喫虧綠茶尤壞雖出口之數仍有二十四萬二千一百二十八擔與上年尚能相等而價值每擔止得三十四兩二錢五分上年每擔則售三十九兩二錢五

分足見茶務仍無起色紅茶貨出既少價值又賤綠茶貨出不少價值大減紅綠磚茶上年四十四萬七千六百九十五擔本年出口雖已增至五十一萬八千四百九十八擔惟比較光緒二十九年未有戰事以前仍少十萬擔冊內所載運往之國究非實銷之處若論運往歐洲各國尤無可憑何則冊內所報運往英國紅茶二十五萬二千八百四十一擔綠茶三萬四千五百二十四擔磚茶六萬八千三百三擔由香港裝輪各茶尙不在內磚茶僅銷俄國上年論中已經敘及其餘各茶亦有若干是銷俄國溯查光緒二十八年冊載運往英國十一萬六千擔二十九萬五千擔三十年二十八萬二千擔三十一年二十八萬七千擔如以總共出口而論比前更少就英國一國而論比前反多按英國進口冊報三十年進口茶葉連由香港轉運之數在內共計二十萬四千三百擔三十一年十一萬三千八百五十擔卽此兩年中英兩國冊報所差二十五萬一千擔閱中國關冊是報運英國其實俟抵英國尙須轉運別國者查英國進口冊報此項茶葉尙有許多復運出口論光緒三十年英國實銷華茶八萬二千八百六十擔三十一年實銷四萬九千九百四十二擔論三十年英國銷茶總數中國及他國茶一併在內一百九十二萬四千九百五十擔三十一年一百九十四萬三千一百六十五擔茲將中國出口冊報與英國進口冊報互相比較除轉運外英國實銷

商 務

海關造冊處稅務司譯呈光緒三十一年通商各口華洋貿易情形

一百八十九

丙午

華茶若干表明如下

光緒三十年

三十一年

中國出口冊載

由香港轉運不在內

二十八萬二千擔

二十八萬七千擔

英國進口冊載

連香港轉運在內

二十萬四千三百擔

十一萬三千八百五十擔

英國實銷淨數

八萬二千八百六十擔

四萬九千九百四十二擔

按日今中國運銷英國茶葉之利權已失不少論英國銷茶總數中國近年不過僅占二分半將來所恃者惟極品茶葉為他國所不及者又平常茶葉格外價廉亦為他國所不能者並將英國泰晤士日報所論整頓華茶辦法附列如下查該報內載英國何以少銷華茶即因貨色漸低之故如能講求種製所運皆上等紅茶價值能廉倫敦市場易於銷售惟華茶改辦亦是難事吾恐後來茶葉愈銷愈少聞俄商亦樂辦印度錫蘭茶葉不少以致茶價日昂不獨倫敦此項茶葉價漲即葛倫縐葛里葛達茶市地方價值亦因而加貴其種製等法中國現雖派有熟悉茶務人員查明實係高於中國種製等法無如情形不同該員回國聞祇能小試其端斷不能驟如英人辦理印錫茶葉之法絲及綢緞本年出口價值共計七千三十九萬三千八百三十三兩在百貨總數內已占三十一分比較上年少有八百萬兩論

出口總數之少，即少在絲茶兩宗。白絲上年出口三萬四千二百三十八擔，內中上海占三萬四百八十二擔，廣州三千七百三十三擔。本年出口僅有二萬四千二百七十擔，內中上海占二萬一千四百三十擔，廣州占二千八百三十九擔。機器繅絲上年出口四萬七千二百八十七擔，內中上海占一萬二千七百五十四擔，廣州占三萬四千五百二十一擔。本年出口僅有四萬五千三百四十七擔，內中上海占一萬二千七百九十一擔，廣州占三萬二千三百七十八擔。黃絲增減無幾，野蠶絲上年出口三萬三千五百二十七擔，本年僅有二萬五千五百八十四擔。詳查少出之故，殆為上海之貿易春令天氣不和，忽寒忽煖，蠶易受病，所食桑葉亦不見佳，兼之外國近來多半是用各該國自繅之絲，茲將各色絲及綢緞與日本近三年出口價值互相比較列表於後：

光緒二十九年

三十年

三十一年

中國 七千四百二十八
萬九千七百三兩

七千八百二十五萬
五千四百十二兩

七千三十九萬三
千八百三十三兩

日本 八千八百
八十萬兩

九千五百
三十萬兩

七千七百
十八萬兩

又將出口白絲以及機器繅絲比較斤兩開列於後

光緒二十九年

三十年

三十一年

商 務

海關通商稅務司轉呈光緒三十一年通商各口華洋貿易情形

一百九十一

丙午

商務

海關造冊處稅務司羅呈光緒三十一年通商各口華洋貿易情形

一百九十二

十二月

中國 六萬三千三百二十擔 八萬一千五百二十五擔 六萬九千六百十七擔

日本 七萬三千一百五十五擔 九萬六千五百八十六擔 七萬二千四百十九擔

中國蠶絲或盛或衰公家本不過問惟冀養蠶戶口留心考察俾可收回利權本年出口豆餅雖比上年分外增多然尙不及二十九年之數查本年出口二百八十九萬七千九百四十八擔前年出口三百四十萬三千七百四擔東三省此項出口貨物雖因內地運輸不便而在此項出口總數之內仍占一半有多山東占四分之一長江占五分之一豆子本年出口二百六十六萬五千五百二十三擔比較前年數適相平東三省占三分之一長江占五分之三此長彼短出口總數尙不見虧出口棉花如與上年比較雖則是少但尋常年分不過如此因上年別國款收適逢其會本年計七十八萬九千二百七十三擔酌中時價每擔值銀十五兩二錢五分上年值銀二十兩二錢比本年多有一千三百萬兩可見擔數雖減尙不致如價值之更有甚焉第因適逢水災擔數既減貨色又低加之銷路金價又有更變得銀更少上海貿易情形外國市價日漸其長中國花價日漸其低凡業此者無利可獲各種蛋并蛋白蛋黃銷數有二百二萬一千五百八十九兩蛋白均自上海出口蛋自上海出口占三十五分自廣東出口將近六十分牛皮本年出口大爲減色殆因中國農事大興藉

其耕種況中國斷不特意畜牛運往外國且牛肉一物華人有戒食者有不愛食者地勝出口亦少上年論中曾云來年此項貿易當可興旺孰知億不得中仍失所望五金之中錫與水銀出口均少生鐵加倍雲南錫加一半各色炸油子本年甚多芝蔴更多第因天氣宜於此項而不宜於棉花及絲茶等物菜子出口計一萬九千七百五十一擔上年僅有五千四百十七擔然究不如光緒二十八二十九之盛二十九計有十四萬七千四百三十三擔二十八計有二十三萬六千四百七十二擔草帽緞多於上年上年八萬六千一百一十擔本年增至十一萬二千二百二十二擔所多之故諒是經手商人因匯票行情不佳願意自貶其值從速銷售作偽之弊仍不能免惟望商會中人相勸改良細心工作揀選草料不撓偽貨則將來此項貿易真有不可限量者再因有無鐵路使山東兩口於此項貿易大爲更變在二十九年煙臺出口占七十分膠州不過三十分三十年煙臺僅占四十分三十一年更少僅占二十一分餘則全歸膠州可見有無鐵路既分遲速又分勞逸人所共知所以鐵路不能不辦糖之貿易似已復舊瓊州本年出口比上年更多南方各處所出之糖總不能如荷國所屬之應低島機器所製車糖若論東方所出之糖其銷路被其漸占殆因味好而潔人皆樂食之故綜論土產與作出口貿易者本年均不見佳理應整頓以冀挽回

一船隻本年進出噸數共計七千二百七十五萬五千五百四十七噸比較上年則多八百九十八萬八百四十一噸以百分計之是多十四分所多均係輪船若論各國船隻本年所占分數均有加增英國本年共二百十六萬一千七百八十五噸比上年則多七分前年總數內占四十九分上年占五十一分半本年占四十八分德國本年共五十八萬五千五百六十七噸比上年則多八分即在總數內本年占十一分上年占十二分日本國已與未戰之前相等前年有七百九十六萬五千三百五十八噸上年減至四百二十九萬三千五百五噸本年又有六百二十三萬八千九百十八噸上年在總數內占六分半本年在總數內占八分半腦威國本年加倍總數內亦占四分法國二分以外美國二分以內其餘各國不及半分中國比上年多一百五十七萬七千五百五十九噸論分數即多十四分均係洋式而且輪船居多土船按照各章到關掛號者比較不相上下該兩類船隻在本年總數內亦占二十二分半本年出口華工往非洲者共計二萬三千九百八十四名合併聲明

一金銀及銅元進口本年共估值關平銀四千二百九十一萬八千九百六十九兩出口共值四千二百六十七萬五千四百五十五兩銅元照例不准出口除此估值外進出適足相抵惟所論亦非實情因此中尚有兩故一視金銀爲一樣實在金子是抵匯票不當錢用一

香港係南邊金銀交接總匯之區關冊列入外國一類不以通商貿易地方視之金子進口淨數計值七百萬兩運到上海之金北邊九十三萬七千七百十兩四川八萬五千兩照表視之在中國祇少八百萬兩實在不是此數從日本運進金元有四分之三是在上海鎔化金條或逕運他國或由香港轉運銀子進口計值三千一百四十二萬八千七百三十四兩內有四分之一亦是銀條四分之三是銀元出口計值三千八百六十二萬四千九百一十一兩八分之一是銀條餘則俱係銀元論銀條除對抵外淨進口三百萬兩銀元出口一千萬兩截長補短實出口尙有七百十九萬六千一百七十七兩進口銀條只有八分之一自亞細亞來銀元二十分之一自歐美兩洲來統共進口銀元二千三百五十萬兩內有一千九百萬兩係由香港來統共出口銀元三千三百八十萬兩內有三千二百五十萬兩往香港去銀條進出全在上海一口銀元進口淨數係九百萬兩廣州汕頭兩處出口則有一千七百二十五萬兩上年論中已云失去一千二百萬兩殆自江西湖北暗中帶進不少否則即係華工回國進口隨身帶回者亦有可觀所帶此款想是仍作貿易之用由越南之東京運進蒙自口銀元二百萬兩內有粵人工價帶回廣州亦不報關若論南邊與香港金銀之交接已算失去在北邊各口彼此往來頗有情節北邊三口及煙臺除互相進出外全係上海

商 務

海關進冊稅務司譯呈光緒三十一年通商各口華洋貿易情形

一百九十五

丙午

運往已有四千萬兩官運東三省之款固不在內尙有銅元值價六百萬兩係由上海運去亦不在內由各口運到上海大半是長江以及中間等口漢口進口七百五十萬兩多半是由四川湖南兩處所運由漢口運出五百萬兩大約全到上海由四川運出現銀既冒風波之險銀兩進出情形諒有所爲愚細核香港進出金銀數目得其大略情形特列一表俾可分別香港與各口及外國往來之數香港有在內不在內之分

金銀進出表

由外國運進中國

香港在內

金一千一百十萬
九千六百八兩

銀三千一百四十二萬
八千七百三十四兩

內除香港九萬四
千四百七十七兩

一千九百四十一萬
六千三百三十四兩

淨進口一千一百一萬
五千一百六十一兩

一千二百一萬
二千四百兩

由中國運出外國

香港在內

金四百五萬五
百四十四兩

銀三千八百六十二
萬四千九百一十一兩

一百五十六萬二
千二百四十七兩

三千二百五十五萬
六千七百四十九兩

二百四十八萬八
千二百九十七兩

六百六萬八千
一百六十二兩

由外國運進香港

金四百六
萬五千兩

銀八百十
八萬兩

兩共一千五百八
萬一千六百一十兩

二千十九萬
二千四百兩

由香港運出外國

金八百五
十四萬兩

銀三百三十
六萬六千兩

一千一百二萬八
千二百九十七兩

九百四十三萬四
千一百六十二兩

全統總通數三千五百二十七萬二千五百六十一兩

總共出數二千四百六十九萬二千四百五十九兩

以此核奪中國關冊所報金銀合計中國是失去十三萬七千一百十三兩若只論銀兩則有七百十九萬六千一百七十七兩推原其故是以香港為外國運往之數不算中國如以通商地界而論金銀合計中國則得一千四百八十一萬一百二兩如論銀兩亦有一千七十五萬八千二百三十八兩皆由外洋運來者再查本年年底上海各銀行市面行用之鈔票計值關平銀二百九十六萬二千二百兩所存現銀計值九百十萬兩香港銀行本年十二月分用出鈔票酌中之數亦值一千二百二十一萬九千五百四十四兩迨至開年正月用出之票則值一千四百十九萬九千兩

銅元本年由漢口運往上海鎮江兩口值銀五百三十三萬兩上海本年進口值銀七百四十九萬四千一百九十九兩內係漢口杭州廣州三廠所出上海本年出口值銀六百六十六萬七千四百二十八兩大約全是運往煙臺膠州天津三處蘇州出口未全報關照上海進口之數以及漢口除運上海外尚有運往別口大約本年銅元共出箇數有一千六百兆至一千七百兆不等想總是湖北廣州杭州三局所鑄往來貿易口岸各省所設仿鑄銀銅等幣之廠一年之內工作極煩懣所得消息尚未全備亦不能以為定論聞一元所鑄大約有

商務

海關通商局稅務司詳呈光緒三十一年通商各口岸洋貨情形

一百九十七

丙午

二千萬塊小元若照來信所云已鑄七千二百五十萬箇合作一元計一千四百四十三萬二千八百塊論一年以前價與一元相平現在又多五分制錢縱鑄無幾聞武昌有開鑄之說一分銅元所鑄過多甚爲可慮照各來信及各口已運進之銅斤本年各廠所鑄銅元約計應有七千五百兆箇自初創起迄今亦應有一萬兆箇此數更靠不住殆爲此項利益均係各省所自得不歸國帑故無把握卽以進口銅數因銅元估價日減各局所鑄亦少現存之銅過於應用之數環球市面銅價大長當各局採辦若許銅時每噸市價不過六十六鎊至七十鎊迨至上年年底已長至七十九鎊各局所存之銅有許多轉售出洋尙不喫虧銅元過多價值日賤上年論中曾已敘明如謂百姓樂於使用取其簡便則鑄出若干應該立卽流行毫無阻滯不意絕不相符除去日用減省之故外竟無他論六月各內地有信來云銅元值價甚賤卽貿易最關緊要之上海運來銅元亦卽減價比如人病業已成眞欲救不及國家設立作工之處所用工人工價均付銅元值價既賤是暗中已打九扣如不另加一成均不肯受以致市面銀根亦卽更變一元原兌制錢八百八十文卽合銅元八十八箇一月一內陡長至九十六箇自此以後漸漸更長長至年底已有一百七箇及至今日著論時每銀一元兌有一百十箇一年之內自始至終互相比較其價已減二十二分至於價賤各

省。皆。然。所。差。有。限。推。行。已。廣。愈。多。愈。賤。恐。從。前。所。有。之。制。錢。分。量。較。輕。者。均。運。內。地。分。量。稍。重。者。均。經。私。燬。溯。查。上。年。論。中。曾。云。比。如。工。商。人。等。每。日。工。價。賺。二。百。文。不。獨。足。够。俯。仰。且。可。另。購。并。非。日。用。必。需。之。物。今。則。不。然。僅。免。室。家。之。凍。餒。等。語。觀。本。年。情。形。足。知。前。言。之。不。謬。若。論。本。年。米。價。照。銀。數。計。之。并。不。為。貴。比。如。一。樣。價。值。用。銅。元。去。購。則。貴。有。將。近。三。分。之。一。按。萬。國。歷。史。所。論。則。有。兩。款。一。用。新。幣。之。值。較。低。於。舊。幣。以。新。幣。定。貨。其。價。加。貴。自。與。所。加。工。價。不。能。相。等。此。理。各。國。皆。然。想。中。國。亦。不。能。外。是。一。大。凡。新。增。一。事。受。虧。者。皆。是。百。姓。政。府。視。百。姓。受。從。前。未。有。之。虧。亦。未。能。窮。究。其。故。並。有。人。言。銅。元。有。兩。層。流。弊。最。關。緊。要。一。銅。色。不。好。一。所。鑄。過。多。愚。按。此。論。究。不。足。信。何。則。當。開。鑄。之。時。頗。為。講。求。如。隨。手。提。出。若。干。箇。鎔。化。考。驗。有。係。全。銅。有。係。九。五。大。約。每。箇。銅。元。均。用。紫。銅。一。錢。九。分。間。有。幾。廠。雖。攪。鑄。黃。銅。內。中。紫。銅。亦。有。七。八。十。分。隨。即。停。鑄。至。於。多。鑄。一。節。尤。不。易。言。第。因。為。時。未。久。尚。難。查。核。譬。如。華。人。每。人。每。日。應。用。銅。元。二。十。五。箇。以。四。萬。萬。人。計。之。現。出。之。數。并。不。為。多。美。國。金。元。每。人。日。用。派。有。十。五。元。以。為。比。例。則。多。百。二。十。倍。但。有。一。層。尚。當。記。憶。者。中。國。之。用。銅。元。猶。之。各。國。用。金。銀。銅。幣。一。樣。中。國。之。用。銀。兩。猶。之。各。國。之。用。鈔。票。一。樣。其。鈔。票。有。國。家。所。出。有。銀。行。所。出。之。分。此。層。比。較。不。免。過。遠。以。每。人。日。用。二。十。五。箇。銅。元。不。過。中。國。箇。半。工。價。美。國。

商 務

海關通商稅務司譯呈光緒三十一年通商各口岸洋貨貿易情形

一 百 九 十 九

丙 午

金元十五箇則有美國十日工價卽此以觀現出銅元固不算多若照以上所論兩層流弊實非握要之見另有一論實係將來之大害一年以前原無關係半年以前易於補救迄今已成難事自當早爲整頓卽現在已需費必如從前各省所獲之利方能有濟否則民有不平總應設法以使其平若再遲延但恐難上加難真有不堪收拾者銅元各廠現已奏准統歸戶部管理來年四月初一日開辦此係極美之法惟尙有一層卽係無論定何章程各省已鑄之銅元應該一律視同戶部所鑄者並行不悖再總局分局定價不得兩歧公私出入不得有別

一雜論上年所論進口貨價多於出口已不爲少若以前年查出進口多於出口貨價三十分彼時尙能指出出口貨價并實有可憑之暗中入款足能抵進口貨價以及賠還洋款備辦軍械等項上年比進口計多四十三分本年進口貨價共計四萬四千七百七十萬九千九百九十一兩出口貨價共計二萬二千七百八十八萬八千一百九十七兩論進口貨多出口貨少如無意外情節應該銀價日賤進口商家爭買出口商家售出之匯票以付貨款適值出口商家無許多匯票售出自當金價是貴孰知不然本年不但不貴而銀價比較上年反長五分及至年底更長恐須再長之後方爲止境按此情形應當出口貨多進口貨少本年

反是雖則進口貨多其益亦在進口商家若照上海銀價以一萬兩買進匯票得金鎊一千五百箇上年亦是一萬兩得金鎊一千四百二十五箇以付進口貨價自有多寡之分出口商家上年本年同是售出金鎊一千本年得銀六千六百六十六兩上年則得七千兩將此銀兩以付出口貨價可見出口商家上年能得便益進口商家本年能得便益匯票價值原不能全爲中國貿易始有更動但買匯票價值並未有利銀價所長之高年底三箇月內之票價與定貨之數要低一箇辨士并有時兩個辨士進口商家向銀行買出匯票尙喫虧自三分以至五分不等彼以現銀運出如可不因水脚保費以及盤運工夫則可多得五分便益以上均言國內之故而國外亦有兩論一因環球各國近年鑛中出金較多四十年內每年酌中之數或鑄金元或製首飾不過二千五百萬鎊本年脫國金鑛已出金二千八十八萬二千七十四鎊各國共出七千萬鎊有奇以致價金漸賤銀價漸高一因銀子銷路有增印度鑄幣公家採買能鑄三千萬盧比之現銀目前并不鑄幣仍是存儲以待將來況已鑄盧比亦有可觀未經行用飛列邊島開鑄銀元所購亦多墨西哥國鑄元局中亦因洋元價貴將現存之元乘勢運出聞日俄兩國買現銀三千七百五十萬兩以備戰地用項再附近中國之東方各處其行情能使票價不跌銀價得高兩戰國須用銀兩頗多在北方所需之銀有

兩來路一係或匯上海或匯天津一係俄國盧布鈔票日本銀元戰票所匯之款總算暗抵貨色匯票存在上海迨進口貨物售出款項以抵戰票故無須買售出之票如是情形銀子立刻應當缺乏但是仍在國中及通商界內俟其用過或由別路轉回或將來轉回俄國盧布鈔票與匯票用法並無二致該票在行用地方尙有折扣所以經理該處財政之商人隨即收回大半是由上海運回俄國春令間有從哈爾濱經過者鈔票等類既已存多則進口商家無須再買出口商家之票匯票少用其款即由東三省華工所得以抵江蘇近年少銷之絲價日本戰票均是銀元不能照俄國盧布之票亦算金元得以立即取銀日本戰票大約計有七千五百萬塊六分之一在行用地方贖回六分之一原票收回日本情願九折尙有五千萬仍在東三省市面流行一千萬該國收回即算銀行進款一千二百萬流行中國即算中國進款惜乎關冊不載足見此等進項以及各人所帶現銀不知若干照以上所約之數日本戰票共計七千五百萬元本是通行往來不能意外核減俄國此路運來之項不能比此更少愚約銀行本年貿易實足有五千萬元甚至有七千五百萬元照此統共二百二十五兆合計關平銀一百五十兆全是戰國運來所以要算中國進款以此揆度暗中必有運出之物是以當知戰地以及附近戰國地方所用各款即算購辦中國之土貨再因戰

務該處民間損失等項亦係從此復回茲查本年貿易情形究竟孰贏孰絀分別出入兩款於後

出款

進口貨價

四萬四千七百十萬七千九百九十一兩

通商地界進口金銀

一千四百八十一萬一千二百兩

賠還洋款

四千二百萬兩

暗中出款

光緒二十九年所約之數

三千二百七萬兩

共五萬三千五百九十八萬八千九百九十三兩

入款

出口貨價

二萬二千七百八十八萬八千一百九十七兩

暗中進款

內除東三省鐵路及旅順駐兵等費外

一萬四千九百四十萬兩

共三萬七千七百二十八萬八千一百九

十七兩

照以上所核之數仍是出比入多一萬五千八百六十九萬二千六百九十六兩所短之數

商 務

津關道册處稅務司羅呈光緒三十一年通商各口華洋貿易情形

二百三

丙午

即·以·戰·票·補·之·則·出·入·贏·絀·之·率·庶·可·相·抵·

中國國家每年應還洋債賠款兩項爲數甚鉅無非以銀兌金但此等銀兩銀行收下之後究竟運往何處恐他人尙有未能盡悉者茲再詳細申明查借賠兩項每年約須金鎊六百二十五萬按光緒二十八年酌中時價計合關平銀四十八兆兩三十一年酌中時價計合關平銀四十二兆兩借賠兩款名雖出自國家實在出自百姓政府係經手過付之人即俗所謂君出於民民出於土有土此有財有財此有用用財是國家生財是百姓中國民間出入所需向以制錢購辦零星各物舖家收下集有成數兌換銀兩攜至行商採辦貨物行商繳關稅則用銀繳內地稅釐以及鹽課則用錢其餘稅釐或銀或錢即此以觀可知銀兩仍歸國帑各省公家亦不必兌取現銀即以此項銀兩匯至商務最大之上海所以現銀有限各省官款無非付給各省莊號各省莊號按數揭上海匯單一紙交與官中以便寄到上海道署緣上海道臺係政府特派經理賠還兩項銀兩之人道臺收到或取或存聽其自便如果果是存莊上照數收帳待至付還洋款之期道臺即揭莊票若干張分別交與各國銀行以清一期之洋款此官場經手之責已算完結再論中外商家與銀行如何辦理之法 一銀行收到莊款兌換金鎊以付洋款 一銀行收到莊票如何用法大約無論現銀劃帳總是

流通各省仍作交易 匯票如何辦法上年論中曾已敘明茲再附列於下

中國賠還銀兩交付在華之外國銀行若疑銀行收此現銀裝運出口未免大錯銀行之設係爲進出匯票有利可獲凡各項商家中外往來之貿易無非或運洋貨進口或運現銀進口或運土貨出口或運現銀出口彼此並無分別惟送現銀出口猶之以清水灌入田園究不如濁水之尤有滋潤銀行算是居間之人將賣出之票售與買進之人銀行之利即在進出經手之行用中國官場每付賠還款項實在是買匯票銀行收下現銀換給匯票與華官此項現銀並不裝箱運往外國仍是存儲銀行俟有商家持票來賣銀行收下換給現銀與商家商家即將此銀納稅與華官華官以之抵還賠款付與銀行銀行收下仍售與商家以作交易足見現銀並未流出不過互相輪轉而已論匯票與貨物之貿易情形本無二致譬如賣出者多買進者少價即漸落賣出者少買進者多價即隨長運洋貨進口之商人即將售出該貨之銀購進匯票寄至外國商人收到該票支取金鎊以付該貨之價本運土貨出口之商人售出匯票支取銀兩以備採辦土貨俟土貨運至外國變價以還銀行倘中國官場當買匯票之期進口商家亦欲買票同在一時彼此爭購出口商家所售之票剛剛是日作價七兩合金一鎊即如官場需購匯票一百萬兩進口商家亦需一百萬兩適值出

口商家欲售二百萬兩之票進出正可相抵匯票時價即無更動銀行之利全在買進賣出經手之行用賣出七兩買進約六兩九錢如出口商家所售者僅一百萬兩之票票價即長此亦尋常之事買者多售者少自然高其聲價若是長至八兩一鎊官場爲期所迫不得不買進口商家一半不能不買一半尙可待價出口商家原不願售七兩一鎊及聞時價長至八兩一鎊本擬售一百萬兩者現可多至一百五十萬兩即此以觀可知買進者減購五十萬兩賣出者多售五十萬兩銀行所得買進賣出之利收進則八兩一鎊付出則約七兩九錢尙有沾潤之處即在時價之更動銀行得信稍先而官場與商家不得而知票價既長進口貿易亦相因而改變進口貨價原值一鎊售銀七兩即敷貨本現因匯票價長七兩不敷須售八兩方敷貨本出口土貨在外國價值一鎊原係七兩現亦須八兩因此原故進口商家買進票少出口商家賣出票多此亦大眾之至理進口價長而貨少出口貨多而價亦多足見進出貨物在外國或賣或買雖仍是一鎊而在中國因匯票之長落則有七兩八兩之分洋貨因此少到土貨因此多售商家貿易大半進出總要相抵等語銀行收下道臺所付之莊票如在銀行缺少之時即向莊號支取現銀以歸成本若照尋常辦法莊號與銀行往來總俟中國年底結帳凡道臺所付之票莊上轉與銀行或欠或存不過劃帳倘有欠項總

當付利其利多寡一憑匯票之長落一憑市面之銀兩存多存少再能於調動若干譬如夏季到年尙有六箇月所欠銀行是八百萬兩市面調動可得六百萬兩銀行祇要取利五釐現銀僅得三百萬兩利息則須七八釐卽是欠款八百萬兩調動能於六百萬兩雖夏季利息五釐秋季亦須照七八釐算迨至臘月更大恐須一分或分二或分半莊上應當照此行市以付銀行利息莊上如付利五釐或一分則向別人必要加重或七釐或分二或分半莊上所得餘利仍是留作此項生意再莊上銀兩不獨借與上海各商並借與素有往來省分之各商商人恃此銀兩以辦洋土各貨所以匯票時價如有長落貨物價值因而加跌則當趕緊售出俾可獲利較多否則銀利過重亦能相逼速售何則因商人慮受重利祇要稍有所得亦願售出卽一無所賺仍以速售爲合算殆爲還清莊款庶免重利之累若論內地商人所借成本採辦土貨不是由本商自運卽是由別商代運或上海或他口既抵口岸照常情形均係待價而沽惟票價忽有變動洋商願出重價收買土貨貨主因其價大亦樂售出倘銀根緊急銀行利息加重莊上無款歸還現銀銀行卽須加重利息莊上既認重息亦祇得轉向借本之商人收取重息以償銀行此等商人既因票不轉期利又加重祇得速售土貨或賺或虧大半是得銀行支票若論洋商買進土貨之時亦有洋貨售出所售之款交

與銀行銀行卽以此款付土貨之支票華商所得支票之款無非歸還莊上仍轉付銀行以清欠項如是以觀可見土貨多銷卽係生財之道無奈現在中國情形尙做不到貨既不多必須現銀以補不足所以銀行欠項應候他處寄來年終方能結帳土貨多銷正所以輔助市面之平穩內地商人或在上海或在別口採辦洋貨入內銷售收其價值交與內地分莊以歸辦洋貨之借項譬如當時利息過重相逼貨主必須速售變價交款倘銀行反欠莊款或銀行與莊款存儲均多匯銀行情甚不合算莫如將現銀留在內地應該若干寄單到口如可缺銀卽當寄現惟寄現銀必多運費此亦無法之事何則如無現銀莊上所欠銀行之款無以歸還誠能如是則銀行莊號及商人一年往來款目算已完結比如重慶因匯水過大卽不得不裝現銀以至上海設或水脚是貴風波險惡亦所不顧國家應付洋款實與平常銀行貿易一樣且亦同貨物進出一樣比如土貨少出卽因絲茶減色內地應須銀兩自當缺乏銀行售出匯票因亦減銷銀行存儲餘款無所用之卽當運出但並未外溢因本年情節與尋常不同有許多進口貨銀得日俄戰票以相抵之如土貨出多銀行將銀借與莊上莊上轉借商人以作辦貨之本銀行銀子借出則可向洋商買匯票洋商卽將此款付華商前往內地採買土貨以備出洋總之每期付還洋款銀行直如債主向各莊收銀但非現

銀現銀往來與貨物之往來無異土貨多銷現銀不出土貨如減價值亦減應還國債即須現銀以補其缺足見歸還洋款是交土貨不交現銀土貨能多匯票價賤能使出產土貨之國獲益匪淺誠能官商一氣認真整頓土貨有利則興有弊則除中國地大物博何患不富甲天下茲將光緒三十年提出二十二種進口貨物之價值在是年百貨總數之內已占四成一又二十六種出口貨物之價值亦占六成二以此類推統共進出各貨以是年之斤兩擔正為準比較價值近四十年中每十年各有若干即如光緒三十年亦算一百正分別時價進口出口互相考核孰增孰減以定成數表明如下并附彼時匯票行情以便閱者一目了然

十年考核即以光緒三十年各貨斤兩担正考核價值	匯票行情	進口貨價	出口貨價	比較成數譬如進口十處出口減半即為已占五成
同治四年至十三年	八十二個辨士	二百八十二兩	一百八十七兩	六成六
光緒元年至十年	七十三個辨士	二百二十七兩	一百四十九兩	六成五
光緒十一年至二十年	六十二個辨士	二百兩	一百三十九兩	六成四
光緒二十一年至三十年	三十九個辨士	二百五十九兩	九十九兩	六成五
以上共計四十年通扯每十年酌中貨價及成數		二百四十六兩七十	一百六十一兩三十	六成五
		八萬七千五百兩	六萬二千五百兩	六成四

商務

海關稅務司呈光緒三十一年匯票各口洋貨貿易情形

二百九

丙午

現在提出各貨係因最關緊要比如進口土類若以統共扯算恐價過高反不足恃茲提是年兩種之價值以之比較堪爲明證至於各種土類在光緒三十年進口百貨總數之內計占一成一分四十年內兩種土類在二十二種內每十年扯算酌中之數如第一之十年期內占二成第二之十年期內占一成七第三之十年期內占一成九第四之十年期內占一成八論同治六年之土價在是年百貨總數內亦占四成出口貨物二十六種內現在查出不算大宗者已有其四此四種在二十六種內成數所占已不及一分愚所以列入其內者因從前實算大宗貨物機器繅絲係近來新增之貨前三十年冊內所無現在算法即按彼時白絲出口價值加四成六因現在白絲價值比如一百兩繅絲即售一百四十六兩進口貨中亦有兩種爲前二十年所無者即如印度棉花日本自來火四十年之估價即照已有此等貨物之第一箇十年酌中之價值核算再參看尙有用銀幾國之冊報因銀價日減貿易盛衰究竟如何諒係多備出口貨物以抵制進口者而出口偏是生成貨物並非製成俟抵他國製成貨物減於生成之數仍然運回原國銷售

即如出口棉花一百擔應紡紗七十擔運進原國現在反減則國以爲吃虧

又值匯票時價長落無憑則與所出生成貨物之國實在有礙直不啻爲其奴婢逐日勤勞助人富厚惟此等原故與中國情形迥不相同中國進出各貨每十年比較一次近四十

年。來。亦。占。六。成。五。分。四。每。十。年。內。所。差。不。過。一。分。四。以。此。看。來。貿。易。并。不。喫。虧。價。值。總。算。極。其。平。穩。或。者。另。有。他。故。但。非。從。銀。兩。價。賤。之。處。所。能。查。出。者。曠。覽。環。球。市。面。各。貨。價。值。皆。自。用。金。之。幾。大。國。所。主。持。但。此。語。不。免。過。甚。雖。間。有。變。通。然。通。商。各。國。之。貿。易。實。已。奉。行。惟。謹。即。用。銀。之。國。亦。包。括。在。內。論。從。前。各。國。與。中。國。往。來。貨。物。轉。運。稽。遲。彼時多牛是用。夾。板。運。船。水。脚。較。貴。進。口。成。本。較。之。近。來。須。加。若。干。方。能。相。抵。加。貴。之。水。脚。加。重。之。利。息。有。此。一。層。中。國。出。洋。土。貨。之。價。值。相。因。亦。減。緣。歐。美。等。洲。銷。流。已。屬。不。易。中。國。較。遠。更。為。可。憑。所。以。從。前。出。洋。貨。價。比。較。現。在。相。離。更。甚。因。此。原。委。故。使。進。出。貨。價。得。以。相。平。殆。為。進。口。貨。價。期。短。利。輕。成。本。較。少。售。價。即。減。出。口。貨。價。因。此。反。可。加。貴。一。增。一。減。是。以。兩。平。四。十。年。前。卡。少。捐。輕。內。地。售。價。與。口。岸。售。價。所。多。有。限。四。十。年。後。卡。多。捐。重。再。加。同。是。一。樣。價。值。之。土。貨。現。須。銀。兩。較。多。若。以。一。樣。銀。兩。比。照。現。在。金。價。採。買。土。貨。則。少。六。成。比。照。現。在。銅。錢。採。買。土。貨。則。少。三。成。中。國。數。萬。萬。人。以。土。貨。交。易。銅。錢。銅。錢。較。銀。兩。此。時。幾。增。一。半。比。如。從。前。須。銀。一。百。兩。現。在。則。須。一。百。五。十。兩。洋。貨。運。入。內。地。因。是。亦。當。變。動。再。有。意。想。不。及。之。事。售。主。總。當。預。留。地。步。高。其。價。值。以。期。稍。有。所。獲。如。是。以。觀。銷。戶。產。戶。兩。有。喫。虧。但。既。有。此。以。上。之。故。使。外。國。貿。易。各。冊。反。靠。不。住。一。謂。在。外。之。故。即。如。裝。運。利。息。等。事。二。謂。在。內。之。故。即。如。銀。兩。銅。錢。以。及。捐。卡。等。

事故產貨銷貨地方出入並無區別所以進出價值互相比較四十年來尙能不相上下再有情形不得不述者如上年論中曾經敘明中國商人頗有本領雖匯票長落亦能想法得其餘利美國曾有一人著書一篇論及華人最古之時懋遷聰明爲各國所不如他商亦以爲然但係空言迨至去年團結情形顯而易見其堅忍合羣之性直是生成有此力量所以與用銀之別國致有不同卽係天意所迫明知人力不能挽回亦能暫緩時日以致貿易冊中所論各節亦不足恃進口貨價銀洋之長係因匯票之故但成本較輕殆爲西方機器製造事半功倍而東方亦知此益現已設廠仿製出口土貨從前本可自定其值故高聲價而今則此權全失價由人定卽不能奇貨可居比如茶葉向係中國所獨有者本能自定價值而現在別國亦有在光緒二十七年至二十八年其值比較前三十年已少二成二分湖絲總算差強人意尙處適中地位雖不能如曩年極盛之景象却亦不致如茶葉之一蹶不能復振近年銷數尙有可觀況有天然各貨爲中國所獨擅其長者卽如麝香香油棉花草帽緞豆餅等類半由地土之所宜半由人工之極賤爲別國所不能攘奪者故近年所獲之利亦屬不少若除去所論華商獨具之本領則中國冊報與用銀各國之情形並無分別愚所云以上原故能使進口價減出口價增且冊報係按口岸所定其實不然價值係由內地銷

貨產貨戶口所定進口若干出口即應若干此理所當然倫或比較出口總應多於進口若按用銀別國之章程不是如此所以一樣斤重之貨物在別國冊報估價是少在中國冊報估價是多一多一少故使中國貿易冊報毫無增減

各省商務彙誌

京師○京師商品陳列所近已工竣開辦所有各省解交商品亦經陳列整齊光怪陸離頗稱美備所中設督理一員總協理二員庶務收支考驗度設等處各設一長計共四員稽查官一員理事員十員每處司事二人外有看護人四十餘人各有專司以資照料○外城各商自公益會議辦營業執照後商民稱便成效昭然茲聞內城各商會亦已稟准民政部仿照外城章程一律辦理業奉部批允准照辦由各商前往警廳領照註冊其章程如下 一本執照費係會同商董公議數目酌中辦理祇以各業成本虛實易於調查為宗旨 二每成本百兩繳照費三錢其餘以次遞增 三呈報成本請領執照須先期繳清照費方能給照開張 四凡呈報開市無論何項營業必須有資本相當之舖擔保方給執照 五執照祇憑本東呈報成本之數目填寫如呈報成本數目與本舖門面貨物大相懸殊者經本廳查實分別議罰 六未領執照私自開張者查出從重議罰 七更動股東不改字號另加某記者須報明領照新章納費 八領取執照後如有私入洋股或懸掛洋旗者查出將該舖封閉仍酌量議罰 九領取執照後如警廳有臨時發令禁止之事該舖不遵守者將原照調回暫行停止營業俟改正後仍將原照發還免繳照費

直隸○商部近以京張路工業將告竣張家口地方實為商貨轉輸最要之區查該處毗連蒙古道通俄國凡由東西兩路運貨出口多有赴蒙古經俄商銷售者並由蒙古俄境販運貨物輾轉輸運商買萃集據最近調查該處華商舖店共

有一千零三十七家洋商則有英俄德各國洋行共十七家商務日益發達當此商戰競爭之際亟宜聯絡商情固結團體較諸他處設立商會關係尤為重要惟是地處北邊開通風氣端賴地方官提倡維持力為贊助庶克早觀厥成爰將本部所定商會簡明章程咨行直督轉發該處地方官遵照切實勸辦並將辦理情形隨時聲覆核奪○豐潤縣屬河頭鎮水陸交衝商旅雲集近又新立集市商業益繁該處紳商董君治堂等因與商董公議設立商會以資聯絡衆均贊許爰即擬定章程尅期開辦命名河頭鎮商務分會並稟由縣令詳報直督轉咨商部立案

奉天○將軍趙次帥以奉天安東等處開埠在即亟應訂定章程俾資循守因即擬定章程九款咨呈外務部照會各國公使查照辦理其章程大致以該二處為中國自開口岸華洋商人一律營業奉天稅關以驛巡道為監督安東稅關以東邊道為監督界內工部局巡捕廳均歸中國設立辦理衛生消防巡警等事界內應抽之房捐舖捐碼頭捐行捐車捐船捐巡捕捐執照捐等均由監督酌令工部局抽收華洋人等一律照繳界內電燈電話自來水等亦歸工部局承辦務期鞏固國權振興善政以符自關商埠之意又聞奉天商埠地界已由次帥派員勘定小西關外奉新鐵路相近地方約一千畝作為公共商場業經會同各國領事勘立界石並與工修築馬路

山東○英商煤源火油公司即亞西亞火油公司前在青島起修棧房油池一處託德商瑞記洋行代理近又擬在膠濟鐵路左右設立棧池其一在濟南西站其二在濟南東站其三在周村其四在博山其五在青州府其六在濰縣其七在膠州每處各買地一畝修棧房住屋各一處並挖小油池足裝油五十噸經呈由駐濟英領事援照德商禮和洋行在膠濟沿途設站販賣美孚火油之案照請東撫准予開辦楊道帥以濟南商埠租建章程第七節內載明火油一物最易引火必須照各埠章程辦理不得任意囤積等語上次德商禮和洋行請在濟南商埠設棧售油即是遵照埠章赴商埠局

議定合同由局核准有案今該英商擬在濟南商埠設立火油行自應一律辦理特照復英領事轉飭該英商仍赴商埠局照章呈候察核辦理至周村濰縣兩處雖係自開商埠然尙未定開埠日期目前並無洋商在該兩處設棧貿易查德商禮和洋行現亦僅在濟南西站一處設棧並未在膠濟鐵路沿途暨周村濰縣等處設棧販售火油今該英商請在周村濰縣兩處租地修建存油棧房恐於該處地方情形有所關礙特飭商埠局查明核飭遵照其博山青州府膠州三處係屬內地現行約章本有洋商不得在內地開設行棧明文該英商所請自未便准其辦理已照復英領事轉飭該商遵照並檄行濟南商埠局查照辦理

河南○汴省商務素盛近以鐵路四通商業尤見發達省城商界因擬遵照部章設立汴省商務總會以資聯絡業已稟明商務局轉詳商部立案開辦

江蘇○鎮洋縣屬瀏河鎮爲該邑巨鎮鄰江濱海塵肆殷闐近經該處商董公議設立商務分會已舉劉君子經爲總理又奉賢縣屬莊行鎮人煙稠密市肆殷繁爲奉邑要鎮亦經該處商董王君初祥等議設商務分會公舉徐君鳴皋爲總理又宜興荆溪兩縣係屬同城近經該紳商等公議援照錫金商務分會成案合設商會一處名曰宜荆商務分會又泰州爲裏下河門戶各場來往要區商務素盛亦經該處商董籌辦商務分社以資整頓又泰興地方南濱長江北通裏下河一帶人民豐阜市廛櫛比該邑商董等因擬遵照部章設立商務分會公舉張君樹霖爲總理以上五處商務分會業由江甯上海商務總會分別呈報商部立案開辦○通州水西亭向爲名勝之地近已添造西式樓屋五間作爲商品陳列所所有陳列之品除土產各物外其他商品已派人至滬採購約俟明正方可開辦

安徽○日商大浦實近在盱眙縣蔣壩口地方開設行棧包攬貨客經縣令查明稟報鳳陽關道卞緒昌觀察觀察以此

端一開實於稅釐大有妨礙特詳請南洋大臣照會駐甯日領事援照內地不能開設行棧之例即予撤銷

浙江○杭州府屬新城縣商學兩界公議設立新城商務分會當已成立於十月十六日行開會禮又富陽地方爲往來上江孔道商務素稱繁盛近經宋君翰卿等勸導商人設立富陽商務分會以資整頓又嘉興縣屬王店鎮商務分會自經鎮紳張君茂萼等竭力提倡後商界中人極爲悅服已聯名稟准縣署剋期開辦並購備中外報章任人觀覽又於每日午後派人輪班演講以開民智又平湖縣屬乍浦地方爲浙西海道要口南通閩粵北達江淮遠接溫台近連甯紹向來商務極盛近有職商林君兆春等爲振興商務起見籌設乍浦商務分會業已成立並公舉徐君應良爲總理又平屬新倉鎮商務分會亦經紳商籌辦同時成立公舉謝君仿伯爲總理又鎮海地方接近海濱航路交通商貨輻輳素稱繁盛近經該縣職商徐君高等發起設立鎮海商務分會公舉鄭君志道爲總理又餘姚商務分會近亦由紳商等公議設立推舉張君承績爲總理以上七處商務分會均已由杭州甯波商務總會分別呈報商部立案

福建○閩紳林惠亭太史稟准署督崇佑帥設立電燈公司擬招股本十萬圓仿照浙江鐵路公司辦法分爲整股零股二種週年官息八釐不收洋股以免利源外溢

湖北○鄂商周君秉忠稟准鄂督招集華股二百萬兩創辦武昌水電公司作爲官督商辦俟開辦獲利後每年報効公家二成以充財政○漢口總商會成立後勸辦分會不遺餘力近聞沙市暨老河口等處均已立有分會商務局孫觀察泰圻因恐其章程辦法或有參差特派委員往查與在事諸員和衷商辦以期盡善○漢口日商東益洋行在橋口開設提金爐房經江漢關道照會日領事查禁日領不允嗣經夏口應馮司馬商請商會董事葉田二君與該行東磋商將爐房移至他處所有虧耗之費則令該處附近居民攤賠該行當已首肯然居民則怨咨交作矣又日商中原精三等前在

漢口日領事署領有護照赴武穴遊歷詎該商竟在武境租賃房屋開設行棧經武黃同知陳司馬查悉以該商有違約章電稟江漢關道轉商日領水野迅飭搬遷以免釀成交涉

新疆○伊犁將軍長少帥奏請設立茶務公司於伊犁作爲官督商辦以整頓茶業推廣銷路爲宗旨已奉 硃批允准


四川○成都商務總局近派員往各州縣搜取工藝製造品及動植水族等類運送來省以備明春青羊花會開博覽會之用並撥款在青羊寺左近拓地四十餘畝爲陳列所其中建築房舍約在十之三四間已動工修造矣○成都居民向以井水爲飲料近經商會分董馬君正泰集資創辦自來水公司以重衛生業已稟由警察商務兩局詳請錫清帥批准辦理○合州商人啓君等以該州商業近益繁盛特聯合各幫首事稟明商務總局設立合州商務分會以廣公益業經批准

廣東○嘉應職商廖君鵬章等以松口堡爲嘉應下游距城百里下達潮郡上通惠州與閩汀毗連南盡海疆要道犬牙相錯水陸交通如本州松源饒塘桃源降文嵩山雁洋上下半圖諸堡尤舟車輻輳轉運必經商務繁盛自昔已然徒以各顧其私未免利權喪失近日州治雖已設有商會然商埠距城遠遼遇事鞭長莫及呼應不靈爰集衆議設立松口堡商務分會以資整頓又連州陽山地方亦已遵照部章設立商會名曰連陽商務分會公舉劉君翰瑤爲總理以上二處商務分會均已稟由廣東商務總會呈報商部立案

雲南○滇省地處邊陲蘊蓄非不宏富特因風氣開通較晚商業素少講求近該省職紳馬君啟元等以目今滇省開闢商埠築造鐵路百事振興所有蒙自思茅騰越等處進出貨物日見繁盛商界見聞漸廣事機可乘亟應實力提倡加意經營俾得日徵進步爰邀集各紳商公同籌設雲南商務總會各商均極歡欣踴躍即舉馬君爲總理王君鴻圖爲協理

商務 各省商務彙誌

並議定章程八款稟由滇督咨報商部奏明立案開辦



小說

空谷佳人續前

第二十一章

亨利既去。卜將就寢。亨利忽又反身入室曰。君盍與僕偕出。僕將更有所請。卜諾之。既出。亨利詢卜曰。君曩云得金二萬鎊於穴中。信否。曰。良信。曰。其穴安在。卜雅不欲以實告。方支吾間。亨利曰。君母然。僕非外人。君何必諱。卜始告以穴在中途屋之下。亨利曰。聞中途屋故君父遺產。君應承受。其說信乎。曰。然。曰。然則君能以中途屋及其下地穴見售否。曰。君何須此。曰。僕自欲得之。無預君事。卽其故亦不能以語君也。今穴中藏金僅二萬鎊。僕請以四萬鎊易之。可乎。卜方躊躇未答。亨利復曰。苟能從吾言。吾卽以女妻若。可乎。卜曩固未嘗聞此語。驟聞之。受寵若驚。遽諾。諾唯命。惟懼二老不從。乃以情語亨利。亨利曰。君姑無慮。此余已爲君籌之熟矣。君之曾祖父。第視爲已死可也。至君之祖父。僕就商必可得當。君何庸總總過慮爲。卜思亨利俾已視曾祖父爲已死。語良有意。祖父固易與。不足爲患。乃允之曰。苟如君言。僕無不如命。亨利喜曰。得君一諾。息壤在彼。亮不食言。僕今暫歸。君亦可往省彼女。少須

當借來吾家小酌。語已遂別去。卜歸視女。方鼾睡未覺。忽郵局以書至。啟閱之。則白海姆書也。卜時已憊甚。翌日始作答。俟女睡覺。邀之偕詣亨利家。庚孃與女頗投契。恆促膝密語不休。亨利亦甚憐女。愛逾所生。竟日。卽女側不少離。親以梨花一枝簪女髻。女喜。顧庚孃而語。卜曰。君今視儂之髮較渠奚若。初卜已爲女置衣飾數事。至是一被服。竟如天仙化人。卜見其簪花而笑。癡益嬌美。亨利謂卜曰。孰知此女居然絕代麗姝。與僕之女可稱雙璧。卜曰。唯乃以女前言告亨利。謂其心羨庚孃之飾。亨利曰。果爾。則亦良易。僕女故不善修飾。梳裹猶未盡入時。彼如好之。僕將以爲螟蛉女。而延師專教之。卜曰。苟訪得其戚族。延師之脩脯自有所從。出固無勞。君之越俎代庖也。亨利曰。然。適直安秩路君。余以女之顛末告之。卽以偵探事囑彼。彼固辭。余強之。至再。彼謂此女之亡。失已閱十有二年。而其家愀然置之。若了無聞見者。然其中必有他故。此事恐難爲力。且閱時既久。頭緒都失。若治亂絲。勢必徒勞無功。苟冒昧任之。迄無所得。後且爲人所笑。實於彼名譽有關。故彼不願代偵。第允隨時留意。儻有所獲。續圖未晚。尤可慮者。十二年前之暴徒。逮今或猶生存。苟恐事發得罪。必將復肆其毒螫。以害此女。旁觀竊爲之寒心。爲今之計。第宜行所無事。祕之而已。此雖局外之言。然亦確有見地。君意云何。設此女之家世卒覓不得。君亦應爲之妥謀一安身之處。以爲久。

計。僕。愛。之。甚。故。不。憚。饒。舌。區。區。之。誠。亮。可。共。信。卜。聞。言。不。能。答。第。唯。唯。而。已。少。須。亨。利。復。曳。卜。至。別。室。出。紙。幣。直。金。四。萬。鎊。以。授。卜。曰。君。以。此。娶。吾。女。而。以。中。途。屋。及。地。穴。畀。吾。何。如。卜。無。言。旋。聞。女。呼。已。乃。受。之。而。出。詣。女。所。見。女。與。庚。孃。語。猶。未。已。庚。孃。方。手。一。編。爲。女。講。解。女。見。庚。孃。知。書。意。頗。羨。之。亨。利。曰。是。不。難。以。汝。之。慧。習。之。何。難。苟。留。此。從。庚。孃。學。則。異。日。者。青。出。於。藍。固。意。中。事。爾。女。俛。不。答。亨。利。復。命。庚。孃。彈。琴。作。歌。女。聞。之。益。喜。欲。效。庚。孃。所。爲。而。彈。不。成。聲。推。琴。慚。恚。惆。悵。欲。泣。曰。余。殆。非。人。耶。庚。孃。笑。曰。妹。何。必。爾。余。自。幼。時。卽。習。爲。之。至。今。猶。未。能。精。矧。妹。初。學。固。無。怪。其。然。也。且。一。技。之。長。何。足。輕。重。女。唯。唯。然。終。悵。悵。不。已。慨。焉。興。歎。忽。見。庚。孃。所。御。指。環。瑩。澈。奪。目。異。之。急。問。此。爲。何。物。庚。孃。脫。而。示。之。曰。此。鑽。石。爾。女。愛。翫。不。忍。釋。手。亨。利。曰。旣。愛。之。則。徑。取。之。可。爾。女。遽。喜。而。受。之。亦。不。置。謝。卜。以。夜。深。起。而。共。辭。遂。與。女。俱。歸。

第二十二章

歸。後。卜。私。詢。女。以。庚。孃。奚。若。女。喟。然。曰。儂。弗。如。也。姑。無。論。其。貌。秀。絕。人。寰。卽。其。解。書。史。而。多。材。藝。儂。亦。烏。能。企。其。萬。一。今。日。雖。承。亨。利。青。睞。畀。以。指。環。然。儂。手。龜。膚。墨。自。顧。弗。稱。必。如。庚。孃。之。肌。理。玉。瑩。以。指。環。飾。之。始。顯。其。美。儂。拙。且。陋。兼。葭。倚。玉。良。用。自。慙。卜。初。疑。其。妬。弗。敢。

置辭既而知其心。羨庚孃此語。殆出至誠。非由矯飾。乃曲意慰之。曰：是大不然。汝久穴居。兼事操作。故蕉萃至此。少須之。未必不美。逾庚孃也。女意似少慰。輾然而笑。曰：兄語良是。良是。卜又詢以適所見諸物。有可觀否。則對以咸足娛目。斗覺觀聽一新。卜曰：此蓋緣汝少見多怪之故。實則亨利家僅素封。服飾器用未極殊異。汝苟習見之。自漸覺其平澹無奇矣。女問：明日將復詣其家乎。卜曰：然。汝不聞渠父女邀汝赴宴乎。女問：何謂赴宴。卜具告之。因問：汝或者畏亨利不欲往乎。曰：兄往則儂亦從往。否則止耳。亨利待儂頗不惡。儂固不之畏也。卜曰：既不之畏。樂與彼同居否。女怒曰：兄欲棄儂乎。不然。何出此言。卜心殊忐忑。不得已姑慰解之。曰：前言戲之耳。女終悒悒不樂。卜亦引以爲後憂。索寞寡歡良久。女乃曰：何庚孃才色並茂。一至於此。洵令人心羨。無已。卜曰：汝既羨之。樂與同居否。曰：儂固願之。其如庚孃之不屑下交。何。卜曰：汝何由知之。曰：想當然爾。卜遂止而不言。明日卜起。女尙棠睡方酣。蓋女自出穴以來。恆於日入後始興也。卜候至四句鐘。覺索居岑寂。無俚殊甚。念女起尙須時。己不如先詣亨利家一行。徐還迎女未晚。遂獨往。見坐無他客。惟亨利父女兩人。少須會。亨利外出。卜遂偕庚孃入園遊覽。夙願既諧。懷抱斯暢。第覺鳥韻雙聲。花含喜氣。亭榭木石色色可人。把臂談心。不知日之既夕。又以婚約既定。無事遠嫌。且旁無他人。遂相抱持。接吻示愛。忽

微聞丁東細步聲。急反顧不見有人。至第聞低歎聲。卜意是必女以覓己來趨前逆之足音。已杳及門次。見亨利倚闥而言曰。日云莫矣。彼女胡尙未來。僕將往迎之。卜曰。甚善。亨利去未幾。卽反曰。徧覓女。不知其所之。卜思適所聞歎息之聲。酷肖女。必其先己至此。顧今胡避匿不見其故相戲耶。乃急邀亨利偕往覓之。由室而園。大索不得。卜高呼曰。勿惡作劇。可以出矣。免使吾輩墮念。迄無應者。第見園中側門洞開。卜意女必由此門出。殆爲己之曾祖父所掠去。不覺失聲大慟。謂亨利曰。今將奈何。女其復入虎口矣。亨利力言勿過憂。必無此事。卜不信。旣而復入室審視。見凡女由穴中攜來各物。均無存。惟亨利所贈之指環一枚。留枕畔。卜始恍然曰。女殆復歸穴中矣。亨利問何由知之。卜曰。曩於園中聞浩歎聲。蓋女從闥中來。余兩人適未之見。渠疑吾儕偃蹇不爲禮。故怒而去爾。語次復於牀下得物一裹。皆卜爲女新置之衣飾。卜益信所見之無誤。卽趣詣中途屋。亨利亦從之行。入穴抵女臥處。果見其蹙額嚙眉而臥。呼之不應。曳之不動。撫之呼吸已絕。卜大哭痛幾不欲生。亨利亦哭甚悲。卜亟欲延醫診視。亨利曰。倉卒間奚從得善醫。緩懼不及事。曩余女遘危疾瀕死。余延國工治之一藥而愈。所送之藥少許。余寶藏之至今。取以療女。庶幾或甦。卜急取水。亨利出藥。搗女齒灌之。良久始嚶然一呻。咯出痰塊。少須漸蘇。卜與亨利方共慶幸。女已躍起。怒目視卜。失

聲長號。卜等共曳。使臥。少憩。女不可厲聲。謂卜曰。汝與庚孃接吻。互抱接吻。猶無足奇。何爲互抱。汝曩固未嘗抱。儂足見汝之不愛儂也。卜笑慰之曰。庚孃命余抱余。是以抱之。汝未嘗以此見命。余懼汝不欲。故不敢。唐突非愛汝。有遜於庚孃也。女怒少解。曰。果爾。君後此必抱。儂如庚孃。且必當先儂。而後彼。卜唯唯。時庚孃亦至。聞之不惟不怒。轉笑擁女於懷。曰。勿怒。吾愛汝。吾抱汝。女卽以手曳卜。曰。吾儕三人。當互相抱。交相愛也。亨利聞之。目卜曰。余言何。如今君將何以處此。卜默無以對。第詢女力能歸去否。曰。奚不能復詢體中。何如得母病乎。曰。奚病。遂相攜反亨利室。

第二十三章

歸途女三仆三起。旣至而憊不能興。女尙不自知其疾。篤語刺刺不休。曰。何余足木然不能運動。如恆耶。卜設詞慰之。少焉亨利父女偕來問疾。女命卜代緩結束。按摩捫股。卜不可。庚孃揜口。胡盧女大哭。卜不得已從之。蓋女甫涉世。天真爛然。一切宜忌。均所未諳。且與卜愛情夙摯。視同一體。幾渾忘形骸之異。男女之別。初不知裸體捫膚態鄰狎褻。不可於人前爲之。致惹嗤點也。比亨利父女去。卜始語女曰。吾與汝男女有別。雖爲兄媾。亦當遠嫌。如適須所爲。勢將貽笑識者。後勿復爾。女默不語。窺其意。殊不樂聞。卜復曰。兄媾之親。視夫婦之愛。

夔。殊。世。之。可。共。臥。起。者。惟。夫。婦。爾。女。曰。吾。兩。人。既。可。爲。兄。媾。何。不。可。爲。夫。婦。且。與。其。爲。兄。媾。
 無。甯。爲。夫。婦。卜。曰。既。爲。兄。媾。卽。不。得。爲。夫。婦。女。聞。言。慄。然。爲。間。俛。首。沈。吟。如。有。所。思。久。之。乃。
 曰。今。夕。汝。伴。儂。寢。儂。將。易。兄。媾。爲。夫。婦。也。卜。時。進。退。維。谷。拒。之。既。恐。其。憤。死。從。之。又。懼。冒。瓜。
 李。嫌。方。夷。猶。問。女。遽。曰。汝。必。不。欲。共。儂。寢。而。樂。共。庚。孃。寢。耶。卜。漫。應。之。女。長。歎。數。聲。繼。之。以。
 泣。三。蹶。起。欲。歸。穴。曰。而。今。而。後。儂。乃。知。之。矣。噫。卜。深。自。悔。失。言。急。抑。之。俾。仍。就。寢。自。承。前。言。
 爲。戲。勿。遽。以。爲。實。然。遂。與。並。枕。臥。舉。目。視。女。楚楚。可。憐。殆。如。幽。棠。一。枝。泣。露。偃。煙。顛。蹶。枕。畔。
 既。憫。其。瘁。復。感。其。癡。爾。時。情。景。幾。難。自。持。亟。收。視。冥。心。而。心。旌。仍。搖。搖。不。已。因。注。念。庚。孃。且。
 臚。舉。國。律。大。義。以。自。律。而。強。制。而。女。自。首。吐。片。語。後。卽。回。面。內。嚮。絕。口。不。復。聲。了。不。顧。卜。卜。
 猶。意。適。逢。其。盛。怒。尋。當。浸。釋。久。之。女。漸。睡。去。鼻。息。咻。咻。然。吹。氣。若。蘭。麝。卜。心。復。爲。之。動。力。自。
 禁。抑。久。乃。成。寐。比。覺。拭。目。視。女。寢。狀。似。有。異。急。探。之。口。鼻。間。已。無。呼。吸。撫。之。體。已。冰。卜。搏。膺。
 號。泣。一。慟。幾。絕。銜。涕。奔。告。亨。利。亨。利。聞。之。亦。爲。感。傷。曰。苦。命。女。竟。夭。折。乎。其。命。之。薄。可。謂。極。
 矣。雖。然。余。將。何。以。懺。悔。無。以。姑。爲。之。飾。終。從。厚。營。奠。營。齋。聊。以。慰。之。於。泉。下。而。稍。盡。余。心。焉。
 可。乎。於。是。與。卜。親。視。含。殮。備。物。盡。禮。尋。葬。之。於。彭。坡。禮。拜。堂。之。側。樹。碣。曰。處。子。苦。命。女。之。墓。
 女。入。世。未。久。相。知。者。止。此。數。人。故。執。紼。者。亦。止。此。卜。與。庚。孃。結。百。花。爲。球。置。之。墓。上。灑。淚。致。

祭。卜之祖父亦聞訃而來襄事。事畢散花雪涕而去。所可異者此數人中惟亨利爲最哀慟。擗踊自擲。幾不欲生。終至淚竭聲瘖。猶嗚咽不已。戀戀不忍去。卜與庚孃力勸之。始歸。自此遂遘疾。亦不延醫診治。庚孃故孝。見狀憂甚。欲代呼醫。亨利執不可。一日者卜與庚孃談及女事。深惜女以出羣之姿。秀外慧中。幼爲姦人所陷。幽錮者十餘年。甫得出穴。又遽不壽。蒼蒼者天胡厄彼。至於此極。向使不遇卜某。世且無知其人者。因備述女之性情軼事。以語庚孃。惟匿其臨歿之夕私語情事。不敢以告。庚孃亦歔歔不已。忽亨利從外來。謂二人曰。余甚願見汝曹成嘉禮。惟今將有遠行。恐不及待。及詢其行將何嚮。以何時行。何時歸。則皆云未定。要之行期孔邇。余或一出不反。卽已行矣。汝曹誌之。慎勿鯁鯁過慮爲。語次窺其容慘沮。若有不忍盡言者。庚孃聞言不知所對。惟流涕而已。卜更瞠目結舌。默然相對。亨利忽顧謂卜曰。汝已爲吾女未婚夫。吾女之家卽汝之家也。爾後家事卽舉以奉屬。汝其勿却。卜益駭怪。私念若尙生存。何遽出此語。得毋僨乎。明日卜復詣庚孃許。會亨利他出。比反遇諸塗。見亨利欲言復止者再。問之不答。遂偕行。久之至無人處。亨利乃言曰。余將有所奉白。藉資懺悔。卜問君何罪。須懺悔者。曰。僕有隱慝劇深重。幸闕不爲人所知。故獲苟免。不抵於法。然天譴必不可逃。行且及矣。卜雖不甚解。然知其言之有因。因問所欲見示者何事。時已行至一

狹徑中。亨利曰。姑從余行。不數武。屈曲達一處。人煙絕迹。見一土阜。下有巨穴。亨利曰。入之。卜愕。顧不敢遽前。察其意。良不惡。乃偃僕從之入。則穴中亦有隧道。少前。道漸寬。亨利取火四燭。謂卜曰。君猶憶曩夕之槍聲乎。曰。憶之。卽僕久候之夕也。曰。君曩所聞之聲。卽余槍擊乃曾祖老彼得之聲也。卜問君所謂隱慝者。殆卽此乎。曰。非也。此老之惡稔矣。天假手於余以殺之。何罪之有。語次。手指一尸。而示卜曰。汝識之乎。隨拾道旁小石。擲其首。卜視之。橫尸道上。血蹟模黏者。卽己之曾祖父向之絕繩。因己持刃逐己者。也不禁戰栗。卻步。雖追憶前事。未免介介於其忍。而天性之親。不覺淚下。亨利復曰。此老苦余者。凡閱十二年矣。茲請爲君覩縷。一是始之置女於匣。囑投諸海者。卽僕是也。僕故與乃曾祖不相識。第聞其名而已。迨與彼晤時。實以夜往。且易裝俾不之識。孰意渠能於闇中辨認。事後數日。卽來相覓。余初怒責其欺。後懼事泄。乃重賄之。旣已入彼彀中。勢無如何。雖欲復得女而甘心。奈渠終不之許。爾後凡十二年。勒賄無算。時以出首相。恫喝必飽。其貪吻乃已。及晤君之夕。渠復來索賄。僕忿甚。不可復忍。遽槍斃之。而投尸於此。此僕與乃曾祖老彼得交涉之歷史也。至僕欲害彼女之緣。因當續及之。度亦君所樂聞。僕少時不務正業。父嚴訓責之。卒不改。旣復違父命。私娶小家女。父益怒。遂逐余出。不以爲子。而撫彼女爲嗣。以襲巨產。僕性習揮霍。到手輒盡。

久且瘵窘。悔已無及。尋余妻育一女而卒。女卽庚孃是也。庚孃幼多病。醫言肺弱。冬季不宜居倫敦。必往馬杜尼避寒。始可冀其長成。否且無望。時會余父疾亟。余偵知女勢孤弱。萬不敵余。乃謀殺之而奪其產。及父卒。遂飲以鴆。而置諸匣。以畀乃曾祖。第余雖謀其命。固未嘗欲幽諸穴。及今知之。雖悔何追。然余必別有所爲。以冀懺悔於萬一。他日汝曹自知之。語已。遂出隧道而他去。

第二十四章

自是遂不知亨利之所往。亦無音耗。庚孃苦憶之。命卜徧覓。迄莫得其蹤蹟。卜亟欲成嘉禮。庚孃輒以父爲辭。卜無如何。亦悒悒甚。一日者。卜之祖父忽來呼卜從之去。卜詢何事。不應。行一時許。抵中途屋。復問。仍不答。曰。汝第入地穴。一覽自知無須問也。要之事頗重大。於汝至有關繫。卜殊悶損。偶憶及女。曩與己日共寢。食親逾手足者。今已化爲糞壤。彌增淒惻。乃祖忽謂卜曰。女賴汝得出險。余方冀其長享幸福。乃遽早夭。汝之曾祖父。外出不歸者。亦已彌月。未卜存歿。獨余以衰病之身。苟延於世。是誠無可奈何者矣。語次。至穴口。曰。入之。卜問孰在此中。對以亨利。卜問亨利來此幾何時矣。曰。已彌月。其來時。告余謂以四萬鎊購此穴。欲入居之。以終殘年。凡曩所施之女者。願悉身受之。此後亦日煩君。予食如向之飼女者。然

幸母泄之於人。余初不可勸其勿爾。後見其意良堅。乃勉從之。自此余遂日作呼犬聲。緝食予之。渠亦日來取食。迨昨日忽不來。今晨視筐中食物故在。余意其有他。故來呼汝入省之。卜急繼入。至女故臥處。見亨利瞑目臥。呼之不應。猶意其病篤。以火燭之。則已死。乃舁之歸。庚孃哭泣盡哀。以禮殯葬訖。乃與卜成婚禮。自是以後。伉儷之歡。螽斯之慶。所不待言。然皆與苦命女之歷史無關。載筆者亦不復贅及焉。聊繫以詞曰。

檻。瘳。幽。花。籠。瘡。嬌。鳥。洞。天。孤。負。春。光。好。釣。奇。多。謝。阿。兄。來。墓。門。催。長。紅。心。草。金。屋。多。怪。
玉。容。鷓。老。美。人。不。壽。翻。宜。蚤。羞。教。白。髮。上。人。頭。故。留。恨。事。供。憑。弔。調。寄。踢。莎。行。
名。士。多。奇。癖。傾。城。有。別。裁。澹。於。秋。鞠。冷。於。棊。等。是。一。般。蕉。萃。十。分。猷。甯。復。腸。堪。斷。曾。無。
淚。可。揮。杜。鵑。蹶。道。不。如。歸。怕。見。小。墳。三。尺。病。梨。開。調。寄。攤。破。浣。溪。紗。

小說
空谷樵人



七

十二月

雜俎

光緒三十二年十一月中國事紀

▲爲記者以此事之見於是日也
△爲記者以見報之在是日也

十一月初一日。▲諭飭各省實力籌辦練兵籌餉事宜。

▲諭飭各省推廣農林。從御史趙炳麟請也。△學部定各學堂收納學費章程。▲寓滬紳商設立預備立憲公會。初二日。▲以吳重熹補郵傳部右侍郎。瑞良補江西巡撫。袁大化補河南布政使。▲美設裁判所於上海。△美使以招華工往開巴拿馬運河爲請。外務部力拒之。初三日。▲以黃雲調山東按察使。馮汝驤補甘肅按察使。△奧荷二使請派員入農務會。政府咨由駐奧荷二使就近赴會。△學部定官紳出洋遊歷章程。△裁廣東陸路提督。歸併水師。從前署粵督岑春萱請也。初四日。▲以興祿補貴州布政使。松堦補貴州按察

雜俎

光緒三十二年十一月中國事紀

使。△停止順直廣西實官捐。▲上海華商體操會。自願併入西商團練隊。初五日。△駐日使臣楊樞奏設留學生監督署於日本。自任總監督。以參贊任副監督。△廣東士紳商民公電政府。力爭九廣路約。△粵督周馥禁香港各報至省。△天津禁歇煙館。▲大連灣大風。初六日。▲賞慶親王紫禁城乘輿。△江蘇蘇松太道瑞澂諭上海煙館一律限六箇月閉。歇並照請各國領事於租界內照行。初七日。△郵傳部電商鄂督張之洞贖回京漢鐵路辦法。初八日。▲截留蘇省漕折銀三十萬兩。加撥內帑銀十萬兩。賑徐海淮安災。初九日。△陝藩樊增祥開缺。聽候查辦。以與陝督升允互劾也。▲安徽宣城縣饑民滋擾。縣令憤殺二十餘人。幾釀巨禍。△江西萍鄉會匪。累爲官軍所敗。斬獲千餘人。勢漸衰。初十日。△山東曹州匪亂。魯撫楊士驤電請陸軍部派兵赴剿。▲江蘇南翔鎮難民滋擾。鄉民與團互有死傷。十一日。▲江甯徵兵以受棍責。官兵交關。

五十三

丙午

十二日。△駐俄使臣胡惟德電告政府。俄人允償海參崴華人損失。准明年三月辦理。十四日。▲廣西巡撫柯逢時開缺。以侍郎銜督辦各省上稅。並以程儀洛為幫辦。▲以張鳴岐補廣西布政使。署理廣西巡撫。余誠格署廣西布政使。王芝祥署廣西按察使。十五日。▲升孔子為大祀。十六日。▲獨綏山東被災各州縣錢糧有差。△度支部議定改官銀行造幣廠各總辦為實缺。十七日。▲廣西南甯開埠。並設稅關。△山東曹州土匪竄入河南。十八日。△軍機處議改。領袖章京食三品俸。歷八年。外放提學按察鹽運各司。幫辦章京食四品俸。歷八年。外放通商洋務要缺道員。均不兼差。△德使請在膠州灣興築船塢。作永遠屯駐海軍地。外務部拒之。△萍鄉匪首蕭克昌全獲正法。十九日。▲俄人交還漠河金礦。二十日。▲查辦奉天事件大臣載振徐世昌回京。▲賞林紹年紫禁城及西苑門騎馬。△通飭各省查禁無約國人載運鴉片嗎啡等入口。△

學部議定京師師範畢業生服義務五年。方准入仕。▲杭州拱宸橋新埠大火。二十一日。△江督端方通飭各屬。自是月起至歲終止。凡運赴江北米麥。一律免完釐稅。以饑故也。二十二日。▲諭令建設曲阜學堂。▲江蘇板閘鎮饑民。窘辱官紳。搶掠米肆。各店皆罷市。二十三日。▲以寶熙署度支部右侍郎。二十四日。△外務部議改出使大臣為實缺。大國秩二品。參隨七員。小國秩三品。參隨五員。頭等參贊視參議。二等觀郎中。三等視員外郎。隨員繙譯視主事。參隨各員。不准自行奏調。均由部或儲才館派充。△裁免粵海關號口苛稅。從前署粵督岑春萱請也。△江督端方疏濬秦淮河。以工代賑。二十六日。▲以承佑補馬蘭鎮總兵。兼總管內務府大臣。▲外務部德文繙譯德海全家六人被戕。▲廣州商民復倡禁用美貨。粵督周馥嚴禁之。並提拒約存款。充善舉。徇美領事請也。二十八日。▲俞軍機大臣議覆都察院官制之請。△郵傳部決議。撥京津京漢兩路溢利五十萬兩。建築張家口至庫倫鐵路。△政府咨請南北洋大臣。各派四員。赴星加坡偵探革命黨舉動。二十九日。▲傳旨嚴飭張百熙唐紹儀。△江西萍鄉匪亂大定。△古巴派領事駐滬。